

儻序

淺草文庫

夫日麗星迴高明所以成賁

山盈川渙柔博所以流文若

乃含識濡毫抽心結撰義取

玄黃玄乘法象載法方典文

不在茲况乎雕語雲連綺字

波委紅紫焜於毫端煙霞揮

001-068

於紙上斯則遊魂前藻鮮見
其存而洞沙儷辭益惟其至矣
蓋奏玄鶴之鄉音者疇在不能
潤其徽飾華重蝕之觀者素
絲不能奪其色是以二京濬朝
宗之派三都激委瀆之波鄴下
握地騁驥之塵斯起江左擣

龍鳴雀之和無歇競為急製
轉相陵高齊梁屬鑣浸及淫
放陳隋后集叶以風律巧極於
濬心語絕於照載雖嗜愛殊
門人自為驚而形言極致匠者
何工然而緗素淋漓珠璣渙
放美本陵義巨室之材不採

孤竹在野降神之曲希聞必欲
激流溜澗庶以易牙之辨錄
響音宮商垂法延陵之身標
經國之大美噓千載之艷聲
知音自我交德不孤是則名哲
之所裁也余友陳元明曾吞八
九雲夢價重十二連城巖生

賦麗不廁承明之廬潘子風流
聲絲河陽之壘嗜書有濡蒲
之編得白蕪遺裳之題故其六
學九丘之蹟汲郡孔堂之闕金
繩烏篆之文玉牒垂章之字莫
不畋渙自昔羅縷在心雖渡鳥
桓畫地不夫山川之形稷下談天


尚存勝至之舌將絀其說未之
或先及其興懷呈貌屬事成
章以學入飛較文成吐鳳春華
秋馥每播六朝之飈玉絢瓊敷
獨標九岫之韻聯翩書記則
元瑜狹衡清妙歌詩則子荆
方駕蓋其苞英蔚矣故其振

藻超然尔乃擢圓源之珍揚蕙
園之芬上自炎漢下暨終唐
綜其駢字緝之積帙蓋語不獨
興而文以綺合彙而成書名曰
文儷毛非一腋綴為千金之裘
金揀河沙範以衆鑄之治昭明
琳琅之選知度甲乙之編當暉

映於後先實未易以軒輊矣乃
有司馬徐卿風推雕龍詰匠臭
既協於金蘭賞亦諧於琴瑟
爰及不佞同為叅訂不致藏
之名山遂以傳之因好梓政既
成屬言以弁雜情慚賦鶻而
言輸同心鷄火何光可分丹山

之影並石為慙認厠崑陵之
耀庶幾標勝義於青箱漫為
綴下里於白雪云爾

友人畢懋康譔



文儂序

昔梁帝班管之題用標贍所庶業
氏海錄之鈔以代鉛枕古人流覽經
囊研精詮擇懋波聞之戲獵崎
遠道之餽糧法之如此予嘗憶其
所輯擷纂組之奇文綜雕琢之雋

文侯序
致迺今廷珪之記猶在人間湘東之
編已就堙沫矣頃畢孟侯以陳元
册所編文儒寄予謂予于此書有
同者焉且屬其兄懋之趣予一言以
弁之予受而卒業快讀數過松掌
絕歎以為異書竊日繁夜目力竭而

不忍已也蓋自西京以後浸而及于
六代三唐其間高文典冊之雄比
事屬詞之巧山毫海墨之奇點
翠裁紅之麗驚豔絕采瓌意
瑰辭靡不咀彼菁英標其雕蔚
上林之弋中必壘豔赤帝之琛瑞

惟輯合璧之都之媚媼體並神
仙類越水之明光姿均姝麗平原
所稱綈首星綢藻思綺合者因不
囊舉而攜載焉或雍容大篇爛
雲霞之五色宋滂片語掇孔翠
之一毛觸目琳瑯盈囊組紉良既博


而既精誠可歌而可誦麗矣美矣
廣矣大矣非夫錦繡為心陶甄在
手何以比鍾聲而考律俾清音不涸
于濫吹持玉尺以董林令合抱不溜于
寸朽致如此哉嗟乎文苑之流傳
遠矣古人之鑒別多矣寸心千古慨

識曲之來真流水高山感知音
之妙溝坎或然若為折竹瞑寫晨
書恒自秘于巾箱不忍傳法都邑
任來之題裳既滿肯易淨衣揚
雲之摘槩雖高陔弱翰元朋乃
不惜帳中公法矣者斯固通人之

和度異夫懷寶而迷邦者乎然
予又聞元朋所著自慧閣詩刪外不
可勝紀珠帷欲月塗山之璧萬方
彩欲縹天赤城之標千丈蓋已苞
前而舉後詎惟鑄古而為今龍門
書就名山之藏富焉秘監詩成都

下之紙貴矣然則斯編也第可
謂披安石之碑金敏遜云見中
郎之武庫哉

年家友弟顧起元書



文儷總目

賦

拾玖首

七

肆首

連珠

肆首

詔

肆首

璽書

貳首

勅

壹首

冊文

叁首

制

肆首

令

參首

教

五首

策問

壹首

判

拾柒首

表

壹百首

上書

貳首

啓

捌拾捌首

牋

貳首

書文

玖拾首

移文

貳首

檄文

肆首

露布

貳首

牒

壹首

序

貳拾捌首

銘

貳拾首

誌

壹首

文儷卷一目錄

擣素賦

班婕妤

笙賦

潘岳

赭白馬賦 有序

顏延之

雪賦

謝惠連

月賦

謝莊

別賦

江淹

麗色賦

江淹

舞鶴賦

鮑昭

郊居賦

沈約

爭賦

江淹

玄覽賦

梁孝元帝

文儷卷一

明閩中陳翼飛元朋刪定

昆明傳宗龍仲綸較閱

新安畢懋康孟侯叅訂

擣素賦

班婕妤

測平分以知歲。酌玉衡之初臨。見禽華以庶色。忽霜雀之傳音。佇風軒而結睇。對愁雲之浮沈。雖松梧之貞脆。豈榮彫其異心。若乃廣儲懸月。暉水流清。桂露朝滿。涼衿夕輕。燕妻含蘭而未

止。趙女抽簧而絕聲。改容飾而相命。卷霜帛而下庭。曳羅裙之綺靡。振珠珮之精明。若乃矜睒生姿。動容多製。弱態含羞。妖風靡麗。皎若明魄之升厓。煥若荷華之昭晰。調鉛無以玉其貌。凝朱不能異其脣。若雲霞之邇月。似桃李之向春。紅黛相媚。綺組流光。笑笑移妍。步步生芳。兩靨如點。雙眉如張。頰肌柔液。音性閑良。於是投香杵。扣攻砧。擇鸞聲。爭鳳音。梧因虛而調遠。桂由貞而響沈。散繁輕而浮捷。節疎亮而清深。含笙

總。筑比玉兼金。不填不篋。匪瑟匪琴。或旋環而紆鬱。或相參而不雜。或將往而中還。或已離而復合。翔鸞爲之徘徊。落英爲之颯沓。調非常律。聲無定本。佇落手之參差。從風颺之近遠。或連躍而更投。或暫舒而長歛。清寡鸞之命羣。哀離鶴之歸晚。當是時也。鍾期改聽。伯牙弛琴。桑間絕響。濮上傳音。簫史編管而擬吹。周王調笙以象唫。若乃窈窕姝妙之年。幽閒貞專之性。符皎日之心。甘疾首之病。歌采綠之章。發東山之詠。

望明月而撫心。對秋風而掩鏡。閱紋練之初成。擇玄黃之妙匹。準華裁於昔時。疑形異於今日。想嬌奢之或至。許椒蘭之多術。慙陋製之無韻。慮蛾眉之爲愧。懷百憂之盈抱。空千里兮飲淚。侈長衷於妍袂。綴半月於蘭襟。表織手於微縫。庶見迹而知心。計修路之遐。實怨芬芳之易泄。書旣封而重題。筭已緘而更結。慙行客而無言。還空房而掩咽。

笙賦

潘岳

河汾之寶。有曲沃之懸匏焉。鄒魯之珍。存汶陽之孤篠焉。若乃綿蔓紛敷之麗。浸潤靈液之滋。隅隈夷險之勢。禽鳥翔集之嬉。固衆作者之所詳。余可得而畧之也。徒觀其制器也。則審洪纖。面短長。別生籀。裁熟簧。設宮分羽。經徵列商。泄之反謚。厭焉乃揚。管攢羅而表剡。音要妙而含清。各守一以司應。統大魁以爲笙。基黃鍾以舉韻。望儀鳳以擢形。寫皇翼以插羽。摹鸞音以厲

聲如鳥斯企。翾翾岐岐。明珠在味。若銜若垂。脩
擗內辟。餘簫外透。駢田獵擺。鯽鯨參差。於是乃
有始泰終約。前榮後悴。激憤於今。賤永裏乎故
貴。衆滿堂而飲酒。獨向隅而掩淚。援鳴笙而將
吹。先嗚噓以理氣。初雍容以安暇。中拂鬱以悌
惻。終鬼竅以蹇諤。又颯。迅而繁。沸。罔浪。孟以惘
悵。若欲絕而復肆。瀏。傲。羅以奔邀。似將放而中
匱。愀。愴。惻。滅。虺。疇。煜。熠。汎。淫。汜。豔。雪。燁。岌。岌。或
案衍夷靡。或竦勇剽急。或既往不反。或已出復

入。裘。徊。布。濩。渙。衍。葺。襲。舞。既。蹈。而。中。輟。節。將。撫
而不及。樂聲發而盡室歡。悲音奏而列坐泣。擗
纖。翻。以。震。幽。簧。越。土。笛。而。通。下。管。應。吹。喻。以。往
來。隨。抑。揚。以。虛。滿。勃。慷。慨。以。慘。亮。顧。躊。躇。以。舒
緩。輟。張。女。之。哀。彈。流。廣。陵。之。名。散。詠。園。桃。之。天
天。歌。棗。下。之。纂。纂。訶。曰。棗。下。纂。纂。朱。實。離。離。宛
其死矣。化爲枯枝。人生不能行樂。死何以虛謚
爲。爾。乃。引。飛。龍。鳴。鷓。鴒。雙。鴻。翔。白。鶴。飛。子。喬。輕
舉。明。君。懷。歸。荆。王。喟。其。長。吟。楚。妃。歎。而。增。悲。夫

其悽、唳、辛、酸、嚶、嚶、關、關、若、離、鴻、之、鳴、也。含、嘲、
嘽、諧、雍、雍、喈、喈、若、羣、鷦、之、從、母、也。郁、將、劫、悟、泓、
宏、融、喬、哇、咬、嘲、詰、壹、何、察、惠、訣、厲、悄、切、又、何、磬、
折、若、夫、昔、陽、初、暖、臨、川、送、離、酒、酣、徒、擾、樂、闋、日、
移、疎、客、始、闌、主、人、微、疲、弛、絃、韜、簫、徹、填、屏、篋、爾、
乃、促、中、筵、攜、友、生、解、嚴、顏、擢、幽、情、披、黃、苞、以、授、
柑、傾、縹、瓷、以、酌、醺、光、妓、儼、其、階、列、雙、鳳、嘈、以、蘇、
鳴、晉、埜、悚、而、投、琴、况、齊、瑟、與、秦、箏、新、聲、變、曲、奇、
韻、橫、逸、縈、纏、歌、鼓、網、羅、鍾、律、爛、熠、爚、以、放、豔、鬱、
蓬、勃、以、氣、出、秋、風、詠、於、燕、路、天、光、重、於、朝、日、大、
不、踰、宮、細、不、過、羽、唱、發、章、夏、導、揚、韶、武、協、蘇、陳、
宋、溷、一、齊、楚、邇、不、逼、而、遠、無、攜、聲、成、文、而、節、有、
序、彼、政、有、失、得、而、化、以、醇、薄、樂、所、以、移、風、於、善、
亦、所、以、易、俗、於、惡、故、絲、竹、之、器、未、改、而、桑、濮、之、
流、已、作、惟、簧、也、能、研、群、聲、之、清、惟、笙、也、能、總、衆、
清、之、林、衛、無、所、措、其、邪、鄭、無、所、容、其、淫、非、天、下、
之、和、樂、不、易、之、惠、音、其、孰、能、與、於、此、乎、

敢同獻賦其辭曰

維宋二十有二載盛烈光乎重葉武義粵其肅
陳文教迄已優洽泰階之平可升興王之軌既
接訪國美於舊史考方載於往牒昔帝軒陟位
飛黃服阜后唐膺籙赤文候日漢衛亨而天驥
呈才魏惠林而澤馬效質伊逸倫之妙足自前
代而間出並榮光於瑞典登郊歌乎司律所以
崇衛威神扶護警蹕精曜叶從靈物咸秩旣明
命之初基罄九區而率順有肆險以稟朔或踰

遠而納賚聳王會之阜昌知函夏之克物總六
服以收賢掩七戎而得駿蓋凜風之淑類實先
景之洪胤故能代驂爲輿歷配鈞陳齒筭延長
聲價隆振信聖祖之蕃錫留皇情而驟進徒觀
其附筋樹骨垂梢植髮雙瞳夾鏡兩權協月異
體峯生殊相逸發超攄絕夫塵轍驅騫迅於滅
沒簡偉塞門獻狀絳闕旦刷幽燕晝秣荆越教
敬不易之典訓人必書之舉惟帝惟祖爰游爰
豫飛輪軒以戒衛環鼓綺而清路勒五營使按

部聲八鑿以節步具服金組兼飾丹牘寶鉸星
纏鏤章霞布進迫遮迺却屬輦輅欵聳擢以鴻
驚肯護畧而龍翥弭雄姿以奉引婉柔心而待
御至於露滋月肅霜戾秋登王子興言闡肆威
稜臨廣望坐百層料武藝品驍騰流蒸周施蘇
鈴重設睨影高鳴將超中折分馳迴場角壯永
埒別輩越群絢練夔絕捷趨夫之敏手促華鼓
之繁節經玄蹄而電散歷素支而冰裂膺門沐
赭汗溝走血踠迹迴唐畜怒未洩乾心降而微

怡都人仰而朋悅妍變之態既畢凌遽之氣方
屬跼鑣轡之牽制隘通都之圈束眷西極而驤
首望朔雲而蹠足將使紫燕駢衡綠虵衛轂纖
驪接趾秀騏齊躅覲王母於岷墟要帝臺於宣
嶽跨中州之轍迹窮神行之軌躅然而盤於遊
畋作鏡前玉肆於人上取悔義方天子乃輟駕
迴慮息徒解裝鑿武穆憲文光振民隱修國章
戒出豕之敗御惕飛鳥之時衡故祗慎乎所常
忽敬備乎所未防輿有重輪之安馬無汎駕之

佚處以濯龍之輿。委以紅粟之秩。服養知仁。從
 老得卒。加弊帷。收仆質。天情周皇。恩畢辭曰。惟
 惠動天。神物儀兮。於昔駟駿。充階街兮。稟靈月
 駟。祖雲螭兮。雄志倜儻。精權竒兮。既剛且淑。服
 鞿羈兮。効足中黃。狗驅馳兮。願終惠養。蔭本枝
 兮。竟先朝露。長委離兮。

雪賦

謝惠連

歲將暮。時既昏。寒風積。愁雲繁。梁王不悅。遊於
 兔園。乃置旨酒。命賓友。召鄒生。延枚叟。相如未
 至。居客之右。俄而微霰零。密雪下。王乃誥北風。
 於衛詩。詠南山。於周雅。授簡於司馬大夫。曰。抽
 子秘思。騁子妍辭。侔色揣稱。為寡人賦之。相如
 於是避席而起。逡巡而揖。曰。臣聞雪宮建於東
 國。雪山峙於西域。岐昌發詠於來思。姬滿申歌
 於黃竹。曹風以麻衣比色。楚謠以幽蘭儷曲。楹

尺則呈瑞於豐年。表丈則表沴於陰惠。雪之岿
義遠矣哉。請言其始。若乃玄律窮。嚴氣升。焦溪
涸。湯谷凝。火井滅。溫泉冰。沸潭無湧。炎風不興。
北戶瑾扉。裸壤垂繒。於是河海生雲。朔漠飛沙。
連氛累霄。掩日韜霞。霰浙瀝而先集。雪紛糅而
遂多。其爲狀也。散漫交錯。氛氳蕭索。藹藹浮浮。
漉漉奕奕。聯翩飛灑。徘徊委積。始緣薨而冒棟。
終開簾而入隙。初便娟於墀廡。末縈盈於帷席。
旣因方而爲珪。亦遇圓而成璧。盼隰則萬頃同。

縞。瞻山則千巖俱白。於是臺如重壁。達似連瑤。
庭列瑤階。林挺瓊樹。皓鶴奪鮮。白鷗失素。紈袖
慙冶。玉顏掩媿。若乃積素未虧。白日朝鮮。爛兮
若燭龍銜耀。照崑山。爾其流滴垂冰。緣霤承隅。
粲兮若馮夷剖蚌。列明珠。至夫繽紛繁驚之貌。
皓汗皎潔之儀。迴散縈積之勢。飛聚凝曜之奇。
固展轉而無窮。嗟難得而備知。若乃申娛玩之
無已。夜幽靜而多懷。風觸楹而轉響。月承幌而
通暉。酌湘吳之醇酎。御狐貉之兼衣。對庭鷗之

雙舞。瞻雲鴈之孤飛。折園中之萱草。擿階上之芳薇。踐霜雪之交積。憐枝葉之相違。馳遙思於千里。願接手而同歸。鄒陽聞之懣然。心服有裏。妍唱敬接末曲。於是乃作而賦積雪之誥。誥曰。攜佳人兮披重幄。援綺衾兮坐芳褥。燎薰爐兮炳明燭。酌桂酒兮揚清曲。又續而爲白雪之歌。歌曰。曲旣揚兮酒旣陳。朱顏醜兮思自親。願低帷以昵枕。念解珮而褫紳。怨年歲之易暮。傷後會之無因。君寧見階上之白雪。豈鮮耀於陽春。

歌卒。王乃尋繹唵觀。撫覽扼腕。顧枚叔起而爲亂。亂曰。白羽雖白。質以輕兮。白玉雖白。空守貞兮。未若茲雪。因昔興滅。玄陰凝不昧。其潔太陽曜。不固其節節。豈我名潔。豈我貞。馮雲升降。從風颺。零。值。物。賦。像。任。地。班。形。素。因。遇。立。污。隨。染。成。縱。心。皓。然。何。慮。何。營。

月賦

謝莊

陳王初喪。應劉端憂多暇。綠苔生閣。芳塵凝榭。
悄焉疚懷。不怡中夜。乃清蘭路。蕭桂苑。騰吹寒
山。弭蓋秋坂。臨瀛壑而怨遙。登崇岫而傷遠。於
峕斜漢左界。北陸南躔。白露曖空。素月流天。沈
吟齊章。殷勤陳篇。抽毫進牘。以命仲宣。仲宣跪
而稱曰。臣東鄙幽介。長自丘樊。昧衡懵學。孤奉
明恩。臣聞沈潛既義。高明既經。日以陽惠。月以
陰靈。擅扶光於東沼。嗣若英於西冥。引玄兔於

帝臺集素娥於后庭。胸臆驚闕。胎鬼示冲。順辰
通燭。從星澤風。增華台室。揚彩軒宮。委照而吳
業昌。淪精而漢衛融。若夫氣霽地表。雲斂天末。
洞庭始波。木葉微脫。菊散芳於山椒。鴈流哀於
江瀨。升清質之悠悠。降澄暉之藹藹。列宿掩縹
長河。韜映柔祗。雪凝圓靈。水鏡連觀。霜縞周除。
冰淨。君王乃厭晨歡。樂宵宴。收妙舞。弛清縣。去
燭房。卽月殿。芳酒登。鳴琴薦。若乃涼夜自淒。風
篁成韻。親懿莫從。羈孤遞進。聆臯禽之夕聞。聽

朔管之秋引。於是絃桐練響。音容選飶。徘徊房
露。惆悵陽阿。聲林虛籟。淪池滅波。情紆軫其何
託。愬皓月而長歌。歌曰。美人邁兮音塵闕。隔千
里兮共明月。臨風歎兮將焉歇。川路長兮不可
越。歌響未終。餘景就畢。滿堂變容。迴遑如失。又
稱歌曰。月旣沒兮露欲晞。歲方晏兮無與歸。佳
期可以還。微霜霑人衣。陳王曰。善。乃命執事。獻
壽。羞璧。敬佩。玉音服之。無斃。

玄覽賦

梁孝元帝

歲次旃蒙。月建司空。變凌陰之呂。扇廣莫之風。
 蕭子褰帷九水。作牧三宮。湘水之東。卽我龜蒙。
 魏甘露而分邑。吳太平而定中。金城高而相屬。
 石燕起而依風。豈連鑣於分陝。羨追蹤於二公。
 軾錦車而前騫。驅魚軒而繼蹤。畱吳宮之宿鷺。
 響平陵之夜鐘。經謝亭而帳飲。佇彥伯之高風。
 度五城而騁望。見三冀之無窮。故以飛雲蒼隼。
 白鱧青桐。想真長之送別。懷思曠之還山。此檜

文備 卷之一 十五
檝而方遠。彼松舟而未閑。倦旅泊於新丘。同渭
水之不流。或千人而並唱。乍萬人而相鈎。睇三
茅之靈秘。裏九轉之僊記。紫臺石室之文。青首
銀函之字。獨有披霧之心。彌軫凌雲之志。捫殷
碑之愴望。挹延州之高讓。見傳芭之度曲。聞安
歌之浩唱。想觀樂乎朝陽。憶紆衣乎夕張。迴余
舲之美風。聳余棹乎雲陽。彼桑梓之必敬。况枌
榆之舊鄉。將遊目於五湖。乃浩覽於姑蘇。臨閶
門之跨水。聳重闕而開都。昔渡谷水之陽。尚想

嘉禾之方。壯慶亭於吳后。雄檣李於越王。及戾
止乎東甌。登玉筍與銅牛。山東武而遙集。雁南
海而飛浮。巖亭亭其似蓋。氣茗茗其若樓。登舜
橋而延首。瞰禹井而淹留。御史之牀猶在。督護
之門不脩。昔濫假於中台。掌邦教之觀國。乍南
宮而薦士。且右鄉而表惠。判辟雍之樂語。辨金
馬之儒墨。或帶桃花之綬。乍響玄山之玉。應鳴
鞞於龍角。覆緹幕於熊車。開轅門於淮渚。泛舩
皇之容與。唵紫騮之長歌。奏玄雲之疊鼓。開右

座而納文。設左廣而投武。既風起而雲飛。復摧
 斑而拉虎。泛樓船而鬱紆。憶霸楚之雄圖。悲騅
 馬之不逝。忘逐鹿之長驅。方函谷之設險。譬魯
 陽之襟帶。觀棄繻之裂帛。見高車之輔軌。顧濡
 湏之故巘。每當食而忘飯。鬪二虎於江干。爭兩
 龍於脩坂。既凱捷而來旋。遂鳴鑣而獨返。遊雷
 中而徜徉。遇日吉而辰良。祀公瑾以桂酒。薦忠
 肅以椒漿。賓討曹之英策。蓋謀桓之秘方。衣披
 披而屢舞。神欣欣而樂康。吊劉安於下雉。聊載

懷於惇史。或策杖而龍飛。或叱石而羊起。將鷄
 鳴於天上。遂埋魂於蒿里。經釣臺而高邁。過鄂
 渚而西浮。變青門之三襲。為黃塵之一丘。城透
 迤而中斷。階坡陁而半留。分沙羨而啟鎮。即開
 蕃於夏州。星尚連於翼軫。舍兼分於斗牛。看白
 沙而似雪。望却月而成眉。臨石渚其如鏡。玩弱
 柳其猶絲。分洞庭於吳上。限東益於巴丘。想蘭
 香之薦枕。懷娥媿之夜遊。若夫子瑜設險之記。
 閻公遨遊之地。曉泊鬻拳之津。夕瞻荒谷之寺。

昔復投羽蓋。揚旌旆。乘雕玉。從貝帶。浮雲起。登
高堂。泛枉渚。望涔陽。荆棘生於龍門之下。狐兔
穴於馬牧之旁。臨章華而流盼。見舊楚之淒涼。
試極目乎千里。何春心之可傷。其舊渚宮也。夾
江帶阡。布濩井田。通達交道。高門接連。人要水
心之劍。家有給耕之田。若平臺之中。觀閣相通。
雄梁渡水。壯翼臨空。金堤之路。銅鞮之宮。閣寫
陵霄。樓布麗譙。橫走馬而爲觀。擬牽牛而作橋。
三色黃甘。千戶朱橘。桃蔭井而成蹊。萍浮江而

泛實。蟬鳴枝而候稻。范飛冠而吐蜜。復有水底
石髮。山筋地骨。書帶新抽。屏風才發。反魂長生。
靈壽女貞。金鹽玉豉。堯韭舜榮。交讓之目。代謝
之名。忘憂長樂。枇杷鼓箏。竹則篔簹綠筴。交戰
策皮。淚沾虞后。龍還葛陂。便娟防露。檀欒夾池。
聊右書而左琴。且繼踵於華陰。彼門人之問道。
各家求而有心。先鈇槌於魚魯。乃分定於陶陰。
識三家之云謬。知五門之可尋。見白題之蹋鼓。
看烏孫之學琴。獻桂條之良賚。奉桃枝之恠琛。

啣聚米於馬。援晒畫地於臧旻。彼蠢爾之爲鯁。伊馮陵而未靜。異黃金於黑山。非綠林於青嶺。余喟然以指蹤。實濟寬而持猛。負步光之文劍。驚漢陽之夕景。於是驅驪驪。命蹶張。擬都護之戊巳。模荆尸之甲裳。作齊軍之臧竈。數燕師之卧牆。猶從戎於細柳。若驅馬於長榆。矜猿鳴之抱木。傷兔走之依株。每愀然而作色。方載馳而轉軾。閱放麕而興憫。對亂鱗而動惻。乃有青琴碧玉。絳樹綠珠。西河王豹。東塾縣駒。蘭缸夕然。

合璧斜天。照流風之迴雪。映出水之初蓮。散歸雲之鬱蒼。吐長風之颼颼。聞羗遂之哀怨。聽胡笳之悽切。慘余袂兮淚成行。攀余轅兮不忍別。奉信珪而入朝。驅駟馬而乘輅。既總司於戎旅。亦兼飾於豐貂。昔季春之上巳。臨祓禊乎沼沚。杏花發於露寒。棘實浮於濛汜。天策夜而動星。鉤陳朝而按軌。予廼陪玉軼。飾金羈。駕駉駉。曜翠羆。棄侗儻。控權奇。寶劍昭晰。綵鞞陸離。乍俯馬足。時仰月支。見露烏之占巽。觀司南之候離。

習執鞭而珥筆。雖日夕而忘疲。藉鴻私而置傳。
復推轂而懷方。滌蛟川於匯澤。泐鵠塞於潯陽。
何蠡川之浩浩。而匡岫之蒼蒼。鏡臨江而分影。
鑪銜花而共香。其中則有灑潯嘉魚。鷺羽龍鬚。
戴星含石。蒲身雉軀。乍浮圓鏡。時泛明珠。報蕩
子之長信。送僊人之短書。耻觀魚而爲樂。解舒
雁於高繳。必冀孔愉之龜。當如噲叅之鶴。愾衝
冠而發憤。嗟古人之施薄。觀進退於我生。每篤
靖而居貞。羞爲金谷之富。不矯石閭之清。每鞠

躬而遵節。藉王道之旣平。笑汗斜之行潦。喜甘
雨於石田。飛新梅於倡粉。拂輕絮於房縣。月芝
抽而曉落。燈花開而夜燃。已寤歌於折柳。復行
唸而採蓮。幼墳籍以自娛。迄方今而不渝。雲氣
芝英之簡。懸鍼倒薤之書。緘乎蒸栗之帙。飾乎
酸棗之珠。擬河獻之留真。希淳儒之席珍。鑿戶
牖而長望。混木雁而無陳。嗟今來而古往。方絕
筆於獲麟。

Very faint bleed-through text from the reverse side of the page, mostly illegible due to fading and ink bleed-through.

郊居賦

沈約

惟至人之非已固物我而無忘自中智以下泊
咸得性以爲場陳巷窮而業泰嬰居湫而惠昌
僑棲仁於東里鳳晦跡於西堂伊吾人之福志
無經世之大方思依林而羽戢願託水而鱗藏
固無情於輪奐非有欲於康莊披東郊之寥廓
入蓬藿之荒茫既從堅而橫構亦風除而雨攘
遷華屏而來啟張高衡而徒植傍逸陌之修平
向淮流之清直嗟弊廬之難保若賈籜之從風

或誅茅而翦棘。或旣西而復東。乍容身於白社。亦寄孳於伯通。迹平生之耿介。實有心於獨往。思幽人而軫念。望東臯而長想。本忘情於狗物。徒羈紲於天壤。應屢歎於牽絲。陸興言於世網。事滔滔而未合。志悄悄而無爽。路將殫而彌峭。情薄暮而踰廣。詠歸歎而躑躅。眷巖阿而抵掌。教傳嗣於境壤。何安身於窮地。味先喆而爲言。固余心之所嗜。不慕權於城市。豈邀名於屠肆。詠希微以考室。幸風霜之可庇。爾乃傍窮塗抵

荒郊。編霜。蒸葺寒。茅構棲噪之所集。築町疇之所交。因犯檐而刊樹。山妨基而翦巢。决滄滂之汀澗。塞井甃之淪坳。藝芳枳於北渠。樹修楊於南浦。遷甕牖於蘭室。同肩墻於華堵。織宿楚以成門。藉外扉而爲戶。旣取蔭於庭樾。又因籬於芳杜。開閣室以遠臨。闕高軒而旁覩。漸沼沚於雷垂。周塍陌於堂下。其水草則蘋萍芡芰。菁藻蒹菰。石衣海髮。黃荇綠蒲。動紅荷於輕浪。覆碧葉於澄湖。飡嘉寔而却老。振羽服於清都。其陸

卉則紫蠶綠菴。天著山韭。雁齒糜舌。牛脣莖首。
布濩南池之陽。爛熳北樓之後。或幕渚而芘地。
或縈窻而窺牖。若乃園宅殊製。田圃異區。李衡
則橘林千樹。石崇則襍果萬株。並豪情之所侈。
非儉志之所娛。欲令紛披蒼鬱。吐綠攢朱。羅窻
映戶。接雷承隅。開丹房以四照。舒翠葉而九衢。
抽紅英於紫蒂。銜素蘂於青跗。其林鳥則飜泊
頡頏。遺音下上。楚雀多名。流嚶襍響。或斑尾而
綺翼。或綠衿而絳頰。好葉隱而枝藏。乍間關而

來往。其水禽則大鴻小雁。天狗澤虞。秋鷺冬鴉。
脩鷁短鳧。曳參差之弱藻。戲澆澗之輕軀。翅擘
流而起沫。翼鼓浪而成珠。其魚則赤鯉青魴。纖
儵鉅鱖。碧鱗朱尾。脩顛偃頤。小則戲渚成文。大
則噴流揚白。不興羨於江海。聊相忘於余宅。其
竹則東南獨秀。九府擅奇。不遷植於洪水。豈分
根於樂池。秋蜩唵葉。寒雀噪枝。來風南軒之下。
負雪北堂之垂。撫幽裏而跼念。幸取給於庭廬。
緯東菑之故耜。浸北畝之新渠。無褰纓於曉蓐。

不抱怒於朝。疏排外物以齊遣。獨爲累之在余。謬參賢於昔代。亟徒游於茲所。侍綵旄而齊轡。陪龍舟而遵渚。或列席而賦詩。或班觴而宴語。始則鐘石鏘鉉。終以魚龍瀾漫。或升降有序。或浮白無筭。眺孫后之墓田。尋雄霸之遺武。寔接漢之後王。信開吳之英主。指衡岳而作鎮。苞江漢而爲寓。徒徵言於石。擲遂延災於金縷。忽蕪穢而不修。同原陵之膺膺。寧知螻蟻之與狐兔。無論樵芻之與牧豎。瞻東嶽以流目。心悽愴而

不怡。蓋昔儲之舊苑。寔博望之餘基。脩林則表以桂樹。列草則冠以芳芝。風臺累翼。月榭重栴。阜轅林駕。蘭榭水嬉。踰三齡而事往。忽二紀以歷茲。咸遺漫以蕩滌。非古今之異時。始冷霞而吐霧。終凌虛而倒景。駕雌蜺之連蹇。泛天江之悠永。指咸池而一息。望瑤臺而高騁。匪爽言以自媵。冀神方之可請。惟鍾巖之隱鬱。表皇都而作峻。蓋望秩之所宗。含風雲而吐潤。其爲狀也則巍峩崇峯。喬枝拂日。崑崙岩峩。墜石堆星。岑

峯聳帆。或坳或平。盤堅枕卧。詭狀殊形。孤磴橫
插。洞穴斜經。千丈萬仞。三襲九成。亘繞州邑。欵
跨郊坰。素煙晚帶。白霧晨縈。近循則一巖異色。
遠望則百嶺俱青。念甚驚飈。生猶聚沫。歸妙軫
於一乘。啟玄扉於三達。欲息心以遣累。必違人
而後豁。或結檠於巖根。或開櫺於木末。室閭葛
蘿。檐梢松栝。既得理於兼謝。固忘懷於饑渴。或
攀枝獨遠。或凌雲高蹈。因葺茨以結名。猶觀空
以表號。得忘已於茲日。豈期心於來報。晚樹開

花。初英落葉。異林而分丹青。因風而襍紅紫。騷
屑園樹。籠連池竹。蔓長柯於簷桂。發黃華於庭
菊。冰懸墀而帶坻。雪縈松而被埜。鴨屯飛而非
散。鴈高翔而欲下。並時物之可懷。雖外來而非
假。寔情性之所留滯。亦志之而不能捨也。傷余
情之頽暮。懼憂患其相溢。悲異軫而同歸。懽殊
方而並失。豈復託情魚鳥。歸閑蓬華。旁闕吳娃。
前無趙瑟。以斯終老於焉。請日惟以天地之恩。
不報。書事之官靡述。徒重於高門之地。不載於

良史之筆。長太息其何言。羞愧心之非一。

別賦

江淹

黯○然○銷○魂○者○唯○別○而○已○矣○况○秦○吳○兮○絕○國○復○燕○
宋○兮○千○里○或○春○苔○兮○始○生○乍○秋○風○兮○颯○起○是○以○
行○子○腸○斷○百○感○悽○惻○風○蕭○蕭○而○異○響○雲○漫○漫○而○
奇○色○舟○凝○滯○於○水○濱○車○透○遲○於○山○側○權○容○與○而○
詎○前○馬○寒○鳴○而○不○息○掩○金○觴○而○誰○御○橫○玉○柱○而○
霑○軼○居○人○愁○卧○恍○若○有○亡○日○下○壁○而○沈○彩○月○上○
軒○而○飛○光○見○紅○蘭○之○受○露○望○青○楸○之○離○霜○巡○層○
楹○而○空○掩○撫○錦○幙○而○虛○涼○知○離○夢○之○躑○躑○意○別○

竟之飛揚。故別雖一緒。事有萬族。至若龍馬銀
鞍。朱軒繡軸。帳飲東都。送客金谷。葉羽張兮簫
鼓陳。燕趙歌兮傷美人。珠與玉兮豔暮秋。羅與
綺兮嬌上春。驚駟馬之仰秣。聳淵魚之赤鱗。造
分手而銜涕。咸寂寞而傷神。乃其劍客慙恩。少
年報士。韓國趙廁。吳宮燕市。割慈忍愛。離邦去
里。瀝泣共訣。投血相視。驅征馬而不顧。見行塵
之時起。方銜感於一劍。非買價於泉裏。金石震
而色變。骨肉悲而心死。或乃邊郡未餼。負羽從

軍。遼水無極。鴈山參雲。闔中風暖。陌上草薰。日
出天而曜景。露下地而騰文。鏡朱塵之照爛。襲
青氣之烟燼。攀桃李兮不忍別。送愛子兮霑羅
裙。至如一去絕國。詐相見期。眠喬木兮故里。訣
北梁兮永辭。左右兮覓動。親賓兮淚滋。可班荆
兮贈恨。惟樽酒兮叙悲。值秋鴈兮飛日。當白露
兮下時。怨復怨兮遠山曲。去復去兮長河湄。又
若君居淄右。妾家河陽。同瓊珮之晨照。共金爐
之夕香。君結綬兮千里。惜瑤草之徒芳。慙幽閨

之。琴瑟。晦高臺之流黃。春宮闕此青苔色。秋帳
含茲明月光。夏簟清兮晝不暮。冬缸凝兮夜何
長。織錦曲兮泣已盡。迴文詩兮影獨傷。儻有華
陰上士。服食還仙術。既妙而猶學。道已寂而未
傳。守丹竈而不顧。鍊金鼎而方堅。駕鶴上漢。驟
鸞騰天。暫游萬里。少別千年。惟世間兮重別。謝
主人兮依然。下有芍藥之詩。佳人之歌。桑中衛
女。上宮陳娥。春草南浦。傷如之何。至乃秋露如
珠。秋月如珪。明月白露。光陰往來。與子之別。思

心徘徊。是以別方不定。別理千名。有別必怨。有
怨必盈。使人意奪神駭。心折骨驚。雖淵雲之墨
妙。嚴樂之筆精。金門之諸彥。蘭臺之群英。賦有
凌雲之稱。辯有雕龍之聲。誰能摹暫離之狀。寫
永訣之情者乎。

楚臣既放，竟往江南。弟子曰：玉釋珮，解驂濛濛，淅水，裹裹青衫，乃召巫史，茲憂何止。史曰：臣楚膠學蔽理，臣之所知，獨有麗色之說耳。夫絕代而獨立者，信東方之佳人。既翠眉而瑤質，亦盧瞳而頰脣。錄金花於珠履，颯綺袂與錦紳。色練練而含章，光炎炎其若神。非氣鳥之可譬，奚影響而能親。故僊藻靈豔，金華玉儀。其始見也，若紅蓮映池。其少進也，如綵雲出衣。五光徘徊，十

麗色賦

江淹

楚臣既放，竟往江南。弟子曰：玉釋珮，解驂濛濛，淅水，裹裹青衫，乃召巫史，茲憂何止。史曰：臣楚膠學蔽理，臣之所知，獨有麗色之說耳。夫絕代而獨立者，信東方之佳人。既翠眉而瑤質，亦盧瞳而頰脣。錄金花於珠履，颯綺袂與錦紳。色練練而含章，光炎炎其若神。非氣鳥之可譬，奚影響而能親。故僊藻靈豔，金華玉儀。其始見也，若紅蓮映池。其少進也，如綵雲出衣。五光徘徊，十

麗色賦

卷之一

三十七

色陸離。寶過珊瑚同樹。價直瓊草共枝。雖玉堂
春姬。石室素女。張烟霧於海際。耀光景於河渚。
乘天梁而皓蕩。叫帝閭而延佇。猶比之無色。方
之非侶。於是雕臺繡戶。當衢橫術。椒庭承月。碧
幌延日。架虬柱之嚴躡。亘虹梁之峻密。錦幔垂
而杳寂。桂煙起而清溢。女乃耀邯鄲之麗步。媚
趙北之鳴瑟。若夫紅華舒春。黃鳥飛貴。紺蕙初
嫩。蘋蘭始滋。不學蘅帶。無倚桂旂。摘芳拾藥。含
詠吐辭。咲月出於陳歌。感蔓草於衛詩。故氣炎

日永。離明火中。槿榮任露。蓮花勝風。後簷丹葵。
前軒碧桐。笙歌畹右。瑟舞池東。嗟靈王之心悅。
怨漢女之情空。至乃西陸始秋。白衢月弦。金波
炤戶。玉露暖天。網絲挂墻。綵螢繞梁。氣已溫兮
曉未半。星雖流兮夜何央。憶襍珮兮且一歛。念
錦衾兮以丸傷。及沍陰凋。肯冰泉凝節。軒疊厚
霜。庭澄積雪。鳥封魚斂。河凝海結。紫帷鈴匝。翠
屏環合。麝蜜周彰。燈爐重沓。耻新臺之青樓。想
上宮之邃閣。若乃水炤景而見底。煙尋風而無

極霧出吳而綺章。雲堆趙而碧色。霧辭楚而容
 裔。風去燕而悽惻。莫不輟鏡徙倚。擊琴心息。於
 是帳必藍田之寶。席必蒲陶之管。圖明室。畫浮
 雲。春蠶度網。綺地應紡。秋梭鳴機。織為褰衣。象
 奩瓊盤。神瀝仙丹。雕柱綵瑟。九華六出。翠蕤羽
 釵。綠秀金枝。故言必入媚。動必應規。有光有豔。
 如合如離。氣柔色靡。神凝骨竒。經秦歷趙。既無
 其雙。尋楚訪蔡。不觀其容。亦可駐髮還質。駮星
 馭龍。蠲憂忘死。保其家邦。蓋天下之至麗。孰能
 預於此哉。宋大夫耀影汰迹。縈魂灑魄。賞以雙
 珠。賜以合璧。拂巫盪祝。永為上客。

(This page contains a large empty rectangular frame, likely a placeholder for a drawing or a redacted section of text.)

箏賦

江淹

江南之竹。弄玉有鳴鳳之簫焉。洞陰之石。范女有遊僊之磬焉。若夫排雲入漢之美。含商觸徵之竒。罷雍祠之麗響。絕漢殿之容儀。別有泗濱之梓。聳榦孤峙。負陰拂日。停雪栖霞。嶽峯崖嶸。玄嶺相望。寄丹崖而茂采。依青壁而懷芳。奔電礪突而彌固。嚴風猗拔而無傷。途畏峰澁。人羣罕至。乃命夔班。剪而成器。隆殺得宜。脩短合思。矩制端平。雕鏤綺媚。既而春桑已舒。暄風掩曖。

丹萸成葉。翠陰如黛。佳人採掇。動容生態。值使君而有辭。逢秋胡而不對。里閭既返。伏食蠶饑。五色之繆。雖亂八紘之緒。方治異東垂之埜。繭非山經之漚絲。於是制絃擬月。設柱方時。若夫鏗鏘奏曲。溫潤初鳴。或徘徊而蘊藉。或慷慨而逢迎。若將連而類絕。乍欲緩而頻驚。陸離抑按。磊落縱橫。竒調間發。美態孤生。若將往而自返。似欲息而復征。聲習習而流韻。音怳怳而不竝。如浮波之遠驚。若麗樹之爭縈。譬雲龍之無蒂。

如笙鳳之有情。學離騷之弄響。擬翔鴛之妙聲。朱絃在手。擊重還輕。爾其曲也。雅俗薰施。諧雲門與四變。襍六列與咸池。王讚旣工。阮賦亦竒。曹后聽之而懽譙。謝相聞之而涕垂。至若登山望別之心。臨流送歸之目。隴葉夜黃。關雲曉伏。覩獨鴈之寒飛。望交河之水縮。聽鳴箏之弄響。聞茲絃之一彈。足使游客戀國。壯士衝冠。若夫楚王怡蕩。揚生娛志。小國寡民。督郵無事。乃有燕餘麗妾。方桃譬李。本住南城。經移東里。納千

金之重聘。擅專房之宴私。方美珥而不減。擬甘
橘而無嗤。聞削成於斜領。照玉綴於鉛脂。度玲
瓏之曲閣。出翡翠之香帷。腕凝紗薄。珮重行遲。
爾乃促筵命妓。御觴置酒。耳熱眼花之娛。千金
萬年之壽。白日蹉跎。昔淹樂久。玩飛花之度窓。
看春風之入柳。命麗人於玉席。陳寶器於紈羅。
撫鳴箏而動曲。譬輕薄之經過。黛眉如掃。睽睽
成波。情長響怨。意滿聲多。奏相思而不見。吟夜
月而怨歌。咲素彈之未工。疑秦宮之詎蘇。若夫

釣竿復發。蛺蝶初揮。動玉匣之餘怨。鳴陽鳥之
始飛。逐東趨於鄭女。蘇西舞於荆妃。足使長廊
之瓦虛墜。梁上之塵染衣。鱣魚遊而不沒。白鶴
至而忘歸。於是乎餘音未盡。新弄縈纏。參差容
與。顧慕流連。落橫釵於裏下。歛垂衫於膝前。乍
含猜而移柱。或斜倚而續絃。照瓊環而俯捻。度
玉爪而徐牽。見微頰之有趣。看巧咲之多妍。抗
長吟之靡曼。雜新歌之可憐。諷曰。年年花色好。
足侍愛君傷。影入着衣鏡。裙含辟惡香。鴛鴦七

十二亂舞未成行。故廼宋偉綠珠之好聲。文君
慎女之清角。上掩面而不前。言韜輝而耻學。實
獨立之麗人。乃入神之佳樂。

舞鶴賦

鮑照

散幽經以驗物。偉胎化之僊禽。鍾浮曠之藻質。
抱清迴之明心。指蓬壺而翻翰。望崑閬而揚音。
匝日域以迴驚。窮天步而高尋。踐神區其既遠。
積靈祀而多方。精含丹而星曜。頂凝紫而煙華。
引圓吭之纖婉。頓修趾之洪嫵。疊霜毛而弄影。
振玉羽而臨霞。朝戲於芝田。夕飲乎瑤池。厭江
海而遊澤。掩雲羅而見羈。去帝鄉之岑寂。歸人
寰之喧卑。歲崢嶸而愁暮。心惆悵而哀離。於是

窮陰殺節。急景凋年。涼沙振墊。箕風動天。嚴嚴
苦霧。皎皎悲泉。冰塞長河。雪滿羣山。旣而氛昏
夜歇。景物澄廓。星翻漢迴。曉月將落。感寒雞之
早晨。憐霜鴈之違漠。臨驚風之蕭條。對流光之
照灼。唳清響之丹墀。舞飛容於金閣。始連軒以
鳳蹠。終宛轉而龍躍。躑躅徘徊。振迅騰摧。驚身
蓬集。矯翅雲飛。離網別赴。合緒相依。將興中止。
若往而歸。颯沓矜顧。遷延遲暮。逸翮後塵。翺翥
先路。指會規翔。臨岐矩步。態有遺妍。貌無停趣。
奔機逗節。角睐分形。長揚緩鷲。並翼連聲。輕迹
凌亂。浮影交橫。衆變繁姿。參差游密。煙交霧凝。
若無毛質。風去雨還。不可譚悉。旣散翳而盪目。
迷不知其所之。忽星離而雲罷。整神容而自符。
仰天居之崇絕。更惆悵以驚思。當是時也。燕姬
色沮。巴童心恥。巾拂兩停。九劍雙止。雖邯鄲其
敢倫。豈陽阿之能擬。入衛國而乘軒。出吳都而
傾市。守馴養於千齡。結長悲於萬里。

文儷卷二目錄

三月三日華林園馬射賦

并序

庾信

小園賦

庾信

哀江南賦

有序

庾信

枯樹賦

庾信

遊北山賦

并序

王勳

採蓮賦

并序

王勃

幽居賦

并序

陸龜蒙

大隱賦

并序

皇甫松

文儷卷二

文儷卷二

明閩中陳翼飛元朋刪定

林堯俞咨伯較閱

武陵楊鶴修齡叅訂

三月三日華林園馬射賦 并序 庾信

臣聞堯以仲春之月刻玉而遊河舜以甲子之朝披圖而巡洛夏后瑤臺之上或御二龍周王玄圃之前猶駮八駿我大周之創業也雲紀御官鳥司從職皇王有秉歷之符玄珪有成功之

文儷 卷之二

瑞夷典秩宗。見之三禮。夔爲樂正。聞之九成。兵革無會。非有待於丹鳥。宮觀不移。故無勞於白鷺。銀瓮金船。山車澤馬。豈止竹箠兩草。共垂甘露。青赤三氣。同爲景星。雕題鑿齒。識海水而來。王。烏弋黃皮。驗東風而受吏。于時玄鳥司曆。蒼龍御行。羔獻水開。桐葉萍生。皇帝幸于華林之園。玉衡正而泰階平。閭闔開而勾陳轉。千乘雷動。萬騎雲屯。落花與芝蓋同飛。楊柳共春旗一色。乃命群臣陳大射之禮。雖行祓禊之飲。卽同

春蒐之儀。止立行宮。裁舒帳殿。階無玉璧。旣異河間之碑。戶不金鋪。殊非許昌之賦。洞庭旣張。承雲乃奏。騶虞九節。狸首七章。正綸五彩之雲。壺寧百福之酒。唐弓九合。冬榦春膠。夏箭三成。青莖赤羽。於是選朱汗之馬。校黃金之埒。紅陽飛鵲。紫鷺晨風。唐成公之驕驪。海西侯之千里。莫不飲羽御竿。吟猿落鴈。鐘鼓震地。埃塵漲天。酒以壘行。餼由鼎進。綵則錦市俱移。錢則銅山合徙。太史聽鼓而論功。司馬張旃而賞獲。上則

雲布雨施。下則山藏海納。實天下之至樂。景福之歡欣者也。既弱木將低。金波欲上。天顧惟穆。賓歌惟醉。雖暫離北闕。聊宴西城。卽同酆水之朝。更是岐山之會。小臣不譽。奉詔爲文。以管窺天。以蠡酌海。盛德形容。豈陳梗槩。

歲次昭陽。月在大梁。其日上巳。其時少陽。春史司職。青祗效祥。徵萬騎於平樂。開千門於建章。屬車醜酒。複道焚香。皇帝翊四圍於帝閑。迴六龍於天苑。對宣曲之平林。望甘泉之長坂。華蓋

平飛。風鳥細轉。路直城遙。林長騎遠。帷宮宿設。帳殿開筵。傍臨細柳。斜界宜春。開鶴列之陣。靡魚鬚之旃。行漏抱刻。前旌載鳶。河湄薤草。渭口澆泉。壙雲五色。的暈重圓。陽管既調。春絃實撫。總章協律。成均樹羽。翔鳳爲林。靈芝爲圃。草銜長帶。桐垂細乳。鳥嘯歌來。花濃雪聚。玉律調鐘。金鐸節鼓。於是咀銜拉鐵。逐日追風。并試長楸之埒。俱下蘭池之宮。鳴鞭則汗赭入埒。則塵紅。既觀賢於大射。乃頌政於司弓。變玉驅而畫鹿。

登百尺而懸熊。繁蕪振地。鐵驪蹋空。禮正六耦。
詩歌九節。七札俱穿。五犯同穴。弓如明月對棚。
馬似浮雲向埒。鴈失群而行斷。猿求林而路絕。
控玉勒而搖星。跨金鞍而動月。乃有六郡良家。
五陵豪選。新迴馬邑之兵。始罷龍城之戰。將軍
戎服來參武讌。尚帶流星。猶乘奔電。始聽鼓而
唱籌。卽移竿而標箭。馬噴沾衣。塵驚灑面。石堰
水而澆園。花乘風而繞殿。熊耳刻杯。飛雲畫壘。
水衡之錢山積。織室之錦霞開。司筵賞至。酒正
杯來。至樂則賢乎秋水。歡笑則勝上春臺。旣而
日下澤宮。筵闌相圍。悵徙蹕之留歡。眷迴鑿之
餘舞。欲使石梁銜箭。銅山飲羽。橫弧於楚水之
蛟。飛鏃於吳亭之虎。况復恭已無爲。南風在斯。
非有心於蜚翼。豈留情於戟枝。唯觀揖讓之禮。
蓋取威雄之儀。

昔者。聖人。立。以。治。世。之。道。其。法。也。有。三。曰。仁。曰。義。曰。禮。仁。者。愛。也。義。者。宜。也。禮。者。節。也。此。三。者。聖。人。之。所。由。以。治。世。也。故。曰。仁。者。治。世。之。本。義。者。治。世。之。中。禮。者。治。世。之。末。此。三。者。聖。人。之。所。由。以。治。世。也。

小園賦

庾信

若夫一枝之上。巢父得安。巢之所。一壺之中。壺
 公有容身之地。况乎管寧藜牀。雖穿而可坐。嵇
 康鍛竈。既煖而堪眠。豈必連闥洞房。南陽樊重
 之第。綠墀青瑣。西漢王根之宅。余有數畝。樊廬
 寂寞人外。聊以擬伏臘。聊以避風霜。雖復晏嬰
 近市。不求朝夕之利。潘岳面城。且適閒居之樂。
 况乃黃鶴戒露。非有意於輪軒。爰居避風。本無
 情於鐘鼓。陸機則兄弟同居。韓康則舅甥不別。

文體一
卷之二
三
蝸角蚊睫。又足相容者也。爾乃窟室徘徊。聊同
鑿坯。桐間露落。柳下風來。琴號珠柱。書名玉牒。
有棠梨而無館。足酸棗而非臺。猶得歌側八九
丈。縱橫數十步。榆柳兩三行。梨桃百餘樹。撥蒙
密兮見窓。行歌斜兮得路。蟬有翳兮不驚。雉無
羅兮何懼。草樹溷淆。枝格相交。山爲簣覆。地有
堂坳。藏狸並窟。乳鵲重巢。連珠細茵。長柄寒匏。
可以療饑。可以棲遲。敝區兮狹室。穿漏兮茅茨。
簷直倚而妨帽。戶平行而礙眉。坐帳無鶴。支牀

有龜鳥多閒暇。花隨四時心。則歷陵枯木。髮則
睢陽亂絲。非夏日而可畏。異秋天而可悲。一寸
二寸之魚。三竿兩竿之竹。雲氣蔭於叢菁。金精
養於秋菊。棗酸梨酢。槐褫李萸。落葉半牀。狂花
滿屋。名爲塾人之家。是謂愚公之谷。試偃息於
茂林。廼久羨於抽簪。雖有門而長閉。實無水而
恒沉。三春負鋤相識。五月披裘見尋。問葛洪之
藥性。訪京房之卜林。草無忘憂之意。花無長樂
之心。鳥何事而逐酒。魚何情而聽琴。加以寒暑

異令乖違德性。崔駟以不樂損年。吳質以長愁養病。鎮宅神以薶石厭山。精而照鏡。屢動莊舄之唵。幾行魏顆之命薄。晚閑閨老。幼相攜蓬頭。王霸之子。椎髻梁鴻之妻。焦麥兩甕。寒菜一畦。風騷騷而樹急。天慘慘而雲低。聚空倉而雀噪。驚懶婦而蟬嘶。昔草濫於吹噓。藉文言之慶餘。門有通德。家承賜書。或陪玄武之觀。昔參鳳凰之墟。觀受釐於宣室。賦垂楊於直廬。遂乃山崩川竭。冰碎瓦裂。大盜潛移。長離永滅。推直轡於

三危。碎平途於九折。荆軻有寒水之悲。蘇武有秋風之別。關山則風月悽愴。隴水則肝腸斷絕。龜言此地之寒。鶴訝今年之雪。百靈今倏忽。菁華今已晚。不雪鴈門之跡。先念鴻陸之遠。非淮海今可變。非金丹今能轉。不暴骨於龍門。終低頭於馬坂。諒天造今昧昧。嗟生民今渾渾。

哀江南賦 庾信
 粵以戊辰之年，建亥之月，大盜移國，金陵瓦解。余乃竄身荒谷，公私塗炭，華陽奔命，有去無歸。中興道銷，窮於甲戌；三日哭於都亭，三年囚於別館。天道周星，物極必反。傅燮之但悲身世，無處求生；袁安之每念王室，自然流涕。昔桓君山之志士，杜元凱之平生，並有著書，咸能自序。潘岳之文彩，始述家風；陸機之詞賦，先陳世德。信年始二毛，即逢喪亂；藐是流離，至於暮齒。燕歌

哀江南賦 有序

庾信

粵以戊辰之年，建亥之月，大盜移國，金陵瓦解。余乃竄身荒谷，公私塗炭，華陽奔命，有去無歸。中興道銷，窮於甲戌；三日哭於都亭，三年囚於別館。天道周星，物極必反。傅燮之但悲身世，無處求生；袁安之每念王室，自然流涕。昔桓君山之志士，杜元凱之平生，並有著書，咸能自序。潘岳之文彩，始述家風；陸機之詞賦，先陳世德。信年始二毛，即逢喪亂；藐是流離，至於暮齒。燕歌

遠別悲不自勝。楚老相逢泣將何及。畏南山之雨。忽踐秦庭。讓東海之濱。遂食周粟。下亭漂泊。高橋羈旅。楚歌非取樂之方。魯酒無忘憂之用。追爲此賦。聊以記言。不無危苦之詞。唯以悲哀爲主。日暮途遠。人間何世。將軍一去。大樹廳零。壯士不還。寒風蕭瑟。荆壁睨柱。受連城而見欺。載書橫階。捧珠盤而不定。鍾儀君子。入就南冠之囚。季孫行人。畱守西河之館。申包胥之頓地。碎之以首。蔡威公之淚盡。加之以血。釣臺移柳。

非玉關之可望。華亭鶴唳。非河橋之可聞。孫策以天下爲三分。衆纔一旅。項籍用江東之子弟。人唯八千。遂乃分裂山河。宰割天下。豈有百萬義師。一朝卷甲。芟夷斬伐。如草木焉。江淮無涯。旻之阻。亭壁無藩籬之固。頭會箕歛者。合從締交。鋤耨棘矜者。因利乘便。將非江表王氣。終於三百年乎。是知併吞六合。不免軼道之災。混一車書。無救平陽之禍。嗚呼。山嶽崩頽。旣履危亡之運。春秋迭代。必有去故之悲。天意人事。可以

文苑 卷之二 九
悽愴傷心者矣。况復舟楫路窮。星漢非乘槎可上。風飈道阻。蓬萊無可到之期。窮者欲達其言。勞者欲歌其事。陸士衡聞而撫掌。是所甘心。張平子見而陋之。固其宜矣。

我之掌庾承周。以世功而爲族。經邦佐漢。用論道而當官。稟嵩華之玉石。潤河洛之波瀾。居負洛而重世。邑臨河而晏安。逮永嘉之艱虞。始中原之乏主。民枕倚於墻壁。路交橫於豺虎。值五馬之南奔。逢三星之東聚。彼凌江而建國。始播

遷於吾祖。分南陽而賜田。裂東嶽而胙土。誅茅宋玉之宅。穿徑臨江之府。水木交運。山川崩竭。家有直道。人多全節。訓子見於純深。事君彰於義烈。新埜有生祠之廟。河南有胡書之碣。况乃少微真人。天山逸民。階庭空谷。門巷蒲輪。移譚講樹。就簡書筠。降生世德。載誕貞臣。文詞高於甲觀。模楷盛於漳濱。嗟有道而無鳳。歎非時而有麟。既姦回之曩匿。終不悅於仁人。王子洛濱之歲。蘭成射策之年。始含香於建禮。仍矯翼於

崇賢遊洊雷之講肆。齒明離之胄筵。既傾蠡而酌海。遂測管而窺天。方塘水白。釣渚池圓。侍戎韜於武帳。聽雅曲於文絃。乃解懸而通籍。遂崇文而會武。居笠轂而掌兵。出蘭池而典午。論兵於江漢之君。拭玉於西河之主。於是朝埜歡娛。池臺鐘鼓。里爲冠蓋。門成鄒魯。連茂苑於海陵。跨橫塘於江浦。東門則鞭石成橋。南極則鑄銅爲柱。橘則園植萬株。竹則家封千戶。西賚浮玉。南琛沒羽。吳歛越唵。荆豔楚舞。草木之遇陽春。

魚龍之逢風雨。五十年中。江表無事。班超爲定遠之侯。王歛爲和親之使。馬武無預於甲兵。馮唐不論於將帥。豈知山嶽闇然。江湖潛沸。漁陽有閭左戍卒。離石有將兵都尉。天子方刪詩書。定禮樂。設重雲之講。開士林之學。譚劫燼之灰。飛辯常星之夜。落地平魚齒。城危獸角。卧刁斗於滎陽。絆龍媒於平樂。宰衡以干戈爲兒戲。摺紳以清譚爲廟略。乘瀆水以膠船。馭奔駒以朽索。小人則將及水火。君子則方成猿鶴。弊簞不

能救鹽池之鹹。阿膠不能止黃河之濁。既而魴魚頰尾。四郊多壘。殿狎江鷗。宮鳴埜雉。湛盧去國。餘艗失水。見被髮於伊川。知百年而爲戎矣。彼姦逆之熾盛。久遊魂而放命。大則有鯨。有鯢。小則爲梟。爲獍。負其牛羊之力。肆其水草之性。非玉燭之能調。豈璿璣之可正。值天下之無爲。尚有欲於羈縻。飲其琉璃之酒。賞其虎豹之皮。見胡柯於大夏。識烏卵於條支。豺牙密厲。虺毒潛吹。輕九鼎而欲問。聞三川而遂窺。始則王子

召戎。姦臣介冑。既官政而離邊。遂師言而泄漏。望廷尉之逋囚。反淮南之窮寇。出狄泉之蒼鳥。起橫江之困獸。地則石鼓鳴山。天則金精動宿。北闕龍吟。東陵麟闕。爾乃桀黠橫扇。馮陵畿甸。擁狼望於黃圖。填廬山於赤縣。青袍如草。白馬如練。天子履端廢朝。單于長圍高宴。兩觀當戟。千門受箭。白虹貫日。蒼鷹擊殿。竟遭夏臺之禍。終眎堯城之變。官守無奔。問之人。干戚非平戎之戰。陶侃空爭米船。顧榮虛搖羽扇。將軍死綏。

路絕重圍。烽隨星落。書逐鳶飛。遂乃韓分趙裂。
鼓卧旂折。失群斑馬。迷輪亂轍。猛士嬰城。謀臣
卷舌。昆陽之戰。象走林常。山之陣。虵奔穴五。郡
則兄弟相悲。三州則父子離別。護軍慷慨。忠能
死節。二世爲將。終於此滅。濟陽忠壯。身參末將。
兄弟三人。義聲相唱。主辱臣死。名存身喪。敵人
歸元。三軍悽愴。尚書多筭。守備是長。雲梯可拒。
地道能防。有齊將之閉壁。無燕師之卧墻。大事
去矣。人之云亡。甲子奮發。勇氣咆勃。實總元戎。

身先士卒。胷落魚門。兵填馬窟。屢犯通中。頻遭
刮骨。功業天枉。身各埋沒。或以隼翼鷃披。虎威
狐假。沾漬鋒鏑。脂膏原墊。兵弱虜強。城孤氣寡。
聞鶴唳而虛驚。聽胡笳而淚下。據神亭而亡戟。
臨橫江而棄馬。崩於鉅鹿之沙。碎於長平之瓦。
於是桂林顛覆。長洲麋鹿。潰潰沸騰。茫茫慘黷。
天地離阻。人神慘酷。晉鄭靡依。魯衛不睦。競動
天關。爭迴地軸。探雀穀而未飽。待熊蹯而詎熟。
乃有車側郭門。筋懸廟屋。鬼同曹社之謀。人有

秦庭之哭。爾乃假刻璽於關塞。稱使者之訓對。逢鄂坂之譏嫌。值郾門之征税。乘白馬而不前。策青驪而轉礙。吹落葉之扁舟。颺長風於上游。彼鋸牙而鈎爪。又巡江而習流。排青龍之戰艦。鬪飛鷺之船樓。張遼臨於赤壁。王濬下於巴丘。乍風驚而射火。或箭重而沉舟。未辯聲於黃蓋。已先沉於杜侯。落帆黃鶴之浦。藏船鸚鵡之洲。路已分於湘漢。星猶看於斗牛。若乃陰陵路絕。釣臺斜趣。望赤岬而沾衣。艤烏江而不渡。雷池

柵浦。鵠陵焚戍。旅舍無煙。巢禽無樹。謂荆衡之杞梓。庶江漢之可恃。淮海維揚。三千餘里。過漂渚而寄食。託蘆中而渡水。屆於七澤。濱於十死。嗟天保之未定。見殷憂之方始。本不達於危行。又無情於祿仕。謬掌銜於中軍。誤尸承於御史。信生世等於龍門。辭親同於河洛。奉立身之遺訓。受成書之顧託。昔三世而無慙。今七葉而方落。泣風雨於梁山。惟枯魚之銜索。入歌斜之小徑。掩蓬藿之荒扉。就汀洲之杜若。待蘆葦之單

衣於時西楚霸王劍及繁陽麾兵金匱枝戟玉
堂蒼鷹赤雀鏤舳牙樯沉白馬而誓衆負黃龍
而渡江海潮迎艦江萍送王戎車屯於石城戈
船掩於淮泗諸侯則鄭伯前驅盟主則荀瑩暮
至剖巢燻穴奔魑走魅埋長狄於駒門斬蚩尤
於中冀然腹爲燈飲頭爲器直虹貫壘長星屬
地昔之虎據龍盤加以黃旂紫氣莫不隨狐兔
而窟穴與風塵而殄悴西瞻博望北臨玄圃月
榭風臺池平樹古倚弓於玉女窻屏繫馬於鳳

凰樓柱仁壽之鏡徒懸茂陵之書空聚若夫立
德立言謨明寅亮聲超於繫表道高於河上更
不遇於浮丘遂無言於師曠以愛子而託人知
西陵而誰望非無北闕之兵猶有靈臺之仗司
徒之表裏經綸狐偃之惟王實勤橫瑯戈而對
霸主執金鞭而問賊臣平吳之功壯於杜元凱
王室是賴深於溫太真始則地名全節終則山
稱枉人南陽校書去之已遠上蔡逐獵知之何
晚鎮北之負譽矜前風飈凜然水神遭箭山靈

見鞭是以螫熊傷馬。浮蛟沒鳶才子併命俱非。百年中宗之夷凶靜亂。大雪冤耻。去代邸而承基。遷唐郊而纂禮。反舊章於司隸。歸餘風於正始。沉猜則方逞其欲。藏疾則自矜於已。天下之事沒焉。諸侯之心搖矣。既而齊交北絕。秦患西起。况背闕而懷楚。冀端委而開吳。驅絲林之散卒。拒驪山之叛徒。營軍梁。澁。蒐乘巴。渝。問諸淫昏之鬼。求之厭劾之巫。荆門遭廩延之戮。夏口濫達泉之誅。茂因親以教愛。忍和樂於彎弧。既

無謀於肉食。非所望於論都。未深思於五難。先自擅於三端。登陽城而避險。卧砥柱而求安。既言多於忌刻。實志勇而形殘。但坐觀於時變。本無情於急難。地惟黑子。城猶彈丸。其怨則蹟其盟。則寒豈冤禽之能塞海。非愚叟之可移山。况以沴氣朝浮。妖精夜殞。赤鳥則三朝夾日。蒼雲則七重圍軫。亡吳之歲既窮。入郢之年斯盡。周含鄭怒。楚結秦冤。有南風之不競。值西隣之責言。俄而梯衝亂舞。冀馬雲屯。棧秦車於暢轂。沓

漢鼓於雷門。下陳倉而連弩。渡臨晉而橫船。雖復楚有七澤。人稱三戶。箭不麗於六麋。雷無驚於九虎。辭洞庭兮落木。去潯陽兮極浦。熾火兮焚旂。貞風兮害蠱。乃使玉軸揚灰。龍文折柱。下江餘城。長林故營。徒思掛馬之秣。未見燒牛之兵。章慢支以轂走宮之奇。以族行河。無冰而馬渡關。未曉而雞鳴。忠臣解骨。君子吞聲。章華望祭之所。雲夢儻遊之地。荒谷縊於莫敖。冶父囚於群帥。斨穿摺拉。鷹鷂批攢。寃霜夏零。憤泉秋

沸。城崩杞婦之哭。竹染湘妃之淚。水毒秦涇。山高趙陘。十里五里。長亭短亭。饑隨螿蟻。暗逐流螢。秦中土黑。關上泥青。於是瓦解冰泮。風飛雹散。渾然千里。淄澠一亂。雪暗如沙。冰橫似峴。逢赴洛之陸機。見離家之王粲。莫不聞隴水而掩泣。向關山而長歎。况復君在交河。妾在清波。石望夫而逾遠。山望子而逾多。才人之憶。代郡公主之去。清河栩揚亭有離別之賦。臨江王有愁思之歌。別有颺颺。武威羈旅。金微班超。生而望

返温序死而思歸李陵之雙鳧永去蘇武之一
鴈空飛若江陵之中否乃金陵之戡始雖借人
之外力實蕭牆之內起撥亂之主忽焉中興之
宗不祀伯兮叔兮同見戮於猶子荆山鶴飛而
玉碎隨岍虵生而珠死鬼火亂於平林殤魂遊
於新市梁故豐徙楚實秦亡不有所廢其何以
昌有媯之後將育於姜輸我神器居爲讓王天
地之大德曰生聖人之大寶曰位用無賴之子
弟舉江東而全棄惜天下之一家遭東南之反

氣以鷄首而賜秦天何爲而此醉且夫天道迴
旋生民預焉余烈祖於西晉始流播於東川洎
余身而七葉又遭時而北遷提挈老幼關河累
年死生契濶不可問天况復零落將盡靈光巋
然日窮於紀歲將復始逼切危慮端憂暮齒踐
長樂之神臯望宣平之貴里渭水貫於天門二
山迴於地市幕府大將軍之愛客丞相平津侯
之待士見鐘鼎於金張聞絃歌於許史豈知灞
陵夜獵猶是故時將軍咸陽布衣非獨思歸王

子。

[Faded vertical text, likely bleed-through from the reverse side of the page]

枯樹賦

庾信

殷仲文風流儒雅海內知名代異時移出爲東
陽太守常忽忽不樂顧庭槐而歎曰此樹婆娑
生意盡矣至如白鹿貞松青牛文梓根桓盤魄
山崖表裏桂何事而銷亡桐何爲而半灰昔之
三河徙殖九畹移根開花建始之殿落實睢楊
之園聲含嶰谷曲抱雲門將雛集鳳比翼巢鴛
臨風亭而唳鶴對月峽而唵猿乃有拳曲擁腫
盤坳反覆熊彪顧盼魚龍起伏節堅山連文橫

木。感。匠。石。驚。眎。公。輸。眩。目。雕。鑄。始。就。削。剮。仍。加。
平。鱗。鏟。甲。落。角。摧。牙。重。重。碎。錦。片。片。真。花。紛。披。
草。樹。散。亂。煙。霞。若。夫。松。子。古。度。平。仲。君。遷。森。梢。
百。頃。槎。枒。千。年。秦。則。大。夫。受。職。漢。則。將。軍。坐。焉。
莫。不。苔。埋。茵。壓。烏。剝。蟲。穿。低。垂。於。霜。露。撼。頓。於。
風。煙。東。海。有。白。木。之。廟。西。河。有。枯。桑。之。社。比。陸。
以。楊。葉。爲。關。南。陵。以。梅。根。作。冶。小。山。則。藜。桂。留。
人。扶。風。則。長。松。繫。馬。豈。獨。城。臨。細。柳。之。上。塞。落。
桃。林。之。下。若。乃。山。河。阻。絕。飄。零。離。別。拔。本。垂。淚。

傷。根。流。血。火。入。空。心。膏。流。斷。節。橫。洞。口。而。歆。卧。
頓。山。腰。而。半。折。文。表。者。合。體。俱。碎。理。正。者。中。心。
直。裂。戴。癭。銜。瘤。藏。寄。抱。穴。木。魅。賜。睽。山。精。妖。孽。
况。復。風。雲。不。感。羈。旅。無。歸。未。能。採。葛。還。成。食。薇。
沉。淪。窮。巷。蕪。沒。荆。扉。旣。傷。搖。落。彌。嗟。變。衰。淮。南。
云。木。葉。落。長。年。悲。斯。之。謂。矣。乃。爲。歌。曰。建。章。三。
月。火。黃。河。千。里。槎。若。非。金。谷。滿。園。樹。卽。是。河。陽。
一。縣。花。桓。大。司。馬。聞。而。歎。曰。昔。年。移。柳。依。依。漢。
南。今。看。將。落。淒。愴。江。潭。樹。猶。如。此。人。何。以。堪。

遊北山賦
 王勣
 吾周人也。本家於祁。永嘉之際。扈從江右。地實
 儒素。人多高烈。穆公感建元之耻。歸於洛陽。同
 州悲未安之事。退居河曲。始則晉陽開國。終乃
 安康受田。墳壠寓居。倏焉五葉。素榆成蔭。俄將
 百年。勣南山故情。老而彌篤。東坡餘業。悠哉自
 寧。酒甕多於步兵。黍田廣於彭澤。皇甫謐之心。
 事壠畝終焉。仲長統之規模。園林幸足。獨居南
 渚。時游北山。聊度世以爲娛。忽經年而望返。西

遊北山賦

并序

王勣

吾周人也。本家於祁。永嘉之際。扈從江右。地實
 儒素。人多高烈。穆公感建元之耻。歸於洛陽。同
 州悲未安之事。退居河曲。始則晉陽開國。終乃
 安康受田。墳壠寓居。倏焉五葉。素榆成蔭。俄將
 百年。勣南山故情。老而彌篤。東坡餘業。悠哉自
 寧。酒甕多於步兵。黍田廣於彭澤。皇甫謐之心。
 事壠畝終焉。仲長統之規模。園林幸足。獨居南
 渚。時游北山。聊度世以爲娛。忽經年而望返。西

窮馬谷北。達牛溪丘壑。依然風烟滿目。孫登獨坐對嵇阮。而無言。王霸幽居。與妻孥而有興。窓臨水石。砌遶松篁。類田叟之去來。亦已久矣。望山林之故道。何其樂哉。詩者志之所之。賦者詩之流也。式抽短思。卽爲賦云。

天道悠悠。人生若浮。古來賢聖。皆成去雷。殷憂一世。零落千秋。聞鼎湖而欲信。怪橋山之遽脩。任物孤游。遺情直上。覺老釋之言繁。恨文宣之枝癢。嗟大道之泯沒。見人情之委枉。鳥何事而

嬰羅。魚何爲而在網。莊周三月而不朝。瞿曇六年而遐想。請息交而自逸。聊習靜而爲娛。遂披林樾。進陟岐嶇。連峰雜起。複嶂環紆。聳飛情於霞道。振逸想於烟衢。重林合沓。以齊列。崩崖磊砢而相扶。覩森沉於絕澗。視晃朗於高嶠。碧巒之下。清溪之曲。望隱隱而纔通。聽微微而不屬。眷然引領。茲焉頓足。步擁石而邐迥。視橫烟而斷續。古藤曳紫。寒苔布綠。洞裏窺書。巖邊對局。髣髴靈蹤。依稀仙躡。竈何代而銷金。杯何年而

潤玉。松落落而風迴。桂蒼蒼而露漙。月未側而
先陰。霞方昇而後旭。喜方外之浩蕩。嘆人間之
窘束。況乃幽谷藏真。傍無四鄰。紫房半掩。玄壇
尚新。逢閨風之逸客。值蓬萊之故人。忽據梧而
策杖。亦披裘而負薪。出芝田而計畝。入桃源而
問津。昆丘若礪。渤解揚塵。裁碧奈而何日。種瓊
瓜而幾春。乃有上元仙骨。太清神手。走電奔雷。
耘空蒔朽。祝動南極。符迴北斗。偃佺贈藥。麻姑
送酒。青龍就食於甲辰。玄牛自拘於乙丑。永懷

世事。天長地久。瞻顧流俗。紅顏白首。誰能離世。
何處逃空。長懷企羨。豈出樊籠。徒勞海上。何事
雲中。昔日蔣元詡之三徑。陶淵明之五柳。君平
坐卜於市門。子真躬耕於谷口。或託閭閻。或歷
山藪。咸遂性而同樂。豈違方而別守。吾無所求。
斯焉獨游。屬天下之無事。遇山東之可畱。聊將
度日。忽已經秋。菊花兩岸。松聲一丘。不能役心
而守道。故將委運而乘流。爾其雜樹相糾。長條
交茹。葉動猿來。花驚鳥去。起公子之殊賞。瞻王

孫之遠慮。山水幽尋。風雲路深。蘭窓左闢。茵閣斜臨。月照南浦。烟生北林。松花栢葉之醇酎。鳳翮龍唇之素琴。白牛溪裏。峰巒四峙。信茲山之奧域。昔吾兄之所止。許由避地。張超成市。察俗刪詩。依經正史。康成負笈而相繼。根矩摳衣而未已。忽焉四散。十有二紀。地猶如昨。人今已矣。北岡之上。東巖之前。講堂猶在。碑書宛然。想問道於中壺。憶橫經於下筵。臨故墟而掩抑。指歸途而嘆惜。徃徃溪橫。時時路塞。地迴心遙。山高

視直。前臨姑射之西。正是汾河之北。悵矣懷抱。悠然川域。憶昔過庭。童顏稚齡。弄春風於礪戶。詠秋月於山扃。綵衣扇枕。緇布問經。何斯樂之易失。倏銜哀而茹恤。天未悔禍。遭家不秩。子敬先亡。公明蚤卒。吾自此而浩蕩。又逢時之不仁。與沮溺而同趣。共夷齊而隱身。幸收元吉。坐偶昌辰。容北海之嘉遁。許南山之不臣。養拙辭官。全和保真。豈若馮敬通之誹世。趙元淑之尤人。幽蘭獨夜之琴曲。桂樹凌辰之酒杯。丘園散誕。

窟室徘徊坐等枯木。心同死灰。負鍾春前。腰鎌
歲杪。草漸密而饒蟬。樹彌高而足鳥。地寂寞而
森深。路縱橫而窈窕。野亭鶴唳。山梁雉鷲。遠遊
之所。幽棲之次。或抱犢而新來。乍聞鷄而始至。
藿畦一兩。茅齋數四。山爲險而無人。嶺時平而
有地。石菌抽葉。金芝吐穗。鏡壓山精。刀驅水魅。
天網何寬。人生幾難。飲河知足。巢林必安。亦何
榮於拾紫。亦何羨於還丹。紅藜促節之杖。綠籜
斑文之冠。野食二簋。園蔬一盤。送阮籍而長嘯。

得劉伶而甚懽。曉入柴戶。暮歸藥欄。老萊地僻。
鄒生谷寒。楊柳則條垂。鍛沼。杏樹則花飛。坐壇
賦。或鼓吹。詩如彈丸。携始醉之。鳴鶴對新婚之
伯鸞。我有懷抱。蕭然自保。古人則與子同歸。紛
吾則此焉將老。抵玉驚禽。揮金薙草。接朋友於
盃棹。弄兒童於襁褓。樂山澤之浮遊。笑江潭之
枯槁。戒非佞佛。齋非媚道。無譽無功。形骸自空。
坐成老圃。居爲下農。披衣竈北。逐食墻東。儻有
白頭四皓。麗眉八公。小童乘日。仙人馭風。鄉老

則杖頭安鳥。邦君則車邊盡熊。心期闡合。道術
潜同。解來相訪。愚公谷中。

服各分驚而並馳。蘋。縈。漿。礙。荇。觸。船。危。視。雲。霞。
之。沃。蕩。望。林。泉。之。蔽。虧。惜。時。歲。兮。易。晚。傷。君。王。
兮。未。知。折。緝。房。與。細。葯。攬。紅。葩。及。碧。枝。迴。綃。裙。
兮。竊。獨。嘆。步。羅。襪。兮。私。自。奇。莫。不。驚。香。悼。色。畏。
別。傷。離。復。有。濯。宮。年。少。期。門。公。子。翠。髮。蛾。眉。頰。
唇。皓。齒。傅。粉。蘭。堂。之。上。偷。香。椒。屋。之。裏。亦。復。銜。
恩。激。誓。佩。寵。緘。愁。承。好。賜。之。珍。席。奉。嬉。遊。之。彩。
旂。攀。條。拾。藥。沿。波。溯。流。池。心。寬。而。藻。薄。浦。口。窄。
而。萍。稠。和。撓。姬。之。衛。吹。接。榜。女。之。齊。謳。願。承。歡。

而卒歲。長接席而寡仇。于時薊北無事。關西始
樂。霧靜江垠。氣恬海宴。殊方異類。舞詠相錯。王
公卿士。歌吹並作。則有侯家瑣第。戚里芳園。穿
池灞岸之曲。蓄水河陽之源。隄防谷口。島嶼轅
轅。嘉木畢植。靈草具繁。沉桂北之丹藕。播荆南
之紫根。鬱萋萋而霧合。燦曄曄而霞翻。泊乎氣
徹都鄙。景華川陸。麥雨微涼。梅飈淺燠。命妖侶
於石城。嘯娛朋於金谷。乃使綠珠捧棹。青琴理
舳。樽芳醪。藉珍餼。汎玉潭之瀾漫。遶金渠之隈

隩。石近水而苔濃。岸連山而樹複。排芟末而爭
遠。託蘆間而競逐。赴汨淩波。飛桂振羅。風低綠
榦。水濺黃螺。徘徊郢調。悽慘燕歌。念窮歡於水
淚。誓畢賞於川阿。結漢女。邀湘娥。恨光景兮不
駐。指芳馨兮謂何。若乃南鄢義妻。東吳信婦。結
襜整佩。承筐奉箒。忽君子兮有行。復良人兮遠
征。念去魂駭。相視骨驚。臨枉渚之一送。見秋潭
兮四平。與子之別。烟波望絕。念子之寒。江山路
難。剪瑤帶而猶欵。折瓊英而不歡。旣而緣隈逗

浦還棹歸檣。睠芳草兮已殘。憶離居兮方苦。延
素頸於極漲。攘皓腕於神許。惜佳期兮未日。徒
增思兮何補。又若倡姬蕩勝。命侶招羣。淇上洛
表。湘臯汝濱。洲草翠色。浦水龍文。願解佩以邀
子。思褰裳而從君。憐曙野之絳氣。愛晴天之碧
雲。棹巡汀而柳拂。船向渚而菱分。掇翠莖以翳
景。襲朱萼以爲裙。伏飛蚪之蜿蜿。若驚鴻之奕
奕。艇怯奔潮。篙憎淺石。絲著手而偏饒。刺牽衣
而屢褰。廼有貴子王孫。乘閒縱觀。何平叔之符

彩。潘安仁之藻翰。稅龍馬於金隄。命鳧舟於石
岸。紉北渚之新贈。恣東溪之密尋。鴛鴦繡彩之
文履。璚瑁瓊華之寶琴。扣舷擊榜。吳歛越吟。值
明月之夕出。逢丹霞之夜臨。茱萸歌兮軫妾思。
芍藥曲兮傷人心。時有東鄙幽人。西園舊客。常
陪帝子之輿。經侍夫人之籍。詠綠竹於風曉。賦
彤管於日夕。暑往寒來。忽矣悠哉。蓬飄梗逝。天
涯海際。似還邛之寥廓。同適越之滯滯。蕭索窮
途。飄飆一隅。昔聞七澤。今過五湖。非鄴地之宴

語異睢苑之歡娛。况復殊方別域。重瀛復嶂。虞
翻則故鄉寥落。許靖則生涯惆悵。感芳艸之及
時。懼修名之或喪。枕箕岫之孤石。汎磻溪之小
塘。餐素實兮吸絳芳。荷爲衣兮芰爲裳。永潔已
於丘壑。長寄心於君王。且爲歌曰。奇秀兮異植。
紅光兮碧色。蓮有藕兮藕有枝。才有用兮用有
時。何當婀娜華實。移爲君含香藻鳳池。

幽居賦

并序

陸龜蒙

余小學窮玄。蚤持堅白。居無養拙之資。出有倦
遊之嘆。五鼎蕭條。賜書零落。漆工秣酒。幾欲沉
淪。故栗空桑。屢瞻摧折。思鑿坯以遁。聊倚樹而
吟。師道氣於龜腸。扣兵鈴於魚腹。窮年學曆。不
遇白猿。隔日伏疴。未擒黃鶴。止則葭墻艾席。行
則葛履柴車。仲宣方翫於棋枰。叔夜遂眠於鍛
竈。既而草知晦朔。木讓榮枯。因推墨別爲三。復
悟儒分至八。何晏之言道德。不及王生。鄭玄之

注春秋。裁同服氏。初陳梗槩。漸入精微。採桓範之智囊。掘張憑之理窟。遺其耳目。然後謂之聰明。差若毫釐。烏足言夫大小。加以病唯鬪蟻力。止戡蟬。簾帷非翡翠之榮。鐘鼓豈爰居所樂。遂求衡泌。聊以栖遲。建一畝之宮。忝稱儒者。置千金之產。雅叶中人。晏子以囂塵可容。曹公以泥水自蔽。羅含宋玉。嘗戾止於荆蠻。蕭相武侯。亦潛安於僻巷。楊德祖家唯弱柳。殷仲文庭只枯槐。馮衍薑辛。繁欽苔碧。復有稻名半夏。藥號恒

春。長榆是降星精。脩竹乃生雲母。潘尼館裏。嘗聞奈素瓜甘。庾信園中。亦話棗酸梨酢。切觀流詠。雅尚清風。古今攸同。聖賢何遠。神交六位。方爲賣卜之人。歌動五噫。竟作賃春之客。況有布縞綸帽。尚足朝昏。羽扇貂裘。猶堪寒暑。得以書抽虎僕。射用牛踰。非因授簡。切擬題鞭。不能粉澤大猷。且用玄黃稗說。貽於好事。希逢得意而傳。責以壯夫。甘受子雲之笑。賦云
太伯勾吳。通侯舊里。地接虎丘。門連鶴市。樂令

有名教之樂。必以人行。莊生乃道家者流。咸從
達起。彼既得矣。予何謝焉。欲神遊於浩氣。法天
隱於遺編。魯仲孫衣止七升之布。樂武子食無
一卒之田。悲少歌於趙壹。喜長嘯於孫登。萬古
騷人。遠追乎橘浦。百金臚事。近書於松陵。亦慕
偷桃。還憐嗜芟。何慙尺蠖之屈。未損丈夫之志。
投簪隱几。聊思夷甫談玄。搦札濡毫。耻効文通
奏記。進不參乎名士。退宜追乎逸人。纔祛燥濕。
稍遠囂塵。以日繫時。且復窮乎魯史。穿池種樹。

正欲類於齊民。室乏崇墻。墉非縮坂。因坎窞以
爲洫。藉蒙籠而表限。龜床鹿幘。訝招隱兮。何遲
標飯菁羹。笑謀生之太簡。况復支離壹鬱。旭陋
寒吃。材甚散而寡文。體素羸而多疾。陰鏗茶銚。
披曉幌。以皆來。徐邈酒鎗。擁寒爐而必出。優游
塞馬。俛落冥鴻。竊慕王晞。眷戀於良辰美景。深
符謝惠。畱連於明月清風。加以籬邊種菊。堂後
生萱。覆井之新桐。乍引臨牕之舊竹。猶存花妨。
過帽柳磯。移門早灌。言泉屢游。經苑豹管。閑窺

羊岐忌返。徒羨夫玉杯朱弦之號美。象格犀簪之態高。寧爲朴野。不稱蓬蒿。恨殘編之未購。奚雅具以爲勞。況乎栖平蕪古木之地。任被褐擁鎌之事。宜其梓合巾箱。籐交餅筭。炊秣稗以爲食。剖瓠匏而作器。荷蓀而行。據梧而睡。妖能勝德。休占賈誼承塵。醉可全真。但舞王戎如意。其間豁爾。此外蕭然。姜肱則唯臥一被。江革則還畱羊羶。豈可浪廢玄關。虛搖譚柄。清言不屈。孫劉難減於中軍。善講無窮。支許那輕於小令。式

抽易緒。或扣老端。澄如井水。界若長竿。交衡而矛戟。初利頓挫。而風霜正寒。興公雅對。仲祖旁觀。始信何才。當指地於丞相。方知習健。抗彌天之道安。彼濩落而無容。且蕭條而高寄。兼耳目以咸外。曷丘園之足賁。真宰難問。洪鈞肯畱。人間未適。象外何求。縱使排烟霞而傲睨。騎日月以嬉遊。乘剗直上。攝景冥搜。橫絕乎四海。飛揚乎十洲。讀仙氏之琅書。安能解慍。傾洛公之金醴。幾得消憂。不假大招。寧馳別國。悲舊鄉之何

在望平原之無極。嘆鐘鼎以沉光。向漁樵而騁力。庚素有道。猶居喂壘之山。接輿佯狂。亦取樵廬之食。徐夸下舍。陶愛吾廬。上法於陵之畦圃。旁分建業之村墟。友乏惠施。莫解連環之義。醫無文摯。誰知方寸之虛。存其道而或通。失其居而後阻。間遊廣澤。何學弋於蒲且。終蹈滄溟。更移家於芋嶼。羌浩歎而長吟。畏蘭凋而蕙歇。清樽方灑於遙水。寶瑟坐凝於華月。歸田少接。尤疑尺鷃。追飛羽獵。相逢可謂蕪菁。唐突。

犬隱賦

并序

皇甫松

樂子進不能強仕。以圖榮退不能力耕。以自給酒。泛中山。適逢千日。萍漂上國。迨逾十年。閱仲叔之殊見。徒避猪肝。屈大夫之褊懷。浪投魚腹。必期口無二價。居賣藥之流。身抗三旌。入屠羊之肆。于是詩輕招隱。賦陋歸田。榮啟期之鼓琴。身終三樂。嚴君平之賣卜。日止百錢。是可以融神保和。含道詠德。亦何必拂衣丹嶠。散髮清流。吸玉露之英。擷金芝之秀。况夫華裾飛蓋。鏗玉

文備一
卷之二
三
拖金赫赫煌煌。光寵相耀哉。昔尚長設論。富不
如貧。曹劌立言。食肉者鄙。河上公之章句。紛其
曠歟。漢陰叟之畦町。不亦勞止。言而不足。聊爲
賦云。

邈乎悠哉。古茫茫而日去。今紛紛而月來。開闢
天地之上聖。分裂山河之雄材。乘剛柔於水火。
含變化於風雷。莫不隨草莽而共腐。與珠玉而
同灰。悲夫。自茲已降。又何營營而不迴。所以八
荒放志。六合遊神。皓然矯首。兀若無身。駕鶴真

人。吹笙王子。玉樹玲瓏。金臺灑迤。青鸞翠鳳之
飛鳴。丹豹赤麟之遊止。劉安鷄犬。呂恭奴婢。子
英拜而魚飛。初平叱而羊起。又有青龍上漢。白
鹿凌虛。變砂神米。質酒靈書。赤城玄圃。任公子
之所居。荒垣朽竹。丁令威之故墟。已焉哉。吾將
居常待終而已。於是掩蓬扃。閉茅屋。几案詩書。
形骸土木。雖捉襟而露肘。終擊壤而鼓腹。有酒
劉伶無妻。犢沐倚仗。則手放青鳩。脫冠則髮辭
斑。鹿養牛不乘生。鷄嬾祝亦何爲乎。鑿金亦何

爲乎泣玉。迺步重水。常趨遙林。遇清風而藉席。
對綠篠以開襟。松枝滴酒。樹瘦臺琴。山席平鋪。
而葉墜。書卷橫開。而露侵。瀑迸疑懸。峯危欲落。
委葉交扶。盤根相閣。野鼠鬪於林梢。山鷄鳴於
叢薄。蔓韌時縈。壁傾或拓。出入烟蘿。徊翔寥廓。
朝常擁耒。暮或垂綸。山泉鳴而入夜。洞花寒而
變春。閒游諳野。蔬食慣貧。盤中之周。生紫蓼嶺。
上之陶公。白雲徘徊綠水之際。瀟灑青林之表。
山鹿奔而草低。野鶴飛而桂裊。溪外負薪。田中

荷蓀。鶉披子夏之衣。蛙鳴稚圭之沼。遇山客以
停杖。逢沙禽而駐船。槎崩水沒。樹空籬穿。雉雊
霧旦。鼉鳴雨天。灌於陵之藥圃。耕彭澤之秫田。
偷閒散於一日。役筋骸於百年。開山決水。澆蘭
蔣芷。移風桂于嶺頭。種烟篁于澗裏。浪滿沉舟。
苔生濕地。山廩空而鼠喧。野浪高而鷗喜。或曲
岸而流觴。或平崖而隱几。慨然懷古。中心如醉。
憶耽酒之步兵。想能詩之都尉。先生則五斗成
文。君王則七言見志。陸機之價難借。鄭衆之心

莫遂諒紛紛于來者。欲停杯而遲誰。鑒往行之得失。悟前賢之是非。所以順世浮沉。與時消息。冥神觀化。何往不極。齧缺之問烏乎。知哀駘之心。莫之識。今昔茫茫。與衰運長超。然委命于何。不臧。薜葉離披之島。槐根擁腫之塲。白鷗兩岸。青莎一床。遇四老而極逸。逢七賢而甚荒。露濕書笈。塵生藥囊。楊子袍穿。仇生室方。結痛飲之山簡。就蔬飡之袁唐。我有遐說。超然自悅。鄙文馬與華軒。況金臺之王闕。南灣漁者。東郊老農。

形骸坐類襟帶。自同。或刺舟而共去。或駕犢而相從。採藥于岩下。行歌于里中。兒童目以癡。叔鄉人指作愚。公怪蔣詡之徑狹。笑孫登之室空。我亦悠悠何遠去。畱方寸自足。徒勞外求。臥白犬於甕下。懸青趺於杖頭。並嘯父以補履。同庖丁之解牛。遇茅狗之迎酒。媪逢木羊之隨葛。由天道云云。亡知喪真。孰能國士。吾爲市人。德與時而偕益。道隨行而日新。不望豹變。非圖鱗伸。損又損以立操。材不材而用神。伊緬邈而不極。

文儷卷三目錄
聊糟粕於斯文。

文儷卷三目錄

七命

張協

七勵

梁簡文帝

七契

昭明太子

七召

昭明太子

演連珠五十首

陸機

連珠二首

謝惠連

爲人作連珠二首

劉孝儀

擬連珠三十六首

庾信

水之津旌拂霄堦。軌出蒼垠。天清冷而無霞。野
曠朗而無塵。臨重岫而攬轡。顧石室而迴輪。遂
適冲漠之所居。其居也。崢嶸幽藹。蕭瑟虛玄。溟
海渾濩。涌其後。嶰峪嶰槽。張其前。尋竹竦莖。蔭
其壑。百籟羣鳴。聾其山。衝飈發而迴日。飛磔起
而麗天。於是登絕巘。遡長風。陳辯惑之辭。命公
子於巖中曰。蓋聞聖人不卷道而背時。智士不
遺身而匿跡。生必耀華名於玉牒。沒則勒洪伐
於金冊。今公子違世陸沉。避地獨竄。有生之歡

滅。資父之義廢。愁洽百年。苦溢千秋。何異促鱗
之游。汀潭短羽之棲。翳蒼薈。今將榮子以天人之
大寶。悅子以縱性之至娛。窮地而游。中天而居。
傾四海之歡。殫九州之腴。鑽屈轂之瓠。解疏屬
之拘。子欲之乎。公子曰。大夫不遺。來萃荒外。雖
在不敏。敬聽嘉話。

大夫曰。寒山之桐。出自太冥。含黃鍾以吐榦。據
蒼岑而孤生。既乃瓊巘。嶒嶸金岍。岬啼左當風。
谷右臨雲谿。上無陵虛之巢。下無跖實之蹊。搖

別峻挺。茗邈茗。曉晞三春之溢露。遡九秋之鳴
飈。零雪寫其根。霏霜封其條。木旣繁而後綠。草
未素而先凋。於是構雲梯。陟崢嶸。翦蕤賓之陽
柯。剖大呂之陰莖。營匠斲其樸。伶倫均其聲。器
舉樂奏。促調高張。音朗號鍾。韻清繞梁。追逸響
於八風。采奇律於歸昌。啟中黃之少宮。發蓐收
之變商。若乃龍火西頽。暄氣初收。飛霜迎節。高
風送秋。羈旅懷土之徒。流宕百罹之疇。撫促柱
則酸鼻。揮危絃則涕流。若乃追清哇。赴嚴節。奏

綠水。吐白雪。激楚迴。流風結。悲蕙蒸之朝落。悼
望舒之夕缺。紫髮爲之擗標。媼老爲之嗚咽。王
子拂纓而傾耳。六馬噓天而仰秣。此蓋音曲之
至妙。子豈能從我而聽之乎。公子曰。余病未能
也。

大夫曰。蘭宮祕宇。雕堂綺櫳。雲屏爛汗。瓊壁青
蔥。應門八襲。旋臺九重。表以百常之闕。圍以萬
雉之墉。爾乃曉榭迎風。秀出中天。翠觀岑青。雕
閣霞連。長翼臨雲。飛陞陵山。望玉繩而結極。承

倒景而開軒。蘋素炳煥。枌棋嗟哦。陰虬負檐。陽
烏承阿。錯以瑤英。鏤以金華。方疏含秀。圓井吐
葩。重殿疊起。交綺對幌。幽堂晝密。明室夜朗。焦
螟飛而生風。尺蠖動而成響。乃若目厭常玩。體
倦帷幄。攜公子而雙游。時娛觀於林麓。登翠阜。
臨丹谷。華草錦繁。飛采星燭。陽葉春青。陰條秋
綠。華實代新。承意恣觀。仰折神葩。俯采朝蘭。邈
惠風於蘅薄。眷椒塗於瑤壇。爾乃浮三翼。戲中
泚。潛鯁駭。驚翰起。沈絲結。飛增理。挂歸翮於赤

霄之表。出華鱗於紫淵之裏。然後縱棹隨風。弭
楫乘波。吹孤竹。拊雲和。淵客唱淮南之曲。榜人
奏采菱之歌。歌曰。乘鳧舟兮爲水嬉。臨芳洲兮
拔雲芝。樂以忘戚。游以卒時。窮夜爲日。畢歲爲
期。此蓋宴居之浩麗。子豈能從我而處之乎。公
子曰。余病未能也。

大夫曰。若乃白商素節。月旣授衣。天凝地閉。風
厲霜飛。柔條夕勁。密葉晨稀。將因氣以效殺。臨
金郊而講師。爾乃列輕武。整戎剛。建雲髦。啟雄

芒駕紅陽之飛燕。驟唐公之鷩鷩。屯羽隊於外
林。縱輕翼於中荒。爾乃布飛羅。張脩罟。陵黃岑
挂青巒。畫長壑以爲限。帶流谿以爲關。叩鉦數
枝。舉麾旌獲。鼓金機。馳鳴鏑。剪剛毫。落勁翮。連
騎競驚。駢武齊轍。翕忽揮霍。雲迴風列。聲動響
飛。形移景發。舉戈林竦。揮鋒電滅。仰傾雲巢。俯
殫地穴。乃有圓文之玃。斑題之從。鼓鬣風生。怒
目電睒。口齧霜刃。足撥飛鋒。馳林蹶石。扣跋幽
叢。於是飛黃奮銳。賁石逞伎。感封豨。饋馮豕。拉

魁。懸挫獬廌。勾爪摧鋸。牙捍瀾漫。狼籍傾榛。倒
壑殞齒。挂山僵踣。掩澤藪爲毛。林隰爲丹。薄於
是撒圍頓囹。卷旆收鳶。虞人數獸。林衡計鮮。論
最犒勤。息馬韜弦。肴駟連鑣。酒駕方軒。千鍾電
醕。萬燧星繁。陵阜霑流。膏谿谷。厭芳烟。歡極樂
殫。迴節而旋。此亦田游之壯。子豈能從我而爲
之乎。公子曰。余病未能也。

大夫曰。楚之陽劍。歐冶所營。邪谿之鋌。赤山之
精。銷踰羊頭。鑊越鍛成。乃鍊乃鑠。萬辟千灌。豐

隆奮椎。飛廉扇炭。神器化成。陽文陰縵。流綺星連。浮彩豔發。光如散電。質如耀雪。霜鏢水凝。冰刃露潔。形冠豪曹。名珍巨闕。指鄭則三軍白首。麾晉則千里流血。豈徒水截蛟鴻。陸灑奔駟。斷浮翮以爲工。絕重甲而稱利。云爾而已哉。若其靈寶。則舒辟無方。奇鋒異模。形震薛燭。光駭風胡。價兼三鄉。聲貴二都。或馳名傾秦。或夜飛去吳。是以功冠萬載。威曜無窮。揮之者無前。擁之者身雄。可以從服九國。橫制八戎。瓜牙景附。通

夏承風。此蓋希世之神兵。子豈能從我而服之乎。公子曰。余病未能也。

大夫曰。天驥之駿。逸態超越。稟氣靈淵。受精皎月。眸矚黑昭。玄彩紺發。沫如渾紅。汗如振血。秦青不能識其衆尺。方堙不能覩其若滅。爾乃巾雲軒。踐朝霧。越春衢。整秋御。蚪躡螭騰。麟超龍翥。望山載奔。視林載赴。氣盛怒發。星飛電駭。志陵九州。勢越四海。影不及形。塵不暇起。浮箭未移。再踐千里。爾乃踰天垠。越地隔。過汗漫之所。

不游。躡章亥之所未跡。陽鳥爲之頓羽。夸父爲之投策。斯蓋天下之僑乘。子豈能從我而御之乎。公子曰。余病未能也。

大夫曰。大梁之黍。瓊山之禾。唐稷播其根。農帝嘗其華。爾乃六禽殊珍。四膳異肴。窮海之錯。極陸之毛。伊公爨鼎。庖子揮刀。味重尤沸。和兼勺藥。晨鳧露鵠。霜鷄黃雀。圍按星亂。方丈華錯。封熊之蹠。翰音之跖。鸚髀猩脣。髦殘象白。靈淵之龜。萊黃之鮓。丹穴之鸚。玄豹之胎。焯以秋橙。醅

以春梅。接以商王之箸。承以帝辛之杯。范公之鱗。出自九溪。頰尾丹鰓。紫翼青鬢。爾乃命支離。飛霜鏗。紅肌綺散。素膚雪落。婁子之毫。不能測其細。秋蟬之翼。不足擬其薄。繁肴旣闕。亦有寒羞。商山之果。漢臯之榛。析龍眼之房。剖椰子之殼。芳旨萬選。承意代奏。乃有荆南烏程。豫北竹葉。浮蟻星沸。飛華萍接。玄后嘗其味。儀氏進其法。傾壘一朝。可以流酒千日。單醪投川。可使三軍告捷。斯人神之所歆羨。觀聽之所煒曄也。子

豈能彊起而御之乎。公子曰：耽爽口之饌，甘腊
毒之味，服腐腸之藥，御亡國之器，雖子大夫之
所榮，故亦吾人之所畏，余病未能也。
大夫曰：蓋有晉之融皇風也，金華啟徵，大人有
作，繼明代照，配天光宅，其基德也。隆於姬公之
處岐，其垂仁也。富乎有殷之在亳，南箕之風不
能暢，其化離畢之雲，無以豐。其澤皇道，煥炳帝
載，緝熙道氣，以樂宣德，以詩教清，於雲官之世。
治穆乎鳥紀之時。王猷西塞，函夏謚宗，丹冥投

烽，青徼釋警，却馬於糞車之轅，銘德於昆吾之
鼎。羣氓反素，時文載郁，耕父推畔，魚豎讓陸。樵
夫耻危冠之飾，輿臺笑短後之服。六合時邕，巍
巍蕩蕩。玄齟巷歌，黃髮擊壤，解羲皇之繩，錯陶
唐之象。若乃華裔之夷，流荒之貊，語不傳於輶
軒，地不被乎正朔，莫不駿奔稽顙，委質重譯。于
時昆歧感惠，無思不擾，苑戲九尾之禽，囿捷三
足之鳥，鳴鳳在林，夥於黃帝之園，有龍游淵，盈
於孔甲之沼，萬物烟煴，天地交泰，義懷靡內，化

感無外。林無被褐。山無韋帶。皆象刻於百工。兆發乎靈蔡。縉紳濟濟。軒冕藹藹。功與造化爭流。德與二儀比大。言未終。公子蹶然而興曰。鄙夫固陋。守此狂狷。蓋理有毀之。而爭寶之。訟解言有怒之。而齊王之疾痊。向子誘我以聾耳之樂。棲我以鄙家之屋。田游馳蕩。利刃駿足。既老氏之攸戒。非吾人之所欲。故靡得而應子。至聞皇風載。時聖道淳。舉實爲秋。摘藻爲春。下有可風之民。上有大哉之君。余雖不敏。請尋後塵。

七勵

梁簡文帝

藏名外臣。體道好異。遁跡埋影。剗心人事。任性於蓼水之側。放心於自得之場。情苞六合。德貫文方。巖栖谷飲。絕際濠梁。於是寂鏡公子。聞而往說。乃飛車翠蓋。翔駕絳螭。丹旌鳳轉。碧幔雲移。映玉軟之綺靡。昭銀車之陸離。經九橋之賈阻。歷五曲之巔危。路入闔風道。經通谷橋塗。泱泱路林蕭蕭。石磴穹窿。松關重複。羊腸望斷。邃路迂餘。披榛稅駕。乃遇藏名之所居。其居則薛

苔沒砌。幄葉斜臨。千峰脊頂。萬仞懸深。南危碧
流。北障芳林。左榮重陸。右背高岑。烟霞罩日。石
澗籠陰。聲含百籟。響弄千禽。寂鏡公子曰。蓋聞
智者不懷道。沒志遺俗。埋名迷邦。碎寶却粒。辭
榮。今欲說子以默語之術。寧欲聞乎。藏名曰僕。
雖幽栖。遠紆名德。寧忘潔已。以受至言。

公子曰。夫怡情託體。寔寄閒宮。跨危樓於枌詣。
挂日景於迎風。玩靈華於仙掌。度窈窕於飛虹。
金枝照曜。玉壁玲瓏。文牕洞古。飛閣陵東。桂柱

通光。雄梁亘日。璧鏡鈕懸。抽荷并出。中宿錦筵。
長廊周密。青錢碧影。金墀玉律。冬闈溫煦。夏室
含霜。圖以珍恠。畫以禎祥。瓊茅秋薦。綠蕙春香。
植宜男於粉閣。樹君子於椒房。迴風烟於璇題。
垂珠璣於玉箱。文魚水宿。錦鳥雲翔。及登陟游。
踐望遠通疎。擢素藕於石鏡。攀蔓草於康衢。若
荆山之琢玉。似隨水之弄珠。若斯宮之閑麗。子
能與我而共居。外臣曰。僕遊心蓬葦。未暇斯處。
公子曰。夫龍粧嚴服。託體必嘉。五絲擅美。獨爾

稱華組帷粲綵。緹服含葩。丹墀聚葉。鏤檻飛花。至如稷下縫掖。泗上章甫。雉緝霜鮮。秦絲園縷。鳳色龍分。鴛文鵠聚。瑀紛瑤席。綺飾瓊珮。齊都滑石。南海璵璠。散似綴珠。離如並績。蜘蛛弄巧。越女調樞。夏則桃笙竹席。冬則青莞塗鬢。溫麗瓊臺。密華承寢。當戶之穀。大文之錦。燁蒲萄之綺。衾麗芬若之丹枕。金蘇翠幄。玉素象牀。子能繼我樂此芬芳。外臣曰帶索披裘。自得山性。雕衾麗服。未敢攸同。

公子曰。五飪調神。三芝輔性。用康仁壽。以弘貞正。乃使有伊之徒。調嘗鼎味。九州珍雜。八方豐貴。名廉天地之聲。殺竭山海之味。蟬鳴秋稻。鷺鷥領玉精。離紅之膾。芍藥之羹。蒙山擅重。灌水傳聲。桂蠹石瓊。龍胎鳳肺。四膳八珍。五肉七菜。累似穀雜。切均鮮繪。色若紫蘭。紛如紅綵。若乃越梅。變實。楚醴。方添。陳晨鳧之美味。薦雋燕之肥甜。洗以三危之露水。調以大夏之香鹽。霜薤沸烈。露葵繁舒。芳蕪之菜。白霜之茹。澄瓊漿之素。

色雜金筍之甘藟。素醪浮氣。酃醪凝清。獻三爵之踰雅。等千日之芳醴。酌玉斗之英麗。照銀杯之輕蟣。此亦天下之美味。子能從我而享之乎。外臣曰。藜藿可膳。薇蕨堪飡。五味口爽。寧假玉盤。

公子曰。若夫釣臺之樂。葛天之歌。飛七盤之妙節。動六變之清和。綠綺麗琴。丹山寶瑟。鏤器。倕。雕。孤。枝。伶。律。奏。白。雪。之。楚。緩。陳。亭。蓆。之。吳。疾。躍。鳥。追。飛。潛。魚。伴。出。將。使。漸。離。擊。筑。雍。門。鼓。琴。鳴。

繞梁之妙響。發戀戶之清音。至如五陵金穴。六郡豪家。遠流歌於東夏。出秘舞於京華。金鈿設翠。步搖藏花。遙同暮雨。逼似朝霞。髮鬢如點。纖腰成削。玉齒笑容。紅粧綽約。疾趨巧步。霧袖分披。舒蛾眉之窈窕。委弱骨之逶迤。載金翠之婉嬋。珥瑤璫之陸離。芬芳於梧春之苑。灼爍於長洲之中。于時斜光西委。薄霧舒紅。隋珠照影。羅衣從風。觀者方堤。覩者盈淇。令二鸞之綴翼。使八鶴之增悲。明君爲之飲泣。西施爲之解眉。於

是蘭閨寂晚。曲韻相和。對輕風之落景。望明月以清歌。歌曰。酣醕半兮樂旣陳。長歌促節綺羅人。拂鏡弄影情未極。迴簪轉笑思自親。此亦聲音之盡妙。子能從我而聽之乎。外臣曰。淫聲亂耳。未足入聽。方追山壑。永弄林泉。

公子曰。夫心遊百氏。理奧六經。樞機性道。陰陽宵冥。昭玉牒於年史。覽石記而照情。若夫鄒枚上客。揚馬俊人。揮金入趙。易服歸秦。賣舌彈劍。買義追仁。商推萬古。弋釣陶甄。池中水黑。席上

稱珎。判二氣之氛氳。辨六爻之終始。鳥變龍王。鳳書雲紀。辭弘八索。辨崇三耳。至如范睢折脇。拉齒禮竭讓。豫中心報深。國士碎玉爭城。藏圖見碣石之劔。解金堤望楚都之揚。塹美陳平之揖。子房之間反智謀。想秦君之傳噐。信漢后之此亦天下裘解之奧籍。德性之林圃。子能同覽以齊此心。目悅外臣。於是色動清顏。頓解高意。雖野陋頗僕。曰悅帶經。但負薪多疾。未甘斯說。公子曰。夫氛氳構象。純雜不同。共工折柱。雖播

美風自古而然。曾何足道。但吹沙役寇。抑自羲年。吐霧藏妖。聞之堯日。至於今者。昌運天啟。握歷寶年。風猷駕層漢。道德漏皇泉。至如玄蹄外境。紫舌頑人。悖而無禮。不沐皇仁。於是騰三泉之宥漫。載五旗之飄揚。引玉車於西隴。鳴金鼓於北邙。拭龍泉之雄劍。瑩魏國之寶刀。鈹鏃巨闕。利擬豪曹。至如牽鈎壯氣。斗膽雄心。綠腰白玉。帶珮黃金。酬恩報死。尅遠長岑。驟鬣白鷲。躍青離。五玉察善。十相無遺。連腰錦帶。半足

飛。標威於鴈門之境。振旅於龍突之鄉。若乃驚沙絕岸。苦霧綿長。秋河曉碧。落蕙山黃。紅顏素改。玄鬢斑霜。丈夫抵掌而飲膳。壯士憤氣而沸腸。迴雲鳥之密陣。背却月而相望。旗才轉而漂杵。鋒未至而驟傷。前茅紛其易幟。後騎決其沙囊。何湯雪之能比。豈拾塵之可方。於是呼韓頓顙。龜茲銜璧。羊牽既袒。熊山已積。九截同文。八極齊軌。帝曰念功。班茅賜履。青紫如拾。賞歸詔美。此亦天下之壯績。子能從我而效之乎。外臣

曰葛伯不祀。雖聞湯誥。野叟力弱。未敢振衣。
公子曰。堯舜垂拱。煥彼前聞。今惟聖歷。萬代一
君。璧儀照氣。玉井珠分。德合天地。道方華勛。滄
海碧徹。黃河黛文。愛人育德。澤等春雲。宣尼茂
典。周姬禮容。黃裳進士。清襟俊童。邦知改俗。國
化移風。賣藥無藏名之老。河泗無洗耳之翁。德
星夜映。慶雲晝色。異草雙條。靈禽比翼。狐尾旣
九。茅脊復三。金船漾寶。銀甕呈甘。康歌壤笑。悅
禮樞談。隆周謝德。盛漢知慙。慈照無疑。化湛靈

覺。散瀉弘淳。拯澆敦朴。國被仁壽。家欣讓學。三
明鑒道。六度弘風。出塵照苦。入冥觀空。善識無
盡。因性必通。天不愛寶。地無隱瑞。百神受職。三
苗奉義。石策紫泥。金繩玉刺。或託諷梁甫。權臥
德而龍盤。或織箔渭濱。耻藏名而鳳跂。於是露
點飴蜜。漚泓澄於玉掌。雲垂五采。覆旖旎於仙
樓。漾醴泉於浪井。拂垂楊於御溝。或聯七葉。一
姓五侯。外臣於是觀色。內動神貌。外移忽正。山
巾而言曰。蓋聞幽居獨善。見譏往聖。儻不遺朦。

叟亦願順來命

文麗

卷之三

三

七契

梁昭明太子

奚斯逸士肥遁棄榮蓮峰於焉剗跡灌木是用
庇形口不悅於五味心不娛於八聲鄙巢父之
稱哲笑蘇門之爲英鵠蓋龍旂初不關意鳳吹
鼉鼓終不屑情跨四海而擅美邁三古而振名
居山林而不返終無慮而無營於是辯博君子
詞若湧泉言踰却秦之魯辯超稷下之田欲抑
則大鵬垂翅欲抗則尺鷃冲天聞逸士之懷寶
乃拂衣而造焉駕兩驂之如手乘輕車之若流

文麗

卷之三

七

爰自畿甸、徑造山周、傍瞻虹見、俯眺雲浮、鳴禽
聒耳、靈霧蔽眸、唯一壑之爲阻、無三逕之可求、
於是披榛陟路、援蘿踐壑、雖跋涉而不休、覩逸
士之所託、其爲居也、寂焉而靡所聽、瞑然而無
所瞻、三脊蔓戶、八桂攢簷、華門鳥宿、圭竇狐潛、
風來室搖、霧下牕霑、寔人跡之罕至、逸士於此
而獨淹。

君子曰、蓋聞智士不希狷介、仁者莫有迷邦、傳
說終受殷爵、呂望遂啟齊封、余敬吐誠而畢慮、
子能畱志而見從、乎逸士曰、鄙人固陋、自潛幽
藪、必枉話言、敬聆金口、
君子曰、若夫夾鍾之節、春景依遲、碧樹初榮、綠
草含滋、春臺之樂、信矣熙熙、於是百金之士、萬
鍾之家、招搖隆富、從集豪華、駕紫駟之馬、乘青
蓋之車、出自高宇、行無狹斜、陶嘉月而結交游、
藉芳辰而宴門友、望宜春以隨肩、入長楊以携
手、金盤薦美、藉之珍、玉杯沉縹、清之酒、義曰和
神、事非爽口、於是娛樂未終、畱光將夕、飛觴引

滿。奮袖舉白。投轄安坐。歡甚促席。以會雕蟲之
實。加有清談之客。論同炙輠。藻若陵雲。戴憑不
能高其說。相如不能擅其文。無玄不折。無細不
分。搦簡玉振。下筆蘭芬。乃亦六郡莫擬。非直三
蜀蔑聞。屬虞泉氣晚。朗月潛曜。清卮未闌。宵景
方照。奇舞迥作。名謳斯召。約綽妍姿。嬋媯宜笑。
綺縠風吹。珠璣星耀。齊竽颺參差之響。趙瑟奏
鏗鏘之妙。茲亦遊讌之至。娛子能借此而爲樂
乎。逸士曰。輕蕩遊觀。非予所耽。得性行樂。從好

山南

君子曰。輔性和神。實惟至味。非直方今見重。乃
亦自古攸貴。不周之和。調腸補胃。雜以龍肝。攬
炙豹舌。猩唇劉氏之醢。范公之鱗。鶴出雲際。鱗
來江岷。蒲俎芬馥。古聖所珍。其酒則蒼梧九醞。
中山千日。取譬湛露。擬之飴蜜。百味交馳。三雅
間出。若其珍異。則脩筵斯溢。千品萬類。不可詳
悉。西母靈桃。南楚萍實。東陵之瓜。北燕之栗。湖
畔之柿。江陰之橘。張掖白柰。恒陽黃梨。河東洗

犬隴蜀蹲鴟。並怡神甘口。窮美極滋。加以伊公
調和。易氏燔爨。傳車渠之椀。置青玉之案。瑤俎
既以麗奇。雕盤復爲美玩。予能與予而享之乎。
逸士曰。甘臙腸腐。五味口爽。伊人素蓄。無羨方
丈。

君子曰。千里之駒。出自余吾。伯樂所選。伏波所
模。通肩合相。平腹應圖。激電比速。躡景競驅。騰
黃弗敢擬駿。赤兔莫與爭途。異態連蜷。奇姿倚
倚。逸足驟反。雲移未駛。形函遊華。日不暇徙。迺

飾金羈之昭晰。加以玉鞍之輝煥。連乾麗靡。輕
蘇燦爛。逸氣旣爲勝矚。美飾重成壯觀。蹄蹶紅
塵。膺流絳汗。風起龍驤。灰聲鳥散。自古迄今。人
誰不玩。逸士能就予而乘之乎。逸士曰。遊逸輕
佻。策馬爭驅。粵今樂靜。豈能感娛。

君子曰。光形飾體。莫過解衣冠。鷓鷯之長纓。若
曾雲之零霏。琅玕珮言飾于背。飄颺輕裾。是
用曜軀。方空之綬。弱統之蕉。暑纔灸而已。却風
未至而先搖。旣唯照麗。兼以輕鏘。似朝霞之發。

彩。若夕景之舒光。至夫杪秋既謝。寒緒中人。則
輕狐稱美。豐貂表珍。斯乃赤也。所以去魯。孟嘗
所以出秦。步光之妙。櫛具之華。君子武備所用。
禦邪標以珠玉。飾以蓮花。其任則百冶精銳。利
擬秋霜。豈止在身爲美。服襲稱臧。固乃龍躍於
襄水。見氣於南昌。幽通神化。其妙難詳。將與逸
士服之。以相狎。逸士曰。紵絺避暑。緼袍禦冬。鮮
麗綺靡。未之或從。

君子曰。是有喬桐。抽葉青葱。結根善地。擢幹
嵩。栖鳳曾山之側。藏龍平陵之東。拂鬣韃之高。
雲鼓捎殺之雄風。若亭萬仞。寔造天中。乃使匠
石運斤。班輪琢錘。製起玄脩。形踰綠綺。與金石
而鏗鏘。其絲竹而曼靡。托北方之佳人。命高樓
之杞氏。間以巴隴才僮。邯鄲妙妓。騁獸爲之輟。
馳。飛禽爲之不徙。加以荆和之飾。照耀柘絲之
絃。激揚三聲吐韻。四結流唱。辭高薰奏。響溢芝
房。竹來嶰谷。律寫歸昌。再鼓而玄鶴集。九成而
儀鳳翔。初音魚踊。餘妙繞梁。何止田文慨慷。劉

靖傷心而已哉。中山青曲若折而和。揚美目以
流眄。啓玉齒而安歌。歌曰。陽阿奏兮激楚流。望
洛水兮有好仇。從輕櫂兮汎龍舟。將與逸士陟
彼華堂。憇諸閔館。玉宇明華。文階燦爛。璇題昭
晰。珠簾彪煥。身託璵璠之筵。目寓瓊華之玩。且
以悅諸和性之樂。豈非綺麗之觀哉。逸士曰。居
茲四郭。寧辨五音。靡曼不極。君子弗欽。雖聞瞻
辭之銳。無會野人之心。

君子曰。白藏肅殺。天高野清。玉樹始落。金蘂初
榮。幕鷺北反。沙鴈南征。寔秋收之美節。將校獵
以娛情。使櫪無伏馬。巷靡遺行。執戈於羊眠之
野。彎弧於曠浪之陰。養由輕盼。則林摧鷲獸。蒲
且效技。則虛下翔禽。騰猿蹙其足。虓虎不擇音。
掩兔麟鹿。旣蔑古之鳥。有填坑滿谷。亦眇昔之
上林。至於輕繳纒飛。則連鴻解羽。微纖始放。則
並鱗失波。豈論玄泉之則。寧願將遨之歌。弭節
言旋。禽不可筭。周旋眺覽。足爲京觀。子雖山栖。
其從此玩。逸士曰。解網垂仁。殷王美則。聞聲不

食孔聖淑音。害蠹類而爲樂。豈君子之用心。
君子曰。蓋聞地美養禾。君仁愛士。澤被無垠。光
照郊鄙。蒲輪必鄒魯之儒宗。紆青必洛陽之才
子。大漢愧得人之盛。有周慙以寧之美。萬國若
翁從。四海同使指。刑措弗用。囹圄斯虛。旣講禮
於太學。亦論詩於石渠。戈有載戢。史無絕書。銅
律應度。玉燭調和。黃髮擊壤。青衿興歌。元帥奇
士。庠序鴻生。求禮儀之汲汲。行仁義之明明。隆
采椽之義。却瑋琚之榮。當朝有仁義之睦。邊境

無烟塵之驚。信如四氣明並。三光厨莆挺茂。堦
藁吐芳。瑞鹿擣素。祥熊耀黃。靈禽樂園。儀鳳栖
堂。太平之瑞寶鼎。樂協之應玉羊。丹鳥表色。玉
露呈瀼。野絲垂水。嘉苗貫素。固以德苞子姒。道
邁虞唐。六合寧泰。四字咸康。不煩一戟。東甌膜
拜。詎勞一卒。西域獻琛。鹿蠡稽顙。以悛惡。樓蘭
面縛而革音。吾皆去鼻飲之穴。棄烏舉之深。固
以澤流無外。恩被遐方。福比嵩岱。道則穹蒼。豈
有聞若斯之化。而藏其皮冠哉。逸士曰。鄙人寡

識守節山隅。不聞智士之教。將自潛以縻軀。請
伏道而從命。願開志以滌慮。

七召

昭明太子

假是先生負茲勁逞。狀群飛之喪侶。似獨行之
迷逕。神忽忽而若忘。意衝衝而不定。鑒丹綠其
無主。聞鐘鼓以失聽。至乃冬霰積庭。空靡人聲。
春花滿野。地無行者。圜堵常閉。曲突無烟。同生
芻之暫有。共死灰之壹燃。篤論公子。聞而崛起。
雖道術之可忘。亦切磋之所耻。命徒御以絡繹。
將有事於巖中。車煜爚而流水。馬泮渙以追風。
乃踰汗漫。入蒙籠。至深潭之澳溟。有洞室之穹。

崇居隱磷而出沒。望嶽岑而下上。竹距石以斜。通水韻松以含響。地不寒而蕭瑟。日無雲而曠朗。於是整容投刺。屣履排門。揚眉就席。舉袂而言曰。若五秀稟其生靈。六情通其愛惡。憎共集於鄙老。嗜同歸於美樂。今足下羣鳥獸以爲媒。處貧賤而不作。欲擯實於孤介。乃貽譏乎隕穫。至乃喀喀死於道邊。蒼蒼填於溝壑。削松筆以畫虎。鼓鉛刀而刻鵠。身旣勞而不見。事何感而莫懲。欲模名於帶索。豈知命於泥繩。何異走長

衢以避影。煎流水以求冰。今欲道足下以衛生之秘術。怡神之妙道。譬之愈疾於寒植。同起尸於仙草。寧願聞乎。先生曰。有爲之生。已逼無益之慮。常勞若見明於礙滯。幸求救於膏。

公子曰。千門始構。百常洞啓。激洛開渠。踰山抗陛。延袤水陸。曠望東西。下臨江海。上屬雲霓。百丈杳冥。以飛跨。九層鬱律。以階梯。步三休而更迴。塗中宿而方迷。雕墻屈曲。以交牙。網戶周流。以重積。旣陰岑而影響。亦叫嘯而迴易。沙板金。

補紫柱玉碣。煒煌燦絕。硃礮搏敞。圖雲霧之蔽。
虧狀神仙之來往。璧璫自耀。珠綴恒響。蜃蜃動
而晝喧。熠燿飛而夜朗。既臨下以寥沉。亦憑高
而決漭。聞疾雷於階陛。弄犇星於帷幌。亘以曲
堂。周以洞房。比負連闥。南注長廊。綺疏交映。鏤
檻相望。燕飛蓮井。日照杏梁。陽鳥騫其將動。雲
鳳矯而欲翔。若乃後沼開源。延石崇壤。擬崑閬
之嶙峋。比滄溟之瀟漾。其中則有桂宮。栢寢。吳
臺。柘館。複道。取介而連雲。阿閣。穹隆。而仰漢。望

虬欄之映水。見丹鶴之出岑。豔草奇色。臺樹珍
名。長生靈壽。男華女貞。河柳垂葉。山榴發英。翫
奇花之春滿。摘甘實於夏成。此實宮苑之壯麗。
豈能從我而爲榮。先生曰。多言反道。辯口傷實。
懼貽弊於蒞家。且自安乎容膝。

公子曰。銅瓶玉井。金釜桂薪。六穀九鼎。百葉千
珍。熊蹯虎掌。鷄跖猩脣。鱔魚兩味。玄犀五肉。拾
邠鳳巢。剖胎豹腹。三鬻甘口。七菹愜目。蒸餅十
字。湯官五熟。海椒魯豉。河鹽蜀薑。劑水火而調。

和。糝蘇菽以芬芳。崖脯追復而不盡。瀆魚稍割其無傷。鼃羹流歡。舐醬先嘗。鱠溫湖之美。蚌切丙穴之嘉。魴落俎霞散。逐刃飛揚。輕同曳蠶。白似飛霜。蔗有盈丈之名。桃表兼斤之實。杏積魏國之貢。菱爲鉅野所出。衡曲黃梨。汶垂蒼栗。隴西白榛。湘南朱橘。荔枝沙棠。蒲萄石蜜。瓜稱素腕之美。棗有細腰之質。並抗吻以除煩。亦咀牙而消疾。於是三雅陳席。百味開印。玉機星稀。蘭英縹潤。旣夷志於坎壈。亦懷忘於鄙恡。此蓋滋

旨之極珍。豈能從予而共進。先生曰。不貴媮食。寧甘醇酒。旣深悟於腐腸。豈自迷於爽口。

公子曰。秦氏獨立。燕姝絕世。如短如長。不穠不細。信耳自之妖冶。乃古今之佳麗。妍姿豔逸。淑性閑華。效施輦於宋里。經墮馬於梁家。折纖腰以微步。呈皓腕乎輕紗。臨池正領。拂鏡看花。觀堵墻以颯沓。傾城國以誼譁。墨欲歸而抽軫。惠將返而迴車。至廼鄭衛繁聲。抑揚絕調。足使風雲變動。性靈感召。擊哀響則春臺之人。愴焉而

雪泣。起歡情。則崩城之婦。嫣然而微笑。嶰谷調
鳳之竹。龍門獨鵠之柯。綠珠絳樹。朱子韓娥。青
春婉婉。上客經過。開洞房以命賞。召才人而合
宴。舉輕幔以徐來。隔珠簾而可見。牀披象簾。几
展羅薦。聽促柱之方調。聞簧聲之始轉。步想象
以頓足。腕繡連而拂面。托斜視於遺簪。寄含情
而舉扇。俄而夕鳥東反。落日西懸。綺霞映水。蛾
月昇天。解鴛鴦之繡被。拂距蛩之長氈。燭羽幃
而動爛。薰蕙帳而微烟。願橫施以自昵。脰斜領

於君前。此乃聲色之妖蕩。將不從我而雷連。先
生曰。淫聲非篤論之旨。麗色本余情所棄。伐國
不問仁人。此言從何而至。

公子曰。歲晚農休。時閑務隙。山火已燎。野霜初
白。聊效殺於秋冬。乃從禽於草澤。蜀地五丁。齊
國二子。氣動山漂。汗揮雨起。渥洼流赭。蘭池照
血。躡飛影於未形。赴犇星於欲滅。革車隱隱。轂
騎闐闐。鼓譟誼而振地。烝徒駭而括天。割玉之
刀。飲石之箭。且羅布其一目。罟網周及三百。犬

號驤螭鷹名奔電暫離已合忽隱仍見赴迴超
危衝林跋援艸隨足起山從眼轉跨躡洞電
舉陵阪鳥不及飛獸不遑伏旣前轡而後赴亦
左排而右蹴蹠實駭而自救騰虛亂而相撲視
灑血之丹地見飛毛之暗目傍窮切割勢極搜
求文皮坐裂麗尾生抽手羈鐵頂足披銅頭象
折牙而陵遽貊拉齒而夷由擒高樓之度索走
太樹之神牛鴈聞弦而跣墮援抱木而啾啁笑
楚王之雲夢耻漢帝之中流此武林之矯猛豈

能從我而改遊先生曰馳騁傷仁好殺非勇幸
廣內之豐樂何禽荒之足重
公子曰駿鳥始照宮槐遽而欲舒顧兔纔滿庭
英紛而就落譬光影於飛浮比生靈於栖託擾
擾摩肩麟麟方駕立怵迫於毀譽獨慙勤於用
舍嗟向有而今無嘆後榮而稱賢蓋持身之管
籥進德之舟船響如鐘而待叩明似鏡而常懸
此見重於經術寧降志於吾賢先生曰誠此言
之甚美比斯道之爲曠耻見嘲於腐儒豈求珍

於席上、
公子曰、我大梁之啟基、方邃古而無匹、先天定
始、比殷周而餘裕、揖讓受終、考唐虞而不失道、
德有序、憲章咸秩、六府孔脩、百司盡畢、搜求儒
雅、招拾遺逸、盱食思治、雖聞之於昔談、昧旦臨
朝、乃見之乎茲日、蕩蕩薰風、泱泱大興、道含弘
而廣被、澤汪濊而傍闡、採輿人之片言、納匹夫
之小善、事在微而畢、照然無幽而不顯、若夫下
車布德、伐罪弔民、風無偃稼、雨不破塵、親勝殘

於朞月、見成俗於浹辰、含羣生兮如海、養萬類
其猶春、鄉無豕食之祿、野靡狼顧之民、樵者日
金、而知耻耕夫讓畔、以成仁、何大庭之足競、豈
粟陸之能隣、璧水道庠序之風、石渠啟珪璋之
盛、奇士輻輳而騁足、異人間出而効命、大小之
獄無冤民、翺飛之物無天性、故能睦之以允世
齊、之以七政、坦坦恢恢、巍巍赫赫、政德洽於霜
風、教義窮於足迹、望雲氣而欵關、候海水而重
譯、所謂府不輟貢、史無虛帛、天瑞磊砢而相尋、

地符氛氳而不少。收六穗於征賦。翫九莖於池沼。三足應感而來儀。一角知時而自擾。映景星於初月。聆鳳音於將曉。若乃亭毒不疵。合天地而並施。陶鈞日月。與造化而齊功。故前謝清歌雅舞。暫同於夢寐。廣厦高堂。俄成於幻化。若夫洗精服食。慕道遊仙。尋玉塵於萬里。守金竈於千年。三尸可度。九轉難傳。飛騰水陸。咀嚼靈玄。若乃壁上真辭。枕中秘要。彈壓神鬼。吐納靈妙。既變醜以成妍。亦反老而爲少。虬駕天矯而出。

沒霓裳。颯沓而容與。接鵠馭於後乘。追鳳簫於前侶。雨散漫以霑服。雲霏微而襲宇。瞰芝闕以窈窕。見玉臺之相拒。蓋排烟而漸滅。旌拖風而未舉。值解佩於江濱。逢弄珠於漢渚。薄遊玄圃。弭節太華。列神童於羽帳。侍玉女於仙車。澗採兮危寶。苑拔兮迴花。聽弱水之晨浪。望崑山之夕霞。窮北辰而比壽。指中岳以爲家。此神仙之恍惚。豈從我而蠲邪。先生曰。捕影之言。莫測繫風之論。難盡未嘗。畱意於死生。豈稍論於椿菌。

公子曰。洙泗遺文。鄒魯餘烈。其道未遠。其風不絕。方領圓冠。金口木舌。談章句之遠旨。搆紛綸之雅說。陳五禮。明六詩。貫穿微妙。辨折毫釐。既待問以重席。亦覃思而下帙。醞藉愷悌。和樂緝熙。生徒肅肅。賓友師師。並接衽以聞道。俱援手而受辭。心絕內戰。事無外慾。橫輕者比肩。擁篲者繼足。醜申韓之法令。陋桓文之風俗。六郡湊其衣冠。五陵窮其軌躅。信斯文其若水。實斯人之如玉。若夫珠璣產於蚌蛤。珪璧出於山淵。未有玉不瑩而爲寶。人無學而稱賢。非言辭之可具。盡筆札之所能窮。懷真獨往之夫。犇走而從事。滅迹藏名之士。顛倒而向風。二漢有同於兒戲。魏晉無礙於胸中。言未畢。先生攝衣而起曰。子前所說。似玉卮之無當。徒費辭而難領。譬由背日而視秋毫。却行而求鄢郢。一聞皇王之盛。則豁然神悟。而理攄。志無時而可卷。邦有道而宜舒。敢以殘智。請從後車。

演連珠

五十

陸機

臣聞日薄星廻。穹天所以紀物。山盈川冲。后土所以播氣。五行錯而致用。四時違而成歲。是以百官恪居。以赴八音之離。明君執契。以要克諧之會。

臣聞任重於力。才盡則困。用廣其器。應博則凶。是以物勝權而衡殆。形過鏡則照窮。故明主程才以效業。貞臣底力而辭豐。

臣聞髦俊之才。世所希乏。丘園之秀。因時則揚。

是以大人基命。不擢才於后土。明主聿興。不降
佐于昊蒼。

臣聞世之所遺。未爲非寶。主之所珍。不必適治。
是以俊人之藪。希蒙翹車之招。金碧之巖。必辱
鳳舉之使。

臣聞祿放於寵。非隆家之舉。官私於親。非興邦
之選。是以三卿世及。東國多衰弊之政。五侯並
軌。西京有險夷之運。

臣聞靈輝朝靚。稱物納照。時風夕灑。程彤賦音。
是以至道之行。萬類取足於世。大化旣洽。百姓
無匱於心。

臣聞頓網探淵。不能招龍。振網羅雲。不必招鳳。
是以巢箕之叟。不眇丘園之幣。洗渭之民。不發
傅巖之夢。

臣聞鑿之積也。無厚。而照有重淵之深。目之察
也。有畔。而眦周天壤之際。何則。應事以精。不以
形。造物以神。不以器。是以萬邦凱樂。非悅鐘鼓
之娛。天下歸仁。非感玉帛之惠。

臣聞積實雖微。必動於物。崇虛雖廣。不能移心。
是以都人冶容。不悅西施之影。乘馬班如。不輟
泰山之陰。

臣聞應物有方。居難則易。藏器在身。所乏者時。
是以充堂之芳。非幽蘭所難。繞梁之音。實繁絃
所思。

臣聞智周通塞。不爲時窮。才經夷險。不爲世屈。
是以陵鷖之羽。不求反風。曜夜之目。不思倒日。
臣聞忠臣率志。不謀其報。貞士發憤。期在明賢。

是以柳莊黜殞。非食瓜衍之賞。禽息碎首。豈要
先茅之田。

臣聞利眼臨雲。不能垂照。朗璞蒙垢。不能吐輝。
是以明哲之君。時有蔽壅之累。俊乂之臣。屢抱
後時之悲。

臣聞郁烈之芳。出於委灰。繁會之音。生於絕絃。
是以貞女要名於沒世。烈士赴節于當年。
臣聞良宰謀朝。不必借威。貞臣衛主。脩身則足。
是以三晉之彊。屈於齊堂之俎。千乘之勢。弱於

陽門之哭。

臣聞赴曲之音。洪纖入韻。蹈節之容。俯仰依詠。是以言苟適事。精麤可施。士苟適道。脩短可命。臣聞因雲灑潤。則芬澤易流。乘風載響。則音微自遠。是以德教俟物而濟。榮名緣時而顯。

臣聞覽影偶質。不能解獨。指跡慕遠。無救於遲。是以循虛噐者。非應物之具。翫空言者。非致治之機。

臣聞鑽燧吐火。以續賜谷之晷。揮翮生風。而繼

飛廉之功。是以物有微而毗著。事有瑣而助洪。

臣聞春風朝煦。蕭艾蒙其溫。秋霜宵墜。芝蕙被其涼。是故威以齊物。爲肅德以普濟。爲弘。

臣聞巧盡於噐。習數則貫。道繫於神。人亡則滅。是以輪匠肆目。不乏奚仲之妙。瞽史清耳。而無伶倫之察。

臣聞性之所期。貴賤同量。理之所極。卑高一歸。是以准月稟水。不能加涼。晞日弘火。不必增輝。臣聞絕節高唱。非凡耳所悲。肆義芳訊。非庸聽。

所善南荆有寡和之歌。東野有不釋之辯。
臣聞尋烟染芬。薰息猶芳。徵音錄響。操終則絕。
何則。垂于世者可繼。止乎身者難結。是以玄晏
之風恒存。動神之化已滅。

臣聞托闇藏形。不爲巧密。倚智隱情。不足自匿。
是以重光發藻。尋虛捕景。大人貞觀。探心昭忒。
臣聞披雲看霄。則天交清。澄風觀水。則川流平。
是以四族放而唐勳。一臣誅而楚寧。

臣聞音以比耳。爲美色以悅目。歡是以衆聽。

所傾。非假北里之操。萬夫婉孌。非俟西子之顏。
故聖人隨世以擢佐。明主應時而命官。
臣聞出乎身者。非假物所隆。牽乎時者。非克已。
所勗。是以利盡萬物。不能獻童昏之心。德表生
民。不能救棲遑之辱。
臣聞動循定檢。天有可察。應無常節。身或難照。
是以望景揆日。盈數可期。撫臆論心。有時而謬。
臣聞傾耳求音。眡優聽苦。澄心徇物。形逸神勞。
是以天殊其數。雖同方不能分其感。理塞其通。

則並質不能共其休。

臣聞遁世之士非受匏瓜之性。幽居之女非無

懷春之情。是以名勝欲故。偶影之操。矜窮愈達。

故凌霄之節厲。

臣聞聽極於音。不慕鈞天之樂。身足於塵。無假

垂天之雲。是以蒲密之黎。遺時雍之世。豐沛之

士。忘桓撥之君。

臣聞飛轡西頓。則離朱與矇眵收察。懸景東秀。

則夜光與玳瑁匿耀。是以才換世則俱困。功偶

時而並斲。

臣聞示應於近。遠有可察。託驗於顯微。或可包

是以寸管下俵。天地不能以氣欺。尺表逆立。日

月不能以形述。

臣聞絃有常音。故曲終則改鏡。無畜影。故觸形

則照。是以虛已應物。必究千變之容。挾情適事。

不觀萬殊之妙。

臣聞祝馭希聲。以諧金石之和。鞀鼓疎擊。以節

繁絃之契。是以經治必宣其通。圖物恒審其會。

臣聞目無膏音之察耳無照景之神故在乎我者不誅之於已存乎物者不求備於人臣聞放身而居體逸則安肆口而食屬厭則充是以王鮪登俎不假吞波之魚蘭膏停室不思銜燭之龍

臣聞衝波安流則龍舟不能以漂震風洞發則夏屋有時而傾何則牽乎動則靜凝係乎靜則動貞是以淫風大行貞女蒙治容之誨淳化殷流盜跖挾曾史之情

臣聞達之所服貴有或遺窮之所接賤而必尋是以江漢之君悲其墜屨少原之婦哭其亡簪臣聞觸非其類雖疾弗應感以其方雖微則順是以商飈漂山不興盈尺之雲谷氣乘條必降彌天之潤故闇於治者唱繁而和寡審乎物者力約而功峻

臣聞煙出於火非火之和情生於性非性之適故火壯則煙微性克則情約是以殷墟有感物之悲周京無佇立之跡

臣聞適物之技。俯仰異用。應事之器。通塞異任。是以鳥栖雲而繳飛。魚藏淵而網沈。賁鼓密而含響。朗笛疎而吐音。臣聞理之所守。勢所常奪。道之所閉。權所必開。是以生重于利。故據圖無揮劍之痛。義貴于身。故臨川有投跡之哀。臣聞通于變者。用約而利博。明其要者。器淺而應玄。是以天地之曠。該于六位。萬殊之曲。窮于五絃。

臣聞圖形于影。未盡纖麗之容。察火于灰。不觀洪赫之烈。是以問道存乎其人。觀物必造其質。臣聞情見于物。雖遠猶疎。神藏于形。雖近則密。是以儀天步畧。而脩短可量。臨淵揆水。則淺深難察。

臣聞虐暑熏天。不減堅冰之寒。涸陰凝地。無累陵火之熱。是以吞縱之彊。不能反蹈海之志。漂櫓之威。不能降西山之節。臣聞理之所開。力所常達。數之所塞。威有必窮。

是以烈火流金不能焚。景沈寒凝海不能結。風
臣聞。足于性者。天損不能入。貞于期者。時累不
能淫。是以迅風陵雨不謬。晨禽之察。勁陰殺節。
不凋寒木之心。

連珠 二首

謝惠連

蓋聞機心難湛。不接異類。淳德易孚。可狎殊友。
是以高羅舉而雲鳥降。海人萃而冰禽翔。
蓋聞春蘭早芳。實忌鳴鳩。秋菊晚秀。無憚繁霜。
何則。榮乎始者易悴。貞乎末者難傷。是以傳長
沙而志沮。登金馬而名揚。

[Faint bleed-through text from the reverse side of the page]

為人作連珠二首

劉孝儀

妾聞洛妃高髻不資於草澤。玄妻長髮無籍於金鈿。故雲名由於自美。蟬稱得於天然。是以梁妻獨其妖豔。衛姬專其可憐。妾聞芳性染情。雖欲忘而不歇。薰芬動慮。事逾久而更思。是以津亭掩馥。祗結秦婦之恨。爵臺餘妬。追生魏妾之悲。

德陽淪沒非復能臨偃師

蓋聞帝朝遷貿山川悠遠是以狐兔所處由來
建始之宮荆棘參天昔日長洲之苑

蓋聞天方薦瘥喪亂弘多空思說劍徒聞枕戈
是以劉琨之英略莫知自免祖逖之慷慨裁能
渡河

蓋聞穀林長遠蒼梧不從惟桐惟葛無樹無封
是以隋珠日月無益驪山之火雀臺絃管空望
西陵之松

蓋聞雷驚獸駭，電激風驅。陵歷開塞，枕跨江湖。
是以城形月偃，陣氣雲鋪。非綠林之散卒，卽驪
山之叛徒。
蓋聞死別長城，生離函谷。遼東寡婦之悲，代郡
孀妻之哭。是以流慟所感，還崩杞梁之城。灑淚
所沾，終變湘陵之竹。
蓋聞三世用兵，旣非貽厥。陰謀累葉，必以凶終。
是以李郡尉之風霜，上蘭山而箭盡。陸平原之
意氣，登河橋而路窮。

擬連珠

三十六首

庾信

蓋聞得賢斯在，不藉揮鋒。股肱良哉，無論應變。
是以屈倪參乘，諸侯解方城之圍。干木爲臣，天
下無西河之戰。

蓋聞邯鄲已危，徒思馬服。薊城去矣，空用荆軻。
是以竹枝扶危，不能正武。擔之石蘆，灰縮水不
能救宣房之河。

蓋聞穴蟻衝泉，未知遠慮。玄禽巢幕，何能支久。
是以大厦旣焚，不可灑之以淚。長河一決，不可

障之以手。

蓋聞膏脣喋喋。市井營營。或以如簧自進。或以
徂詐相傾。是以子貢使乎。五都交亂。張儀見用。
六國縱橫。

蓋聞謀猷是習。權變須長。時增齊竈。或臥燕墻。
是以井陘之兵。如鴻毛之遇火。長平之卒。若秋
草之中霜。

蓋聞彼黍離離。大夫有喪。亂之感麥。秀漸漸。君
子有去國之悲。是以建章低昂。不得猶瞻。灞岸

蓋聞營魂不反。燐火宵飛。時遭獵夜之兵。或斃
空亭之鬼。是以射聲營之風雨。時有冤魂。廣莫
郡之陰寒。偏多夜哭。

蓋聞江黃戎馬之微。鄢郢風颺之格。乍有去而
不歸。或無期而遠客。是以章華之下。必有思子
之臺。雲夢之傍。應多望夫之石。

蓋聞無怨生離。恩情中絕。空思出水之蓮。無復
迴風之雪。是以樓中對酒。而綠珠前去。帳裏悲
歌。而虞姬永別。

蓋聞嚴霜之零。無所不肅。長林之斃。無所不標。
是以楚塹既填。游魚無託。吳宮已火。歸燕何巢。
蓋聞名高八俊。傷於闔豎之黨。智周三傑。斃於
婦女之計。是以洪澤之蛟。遂挫長飢之虎。平臯
之蟻。能摧失水之龍。
蓋聞吳艘蜀艇。不能無水而浮。以紅間綠。不能
無弦而射。是以籠樊之鶴。寧有六翮之期。斃麟
之馬。無復千金之價。
蓋聞性靈屈折。鬱抑不揚。乍感無情。或傷非類。

是以嗟怨之水。特結憤泉。感哀之雲。偏含愁氣。
蓋聞遷移白羽。流徙房陵。離家折里。悽恨撫膺。
是以吳起之去。西河潛然。出涕荆軻之別。燕市
悲不自勝。

蓋聞廉將軍之客館。翟廷尉之高門。盈虛倏忽。
貴賤何論。是以平生故人。灌夫不去。門下賓客。
任安獨存。

蓋聞執珪事楚。博士畱秦。晉陽思歸之客。臨淄
羈旅之臣。是以親友會同。不妨懷撫。悽愴山河。

離異不妨風月關人。蓋聞五十之年壯情久歇。憂能傷人。故其哀矣。是以譬之交讓實半死而言。生如彼梧桐雖殘。生而猶死。

蓋聞秋之爲氣。惆悵自憐。耿恭之悲。疎勒班超之念。酒泉是以韓非客秦。避讒無路。信陵在趙。思歸有年。

蓋聞懸鶉百結。知命不憂。十日不炊。無時何耻。是以素王之業。乃東門之貧。民孤竹之君。實西山之飢士。蓋聞十室之邑。忠信在焉。五步之內。芬芳可錄。是以日南枯蚌。猶含明月之珠。龍門死樹。尚抱咸池之曲。

蓋聞百尺之高。累於九碁之上。千鈞之重。懸於一木之枝。是以截虎尾而非險。傷龍鱗而未危。蓋聞居蘭處鮑。在其所習。白羽素絲。隨其所染。是以金性雖質。處劔卽凶。水德雖平。經風卽險。蓋聞豫章七年。斃於豐草。芳蘭九畹。淪於幽谷。

是以欲求其真。晉陽有自理之蒿。若賞其聲。吳亭有已枯之竹。

蓋聞明鏡蒸食。未爲得所。干將補履。尤可傷嗟。是以氣足凌雲。不應止爲武騎。才堪王佐。不應直放長沙。

蓋聞意氣難持。非資扛鼎。風神自勇。無待翹關。是以曹劌登壇。汶陽之田。遽反相如。睨柱連城。之壁更還。

蓋聞卷菴不死。誰必有心。甘蕉自長。故知無節。

是以螺蚌得路。恐異驪淵。雀鼠同歸。應非丹穴。蓋聞北邙之高。魏君不能削。穀洛之闕。周王不能改。是以愚公何德。遂荷鍾而移山。精衛何禽。欲銜石而塞海。

蓋聞水之激也。實濁其源。木之蠹也。將拔其根。是以延年之家。預論掃墓。羊舌之族。先知滅門。蓋聞磨礪唇吻。脂膏齒牙。臨風扇毒。向影吹沙。是以敬而遠之。豺有五子。吁可畏也。鬼有一單。蓋聞三關頓足。長城垂翅。旣羈旣旅。非才非智。

是以烏江艤楫知無路可歸。白鴈抱書定無家可寄。

文儷卷四目錄

勸農訪民所疾苦詔

沈約

求賢詔

陳宣帝

修前代墳冢詔

陳宣帝

令百官舉士詔

陳後主

梁禪陳璽書

徐陵

陳高祖勅州郡璽書

徐陵

勅謝朓

梁武帝

陳公九錫文

徐陵

梁禪陳策文

徐陵

奉天改元大赦文

陸贄

晉王荆襄等道兵馬都元帥制

陸贄

授馬燧渾瑊副元帥招討河中

陸贄

授韋博淄青節度使制

沈珣

崔龜從拜相制

崔瑛

與劉孝儀令

簡文帝

與湘東王論王規令

簡文帝

宣德皇后令

任昉

建平王聘隱逸教

江淹

為東海餉諸葛處士教

謝朓

未至潯陽郡教二條

陸倕

為荊州刺史下教

安成王秀

答移市教

庾信

永明九年策秀才五問

王融

恩賜綾錦出關判

劉穆之

御史推屬吏判

張鷟

家僮視天判

負俶

曆主失度判

王冷然

故紙判

王冷然

字詰判

張巡

署書題閣判

張巡

本正為主判

嚴識賢

主者不杖判

嚴識賢

父在杜堂判

嚴識賢

還墳判

元稹

旄人判

元稹

縣令辭疾判

康庭之

子姓承襲判

康庭之

知謀判

射牛判

為若族判

文儷卷四

明閩中陳翼飛元朋刪定

宣城湯賓尹嘉賓較閱

江寧顧昶元太初叅訂

勸農訪民所疾苦詔

沈約

門下執耜斲蹇則如懸比室乘機或惰則無褐
終年非怠非荒雖曰王道不稂不莠實寄民和
頃歲多稼無麥遺秉如積而三登之美未臻萬
斯之基尚遠且風土異宜百民舛務刑章治緒

未必同源，妨本害政，事非一揆，冕旒屬念，無忘
夙興，可嚴下州郡，務茲耕殖，相畝闢疇，廣開地
利，深樹國本，克阜民天，又詢訪獄市，博聽諂俗，
傷風損化，各以條聞，無使瘡痍之苦，載與比屋，
主者詳爲科格，稱朕意焉。

求賢詔

陳宣帝

舉善從諫，在上之明規，進賢謁言，爲臣之令範，
朕以寡德，嗣守寶圖，雖世襲隆平，治非寧一，辨
方分職，盱食早衣，傍闕爭臣，下無貢士，豈余獨
運，匪薦讜言，置鼓公車，罕論得失，施石象魏，莫
陳可否，朱雲摧檻，良所不逢，禽息觸楹，又爲難
值，至如衣褐以見，擔簦以遊，或者艾絕倫，或妙
年異等，黑貂改敝，黃金且殫，終其滯淹，可爲太
息，凡厥在位，各舉所知，試職能否，俟茲黜陟。



修前代墳冢詔

陳宣帝

梁室多故禍亂相尋兵甲紛紜十年不解不逞
 之徒虐流生氣無賴之屬暴及徂寇江左肇基
 王者攸宅金行水位之主木運火德之君時更
 四代歲逾二百若其經綸三業縉紳民望忠臣
 孝子何世無才而零落山丘變移陵谷或皆剪
 伐莫不侵殘玉杯得於民間漆簡傳於世載無
 復五株之樹罕見千年之表自大祚光啟恭惟
 揖讓爰暨朕躬聿修祖武雖復旂旗服色猶行

文備
卷之四
三
杞宋之計。每車駕巡遊。眇瞻河雒之路。故喬山之祀。蘋藻弗虧。驪山之墳。松柏恒守。唯戚藩舊。壟士子故塋。掩殫未周。樵牧猶衆。或親屬流隸。負土無期。子孫冥滅。手植何寄。漢高留連於無忌。宋祖惆悵於子房。丘墓生哀。生靈共惻者也。朕所以興言永日。思慰幽泉。維前代王侯。自古忠烈。墳冢被發。絕無後者。可檢行修治。墓中樹木。勿得樵採。庶幽顯咸暢。稱朕意焉。

令百官舉士詔

陳後主

旁求俊乂。爰建側微。用道和羨。是隆大厦。上智中主。咸由此術。朕以寡薄。嗣膺景祚。思所以登顯髦彥。式備周行。但空勞宵夢。屢勤史卜。申旦凝慮。景夜損懷。豈以食玉炊桂。無因自達。將懷寶迷邦。咸思獨善。應內外衆官。可各薦一人。以會彙征之旨。且取備小大之用。其有負能仗氣。擯歷當時。著賓戲以自憐。草客嘲以慰志。人生一世。逢遇誠難。亦宜去此幽谷。翔茲天路。趨鏘

馳以觀國。望金馬而來庭。便當隨彼方圓。飭之矩矱。

梁禪陳璽書 徐陵

君子者自昭明德。達人者先天弗違。故能進退咸亨。動靜元吉。朕雖蒙寡。庶乎景行。何則。三才剖判。九有區分。情性相乖。亂離云起。是以建彼司牧。推乎聖賢。授受者任其時來。皇王者本非一族。人謀是與。屈已從萬物之心。天意斯歸。鞠躬奉百靈之命。謳歌所往。則攘袂以膺之。菁華已竭。乃褰裳而去之。昔在唐虞。鑒於天道。舉其黎獻。授彼明哲。雖復質文殊軌。沿革不同。歷代

因循斯風靡替。我大梁所以考庸太室。接禮貳宮。月正元日。受終文祖。但運不常。夷道無恒。秦山嶽傾。偃河海沸騰。電目雷聲之禽。鉤爪鋸牙之獸。咀齧含生。不知紀極。二后英聖。相仍在天。六夷貪狡。爭侵中國。縣王都帝。人懷干紀。一民尺土。皆非梁地。朕以不造。幼罹閔凶。仰憑衡佐。亟移年序。周成漢惠。邈矣無階。惟是童蒙。必貽顛蹙。若使時無聖哲。世靡艱難。猶當高蹈於滄洲。自求於泰伯者矣。惟王應期誕秀。開籙握圖。

性道故其難聞。嘉庸已其被物。乾行同其燾覆。日御比其貞明。登承聖於復禹之功。樹鞠子於興周之業。滅陸渾於伊洛。殲驪戎於鎬京。大小二震之驍。徒東南兩越之勅。寇遽行天討。無遺神策。仁霑葭葦。信及豚魚。殷牖斯空。夏臺虛設。民惟大畜。野有同人。加以雲飛紫蓋。水躍黃龍。東伐西征。掩映川陸。榮光曖曖。已冒墟塵。甘露瀼瀼。亟流庭苑。車轍馬跡。誰不率從。蟠水流沙。誰不懷德。祥圖遠至。非唯赤伏之符。靈命昭然。

何止黃星之氣。且自攝提無紀。孟陬殄滅。枉矢
宵飛。天弧曉映。久矣夷羊之在牧。時哉蛟龍之
出泉。革運之兆。咸徵惟新之符。並集朕以欽若
勛華。屢回星琯。昔者木運斯盡。予高祖受焉。今
歷去炎。精神歸樞。紐敬以火德傳於爾。陳遠鑒
前王近謀。群辟明靈。有悅率土同心。今遣使捷
節。兼太保侍中。尚書左僕射。平樂亭侯王通。兼
太尉司徒左長史。王瑒。奉皇帝璽綬。受終之禮。
一依唐虞故事。王其時陟元后。寧育兆民。光闡

洪猷。以承昊天之命。

陳高祖勅州郡璽書

徐陵

夫四王革代。商周所以應天。五勝相推。軒羲所以當運。梁德不造。喪亂積年。東夏崩騰。西都蕩覆。蕭勃干紀。非唯趙倫。侯景滔天。踰於劉載。貞陽反篡。賊約連兵。江左累屬於鮮卑。金陵久非於梁國。有自氤氳混沌之世。龍圖鳳紀之前。東漢興平之初。西朝永嘉之亂。天下分崩。未有若於梁朝者。也。朕以虛薄。屬當興運。自昔登庸。首清諸越。徐門浪泊。靡不征行。浮海乘山。所在懃

定冒愬風塵，騁馳師旅。六延梁祀，十翦彊寇。豈
曰人謀，皆由天啟。梁氏以天祿斯改，期運永終。
欽若唐虞，推其鼎玉。朕東西退讓，拜手陳辭。避
舜子於箕山之陽，求支伯於滄洲之野。而公卿
敦逼，率土翹惶。天命難稽，遂享嘉祚。今月乙亥，
升禮太壇，言念遷桐。但有慙德，自梁氏將末，頻
月亢陽，火運斯終。秋霖奄降，翌日成禮。圓丘宿
設，埃雲晚霽。星象夜張，朝景重輪。洵三危之膏
露，晨光合璧。帶五色之卿雲，顧惟寡薄，彌慙休
祉。昧且不顯，方思至治。卿等擁旄方岳，相任股
肱。剖符名字，方寄恤隱。王曆惟新，念有欣慶。想
深求民瘼，務在庶平。愛惠以撫孤貧，威刑以禦
疆猾。若有萑蒲之盜，或犯戎商。山谷之酋，擅彊
幽險，皆從肆赦。咸使知聞，如或迷途，俾在無貸。
今遣使人，具宣往旨。念思善政，副此虛懷。

勅謝朓

梁武帝

吾以菲德。屬當期運。鑒與吾賢。思隆治道。而明
 不遠。燭所蔽者多。實寄賢能。匡其寡闇。嘗謂山
 林之志。上所宜弘。激貪厲薄。義等為政。自居元
 首。臨對百司。雖復執文經武。各修厥職。羣才競
 爽。以致和羨。而鎮風靜俗。變教論道。自非箕穎
 高人。莫膺茲寄。是用虛心側席。屬想清塵。不得
 不屈茲獨往。同此濡足。便望釋蘿襲衣。出野登
 朝。必不以湯有慙德。武未盡善。不降其身。不屈

其志使璧帛虛往蒲輪空歸。傾首東路。望兼立
表。義軒邈矣。古今殊事。不獲總駕崆峒。依風問
道。今方復引領雲臺。虛已宣室。紆賢之愧。載結
寢興。

(Faint bleed-through text from the reverse side of the page)

陳公九錫文

徐陵

大哉乾元。資日月以貞觀。至哉坤元。憑山川以
載物。故惟天為大。陟配者欽明。惟王建國。翼輔
者齊聖。是以文武之佐。磻溪蘊其玉璜。堯舜之
臣。涑河鑿其金版。況乎體得一之鴻姿。寧陽九
之危厄。拯橫浦於碣石。撲燎火於崑岑。驅馭於
韋彭。跨蹶於秦晉。神功行而靡用。聖道用而無
咎者乎。今將授公典策。其敬聽朕命。日者昊天
不弔。鍾亂於我國家。網漏吞舟。疆胡內鼎。茫茫

宇宙惴惴黎元方足圓顙萬不遺一太清否訖
橋山之痛已深大寶屯如平陽之禍相繼上幸
膺運康救兆民鞠旅於滇池之南揚旌於桂嶺
之北懸三光於已墜謐四海於羣飛屠猓獠於
中原斲鯨鯢於濠汜蕩寧上國光啟中興此則
公之大造於皇家者也既而天未悔禍夷醜薦
臻南夏崩騰西京蕩覆群胡孔熾藉亂乘間推
納藩枝盜假神器冢司昏撓旁引寇讐既見貶
於桐宮方謀危於漢閣皇運已殆何殊贅旒中

國搖然非徒如綫公赫然投袂匡救本朝復莒
齊都平戎王室朕所以還膺寶歷重履宸居挹
建武之風猷誥宣王之雅頌此又公之再造於
皇家者也公應務之初登庸惟始三川五嶺莫
不窺臨銀洞珠宮所在寧謐孫盧肇爨越貊爲
災番部帖危勢將淪殄公赤旗所指祇壘洞開
白羽纔擣兇徒粉潰非其神武久喪南藩此又
公之功也大同之末邊政不修李賁狂迷竊我
交愛敢稱大號驕恣甚於尉陀據有連州雄豪

熾於梁碩公英譽雄筭。電掃風行。馳御樓船。直
跨滄海。新昌典徹。備履艱難。蘇歷嘉寧。盡爲京
觀。三山篠洞。八角蠻阨。逃矣水寓之鄉。悠哉火
山之國。馬援之所不屆。陶璜之所未聞。莫不懼
我王靈。爭朝邊候。歸睽天府。獻狀鴻臚。此又公
之功也。自寇虜陵江。宮闈幽辱。公枕戈嘗膽。提
劔撫心。氣涌青霄。神飛紫闥。而番禺連率。本自
諸夷。言得其朋。是懷同惡。公仗此忠誠。乘機勦
定。執沛令而釁鼓。平新野而據鞍。此又公之功

也。世道初艱。方隅多難。勲門桀黠。作亂衡嶷。兵
切池隍。衆兼夷獠。公以國盜邊警。知無不爲。卹
是同盟。誅其醜類。莫不魚驚鳥散。面縛頭懸。南
土黔黎。重保蘇息。此又公之功也。長驅嶺嶠。夢
想京畿。緣道酋豪。遞爲榛梗。路養渠率。全據大
都。蓄聚逋逃。方謀阻亂。百樓不戰。雲梯之所未
窺。萬弩齊張。高輶之所非敵。公龍驤虎步。嘯吒
風雲。山靡堅城。野無疆陣。清祇氛於瀨石。滅沴
氣於雩都。此又公之功也。遷任凶匿。屯據大臯。

乞活類馬騰之軍。流民多杜歿之衆。推鋒轉鬪。自北徂南。頻歲稽誅。實惟勅虜。公坐揮三略。遙制六奇。義勇同心。貌貅騁力。雷奔電擊。谷靜山空。列郡無犬吠之驚。叢祠罷狐鳴之盜。此又公之功也。王師討虜。次屆淪波。兵乏燕儲。士有饑色。公回麾蠡澤。積穀巴丘。億使之詠。斯豐壺漿之迎。是衆軍民轉漕。曾無砥柱之難。艫舳相望。如運敖倉之府。犀渠貝冑。顧蔑雷霆。高艦層樓。仰捫霄漢。故使三軍勇銳。百戰無前。承此兵糧。

遂殄兇逆。此又公之功也。若夫英圖邁俗。義旅如雲。溢壘猜攜。用淹戎略。公志唯同。獎師克在和。鵠塞非虞。鴻門是會。若晉侯之誓白水。如蕭王之推赤心。屈禮交盟。人祇感咽。故能使舟師並路。遠邇同心。此又公之功也。姑熟襟要。嶠函阻憑。寇虜據其關梁。大盜負其肩鏞。公一枝裁。攜三雄並奮。左賢右角。沙潰土崩。木甲殪於中原。羶裘赴於江水。他他藉藉。萬計千群。鄂坂之隘。斯開夷庚之道。無塞。此又公之功也。義軍大。

衆俱集帝京。逆豎兇徒。猶屯皇邑。若夫表裏山河。金湯嶮固。疏龍首以抗殿。擗華嶽以爲城。雜虜憑焉。強兵自若。公回茲地軸。抗此天羅。曾不崇朝。俾無遺噍。軍容甚穆。國政方修。物重覩於衣冠。民還瞻於禮樂。楚人滿道。爭覩於葉公。漢老銜悲。俱歡於司隸。此又公之功也。內難初靖。諸侯出關。外郡傳烽。鮮卑犯塞。莫非且渠當戶。中貴明王。冀馬列於淮南。胡笳動於徐北。公舟師步甲。亘野橫江。殲厥群毚。遂殫封豨。莫不絀。

木而止。戎車靡遺。遇澤而旋。歸驂盡殪。此又公之功也。公克黜禍難。劬勞皇室。而孫賓之黨。翻啟狄心。伊洛之間。咸爲虜戍。雖金陵佳氣。石壘天嚴。朝聞戎塵。夜喧胡鼓。公三籌旣畫。八陣斯張。裁舉靈旗。亦抽金僕。咸俘醜類。悉反高墉。異李廣之皆誅。同龐元之盡赦。此又公之功也。任約叛渙。梟聲不悛。戎羯貪婪。狼心無改。穹廬羶幕。抵北闕而爲營。烏孫天馬。指東都而成陣。公左甄右落。箕張翼舒。掃是攬搶。驅其獫狁。長狄。

之種埋於國門。椎髻之酋烹於軍市。投秦坑而盡沸。噎灘水而不流。此又公之功也。一相居中。自折彘鼎。五湖小守。妄懷同惡。公夙駕兼道。秉羽杖戈。玉斧將揮。金鉦且戒。祇酋震懾。遽請灰釘。藝櫬以表其舍。弘焚書以安其反側。此又公之功也。賊龕兇橫。陵虐具區。阻兵安忍。憑災怙亂。自古蟲言鳥跡。渾沌洪荒。凡或虔劉。未此殘酷。公雖宗居汝穎。世寓東南。育聖誕賢之鄉。含章挺生之地。眷言桑梓。公私憤切。卓爾英狀。承

規奉算。戮此大憝。如烹小鮮。此又公之功也。亂離永久。羣盜孔多。浙左兇渠。連兵構逆。豈止干兵五校。白雀黃龍而已哉。公以中軍無率。選是親賢。奸寇途窮。濯然冰泮。刑澹之所。文命動其大威。雷門之間。句踐行其嚴戮。英規聖跡。異代同風。此又公之功也。同姓有扈。頑兇不賓。憑藉宗盟。圖危社稷。觀兵滙澤。勢震京師。驅率南蠻。已爲東帝。公論兵於廟堂之上。決勝於罇俎之間。寇賈樊滕。浮江下瀨。一朝揄撲。無待旬師。萬

里澄清。非勞新息。此又公之功也。豫章祆寇。依
憑山澤。繕甲完聚。名歷歲時。結從連橫。爰洎交
廣。呂嘉既獲。吳淠已縱。命我還師。征其不恪。連
營盡拔。僞黨斯擒。曜聖武於匡山。回神旌於蠡
派。此又公之功也。自八紘九野。瓜剖豆分。竊帝
偷王。連州比縣。公武靈巴暢。文德又宣。折簡馳
書。風猷斯遠。至於蒼蒼浴日。杳杳無雷。北洎丈
夫之鄉。南踰女子之國。莫不屈膝膜拜。求吏款
關。此又公之功也。京師禍亂。亟積寒暄。雙闕低

昂。九門寥豁。寧秦宮之可顧。豈魯殿之猶存。五
都簪弁。百僚卿士。胡服縵纓。咸爲戎俗。高冠厚
履。希復華風。宋微子麥稷之歌。周大夫黍離之
歎。方之於斯。未足爲悲矣。公求衣昧旦。具食高
春。興構宮闈。具瞻遐邇。郊庠宗稷之典。六符十
等之章。還聞太史之風流。重覩永平之遺事。此
又公之功也。公有濟天下之勲。重之以明德。凝
神體道。合德符天。用百姓以爲心。隨萬機而成
務。耻一物非唐虞之民。歸含靈於仁壽之域。上

德不德。無爲以爲。夏長春生。顯仁藏用。忠信爲
寶。風雨弗憊。仁惠爲基。牛羊勿踐。功成治定。樂
奏咸雲。安上治民。禮兼文質。物色丘園。衣裾里
巷。朝多君子。野無遺賢。菽粟同水火之饒。工商
富猗頓之旅。是以天無蘊寶。地有呈祥。滴露卿
雲。朝團曉映。山車澤馬。服馭登閑。旣景煥於圖
書。方歲蕤於史牒。高勲踰於象緯。積德冠於嵩
華。固無得而稱者矣。朕又聞之。前王宰世。茂賞
尊賢。式樹蕃長。總征羣伯。二南崇絕。四履遐曠。

泱泱表海。祚土維齊。巖巖泰山。俾侯於魯。抑又
勤王反鄭。夾輔遷周。召伯之命。斯隆。河陽之禮。
咸備。况復經營宇宙。寧唯斷鼇足之功。弘濟蒼
生。非直鑿龍門之嶮。而疇庸報德。寂爾無聞。朕
所以垂拱當宁。載懷慙悸者也。今授公相國。以
南豫州之陳留。南丹陽。宣城。揚州之吳興。東陽。
新安。新寧。南徐州之義興。江州之鄱陽。臨川。十
郡。封公爲陳公。錫茲青土。苴以白茅。爰定爾邦。
用建冢社。昔且奭分陝。俱爲保師。晉鄭諸侯。咸

文備 卷之四 十九
作卿士兼其內外禮實攸宜。今命使持節兼太尉王通授相國印綬陳公璽綬使持節兼司空王瑒授陳公茅土金獸符第一至第五左竹使符第一至第十相國秩踰三鉉任總百司位絕朝班禮由事革其以相國總百揆除錄尚書之號上所假節侍中貂蟬中書監印章中外都督太傅印綬義興公印策其鎮衛大將軍揚州牧如故又加公九錫其敬聽後命以公禮爲楨榦律等銜策四維皆舉八柄有章是用錫公大輅

戎輅各一玄牡二駟以公賤寶崇穀疏爵待農室富京坻民知榮辱是用錫公衮冕之服赤舄副焉以公調理陰陽燮諧風雅三靈允降萬國同和是用錫公軒縣之樂六佾之舞以公宣導王猷弘闡風教光景所照鞮象必通是用錫公朱戶以居以公抑揚清濁褒德進賢髦士盈朝幽人虛谷是用錫公納陛以登以公嶷然廊廟爲世鎔範折衝四表臨御八荒是用錫公武賁之士三百人以公執茲明罰期在刑措象恭無

赦于紀必誅。是用錫公斧鉞各一。以公英猷遠量。跨厲嵩溟。抱一專書。括囊寰宇。是用錫公彤弓一。彤矢百。旅弓十。旅矢千。以公天經地義。貫徹幽明。春露秋霜。允恭絜盛。是用錫公鉅鬯一。鹵圭瓚副焉。陳國置丞相以下。一遵舊式。往欽哉。其恭循朕命。克相皇天。弘建邦家。允興洪業。以光我高祖之休命。

梁禪陳策文
徐陵

咨爾陳王。惟昔上古。厥初生民。驪連栗陸之前。容成大庭之代。並結繩寫鳥。杳冥慌忽。故靡得而詳焉。自羲農軒昊之君。陶唐有虞之主。或垂衣而御四海。或無爲而子萬姓。居之如馭朽索。去之如脫敝屣。裁遇許由。便能捨帝。暫逢善卷。卽以讓王。故知玄扈璇璣。非關尊貴。金根玉輅。示表君臨。及南觀河渚。東沈刻壁。精華旣竭。耄勤已倦。則抗首而笑。唯賢是與。謗然作歌。簡能

斯授遺風餘烈。昭晰圖書。漢魏因循。是爲故實。宋齊授受。又弘斯義。我高祖應期撫運。握樞御宇。三后重光。祖宗齊聖。及時屬陽九。封豕薦食。西都失馭。夷狄交侵。乃臬天成。輕弄龜鼎。僕僕黔首。若崩厥角。微微皇極。將甚綴旒。惟王乃聖。乃神。欽明文思。二儀並運。四時合序。天錫智勇。人挺雄傑。珠庭日角。龍行武步。爰初投袂。日廼勤王。電掃番禺。雲撤彭蠡。揃其元惡。定我京畿。及王賀帝。弘貿茲冠履。旣行伊霍。用保冲人。震

澤稽陰。並懷叛逆。獯羯醜虜。三亂皇都。裁命偏師。二邦自殄。薄伐獫狁。六戎盡殪。嶺南叛渙。湘郢結連。賊帥旣擒。兇渠傳首。用能百揆。時序四門。允穆無思。不服無遠。不屆上達。穹昊下漏。深泉蛟魚。並見謳歌。攸屬況乎。長彗橫天。已徵布新之兆。璧日斯旣。寔表更姓之符。是以始創義師。紫雲曜彩。肇惟尊主。黃龍負舟。楛矢素翬。梯山以至。白環玉玦。慕德而臻。若夫安國字萌。本因萬物之志。時乘御宇。良會樂推之心。七百無

常期皇王非一族昔本德既季而傳祚於我有
梁天之歷數允集明哲式遵前典廣詢羣議王
公卿尹莫不攸屬敬從人祗之願授帝位於爾
躬四海困窮天祿永終王其允執厥中軌儀前
式以副溥天之望禋祀上帝時膺大禮永固洪
業豈不盛歟

奉天改元大赦文

陸贄

致理興化必在推誠忘已濟人不吝改過朕嗣
守丕構君臨萬方失守宗祧越在草莽不念率
德誠莫追於既往永言思咎期有復於將來明
徵厥初以示天下惟我烈祖邁德庇人致俗化
於和平極生靈於塗炭重熙積慶垂二百年伊
爾卿尹庶官洎億兆之衆代受亭育以迄於今
功存於人澤垂於後肆予小子獲纘鴻業懼德
不嗣罔敢怠荒然以長於深宮之中暗於經國

之務積習易溺。居安忘危。不知稼穡之艱難。不
察征戍之勞苦。澤靡下究。情不上通。事既壅隔。
人懷疑阻。猶昧省已。遂用興戎。徵師四方。轉餉
千里。賦車籍馬。遠近騷然。行賫居送。衆庶勞止。
或一日屢交鋒刃。或連年不解甲冑。祀奠乏主。
室家靡依。生死流離。怨氣凝結。力役不息。田萊
多荒。暴命峻於誅求。疲暵空於杼軸。轉歿溝壑。
離去鄉閭。邑里丘墟。人烟斷絕。天譴於上。而朕
不悟。人怨於下。而朕不知。馴致亂階。變興都邑。

賊臣乘釁。肆逆滔天。曾莫愧畏。敢行凌逼。萬品
失序。九廟震驚。上辱於祖宗。下負於黎庶。痛心
覩貌。罪實在予。永言愧悼。若墜深谷。賴天地降
佑。神人叶謀。將相竭誠。爪牙宣力。屏逐太盜。載
張皇維。將弘永圖。必布新令。朕晨興夕惕。惟念
前非。乃者公卿百僚。累抗章疏。猥以徽號。加於
朕躬。固辭不獲。俯遂輿議。昨因內省。良用矍然。
體陰陽不測之謂神。與天地合德之謂聖。顧惟
淺昧。非所宜當。文者所以化成。武者所以定亂。

今化之不被亂。是用興。豈可更徇羣情。苟膺虛美。重余不德。祇益懷慙。自今以後。中外所上書奏。不得更稱聖神文武之號。夫人情不常。繫於時化。天道既隱。亂獄滋豐。朕既不能弘德導人。又不能一法齊衆。苟設密網。以羅非辜。爲之父。母實增愧悼。今上元統曆。獻歲發生。宜革紀年之號。式敷宥過之澤。與人更始。以荅天休。

晉王荆襄等道兵馬都元帥制 陸贄

門下君人立極。所務於勝殘。秉律成師。寔先於謀帥。申明號令。總制紀綱。弘九合之功。決百勝之略。非慎簡。不可以濟事。非僉屬。不可以臨民。集大勳者。必振其宏網。體至公者。無避於內舉。爰擇蕃翰。俾掌元戎。開府儀同三司。舒王謨。性稟忠厚。訓知禮樂。居常樂善。動不違仁。察其內恕。外溫。必能安人和衆。體方識敏。諒可成功。庶乎知子之明。授以師貞之律。可揚州大都督。持

節克荆襄江、西、沔、鄂等道節度使及諸軍行營
兵馬都元帥餘如故仍賜名誼改封晉王嗚呼
小子誼其敬聽朕命我國家之有天下百七十
載于茲矣祖宗垂化紹統功德繼茂威加殊俗
惠洽普天海隅蒼生代受亭育躋之于福壽煦
之以仁和源廣流長慶深祚遠歷數有嗣續於
朕躬兢兢業業懼不能負荷虔恭寅畏歲五周
星循列聖之耿光稽上古之謨訓一物失所是
用疚心萬方有罪每懷咎已懸法皆考于天下

馬燧渾瑊副元帥招討河中制 陸贄

門下天地殊位。君臣異制。苟不率道。茲謂亂常。退而增修。於是有舞干之義。諭以遷善。於是有文告之辭。若猶不悛。乃用致討。興戎動衆。豈得已哉。李懷光擢自軍候。委之節制。亟有勤績。累加寵榮。總衆駿奔。自遠赴難。解圍逐寇。朕甚德之。位極上台。寄崇總帥。親之若同體。信之無間。言朕於斯人。亦已厚矣。而器小任重。固貽顛覆。有功自棄。無罪自疑。崇信讒邪。脅逐將帥。養寇

資亂蓄奸幸災朕素所推誠猶謂非實優容任
遇坦然如初凶貫既盈醜跡彌露謀危社稷通
結渠魁公相往來無復畏忌窮極兇悖所不忍
言朕播遷巴梁遠違陵寢大懼失墜爲列聖羞
賴先澤在人兆庶知感朔方將士忠節不渝懷
光旣沮姦謀詭稱効順累陳疑疏請詣闕庭朕
深惟舊勲務欲全貸授以師保之任疇其井賦
之食璽書勞問誓以始終懷光遂殺辱使臣完
聚守保將以悖慢之罪加於忠義之軍因茲脅

從冀與同惡謂衆可罔謂天可欺覆載所不容
人神所共棄討除大憝招緝非辜爰咨輔臣以
董戎寄北平郡王馬燧操業端亮器宇宏達秉
難奪之節負不羈之才常持至公深識大體感
激而三軍有勇彌綸而庶績允諧威聲所臨郡
邑皆復殿於北土隱若長城樓煩郡王渾瑊淳
粹積衷仁厚成性布寬大以容衆著誠信以撫
人事必沈詳臨危益辨節惟貞固在險逾彰弘
濟艱難茂昭勳閔出納朕命光膺具瞻並文武

全才安危注意。副我憂屬。時惟二臣。比德叶謀。往濟多難。燧可云云。城可云云。嗚呼。朕實不敏。不明。失於君道。連禍未息。勞師糜居。中心自咎。鬱若焚灼。又以朔土之衆。代著忠勞。橫遭汗脅。深所閔惜。爾其敬敷朕命。明諭朕懷。務於招綏。非黷威武。惟輸誠歸順。罔有不赦。惟執逆拒命。罰止元兇。寧失不經。無濫非罪。列爵懸賞。用俟勳賢。布告遠邇。咸令知悉。

授韋博淄青節度使制

沈 珣

乃眷營丘。表于東海。富強號于乘之國。繁雜聚四方之人。假上將之威權。壯中軍之垣翰。將疇間寄。必在信臣。具官某。文苑騰芳。儒林擢秀。襟靈曠遠。風度詳閑。周通爰表於器能。強濟式彰於事任。早以重價。踐遷清途。諫垣流譽。諤之名。通邑擅神明之譽。頃自移曹。九棘緩步。八磚冲澹。安身卷舒。惟道應茲。圖任允叶。僉諧懿彼。全齊。實爲右壤。禹貢別九州之盛。海濱綜五都之

繁昔周命太師漢封韓信啓土用申於帶礪分
茅克懋於藩維選任之隆古今攸重於戲平仲
盡規之節夷吾當路之方經堂臯而微猷可循
指牛山而忠讜如在餘波未泯遺愛斯存禮節
既洽於里閭風謠尚傳於故老爲政之暇無忘
諮詢盛鐵馬於師壇指金貂於騎省祇膺成命
勉服寵光

崔龜從拜相制

崔瓊

門下丹青神化寅亮天工將寄陶鈞必歸才望
故漢中大業魏邴克贊其謨謀開元盛時姚宋
同匡其治理嘗覽前代緬懷斯人寤寐以求夢
卜終叶適當舉衆不讓知賢戶部尚書判度支
崔龜從道峻嵩華志凌煙霄氣包元精識邁前
哲巖廊符瑞禮樂英華弘通多鑒物之明堅直
抱佐時之術而學窮源委詞涌濤波吐論素勵
于公忠理躬不踰于信厚烈火方熾珪璋更寒

飛霜已嚴。竹柏猶翠。自出入劇職。徊翔清途。經歷五年。恭勤一貫。粉署潔賜衣之操。掖垣高白鳳之文。澄清宣威。節制持重。既位延舊德。再掌地圖。任切良材。柄專國用。閭閻不困。帑藏有餘。邦賦程均節之能。軍食表供須之効。我有好爵。本邀茂勳。况乎國禎宜在人傑。是用命汝同心。弼予。升于鼎司。執此政柄。吉甫德全于文武。彥回望著于台衡。既諧具瞻。寔允元輔。於戲。惟木從繩。載懷藥石之誠。惟風偃草。冀流霖雨之功。

與其順美以昭忠。不若盡規而輔德。與其嚴刑而就理。不若齊禮以安人。佇聞嘉言。共底交泰。無令伊傅獨美典墳。可戶部尚書同中書門下平章事。

文傳

卷之四

三

與劉孝儀令

梁簡文帝

賢從中庶奄至殞逝痛可言乎其孝友淳深立身貞固內含玉潤外表瀾清美譽嘉聲流於士友言行相符始終如一文史該富琬琰為心辭章博瞻玄黃成采既以鳴謙表性又以難進自居未嘗造請公卿締交榮利是以新沓莫之舉杜武弗之知自阮放之官野王之職栖遲門下已踰五載同僚已陟後進多升而怡然清靜不以少多為念確爾之志亦何易得西河觀寶東

文傳

卷之四

三上

江獨步。書籍所載。必不是過。吾昔在漢南。連翩
書記。及忝朱方。從容坐首。良辰美景。清風月夜。
鷁舟乍動。朱鷺徐鳴。未嘗一日而不追隨。一時
而不會遇。酒闌耳熱。言志賦詩。校覆忠賢。推揚
文史。益者三友。此實其人。及弘道下邑。未申善
政。而能使民結去思。野多馴雉。此亦威鳳一羽。
足以驗其五德。比在春坊。載獲申晤。博望無通
賓之務。司成多節文之科。所賴故人。時相嬾偶。
而此子溘然。實可嗟痛。惟與善人。此爲虛說。天
之報施。豈若此乎。想卿痛悼之誠。亦當何已。往
矣。奈何。投筆惻愴。吾昨欲爲誌銘。并爲撰集。吾
之劣薄。其生也不能揄揚。吹獻使得騁其才用。
今者爲銘爲集。何益。既往故爲痛惜之情。不能
已已耳。

與湘東王論王規令

簡文帝

威明昨宵奄復殂化甚可痛傷其風韻適正神
峰標映千里絕迹百尺無枝文韜縱橫才學優
瞻跌宕之情彌遠濠梁之氣特多斯實俊民也
一爾過隙永歸長夜金刀掩芒長淮絕涸去歲
冬中已傷劉子今茲寒孟復悼王生俱徃之傷
信非虛說

文... 卷之四


今中日... 宣德皇后令... 夫功在不賞... 德之途已寡... 寄公實天生德... 止不易日月... 博通羣籍... 迹於萬夫之下... 龍而成輒削... 則聲華籍甚... 薦名宰府... 延譽自高隆昌季年

宣德皇后令

夫功在不賞故庸勲之典蓋闕施侔造物則謝德之途已寡也要不得不疆為之名使荃宰有寄公實天生德齊聖廣淵不改參辰而九星仰止不易日月而三儀貞觀在昔晦明隱鱗戢翼博通羣籍而讓齒乎一卷之師劔氣凌雲而屈迹於萬夫之下辯折天口而似不能言文擅雕龍而成輒削藁爰在弱冠首應弓旌客游本朝則聲華籍甚薦名宰府則延譽自高隆昌季年

文... 卷之四

勤王始著。建武惟新。締構斯在。功隆賞薄。嘉庸
莫疇。一馬之田。介山之志。愈厲六百之秩。大樹
之號。斯存及擁旄司部。代馬不敢南牧。推轂樊
鄧。胡塵罕嘗夕起。惟彼狡童。窮凶極虐。衣冠泯
絕。禮樂崩喪。旣而鞠旅誓衆。言謀王室。白羽一
麾。黃鳥底定。甲旣鱗下。車亦瓦裂。致天之屆。拱
揖羣后。豐功厚利。無德而稱。是以祥光總至。休
氣四塞。方老游河。飛星入昴。元功茂勲。若斯之
盛。而地狹乎四履。勢卑乎九伯。帝有恧焉。輶軒
萃止。今遣某等。率茲百辟。人致其誠。庶匪席之
旨。不遠而復。



建平王聘隱逸教

江淹

夫。矯。夏。已。沒。大。道。不。行。雖。周。惠。之。富。猶。有。魚。潭。之。士。漢。教。之。隆。亦。見。棲。山。之。夫。迹。絕。雲。氣。意。負。青。天。皆。待。絳。螭。驤。首。翠。虬。來。儀。是。以。遺。風。獨。扇。百。代。餘。烈。激。厲。後。生。斯。乃。王。教。之。助。古。人。之。意。焉。吾。稅。駕。舊。楚。憇。乘。汀。潭。挹。於。陵。之。操。想。漢。陰。之。高。而。山。川。遐。久。流。風。無。沫。養。志。數。人。並。未。徵。采。善。操。將。棄。良。用。慨。然。宜。速。詳。舊。禮。各。遣。纁。招。庶。暢。此。幽。襟。以。旌。蓬。華。

爲東海餉諸葛處士教

謝朓

昔長孫東組降龍丘之節。文舉北輜。高通德之稱。所以激貪立懦。式揚風範。處士諸葛。瓊高風所漸。結轍前修。豈懷珠披褐。韜玉待價。將幽貞獨往。不事王侯者。邪。聞事親有啜菽之饗。就養寡藜蒸之給。豈得獨享萬鍾。而忘茲五秉可餉。穀百斛。

文選
卷之四

三七

[This section contains faint, mostly illegible text, likely bleed-through from the reverse side of the page.]

未至潯陽郡教二條

陸倕

第五倫之臨會稽。躬斬馬草。鄧伯道之莅吳郡。自運家糧。故能使吏作頌歌。民胥興詠。太守薄德。謬叨龜組。竊願巴祗。闇坐接客。思匹吳隱。被絮對賓。常藥自隨。式瞻無遠。單車入境。竊所庶幾。舊須發民治道。及戍邏樵採。諸如此類。一皆省息。

太守家本諸生。伏膺典記。光武靈臺之籍。較涉根基。張華聚土之書。略見庭戶。貴郡圖載。其具。

存方策。校以山經。參諸括象。原野城寺。宛在心
目。龍泉鶴嶺。不易窮登。所撰郡圖。可勿親用。公
孫陞戟。既以井蛙。延壽執戈。實同兒戲。

爲荊州刺史下教

安成王秀

夫鷄火之禽。不匿影於丹山。昭華之寶。乍耀采
於藍田。是江漢有濯纓之歌。空谷著來思之詠。
弘風闡道。靡不由茲。處士河東。韓懷明。南平韓
望。南郡庾承先。河東郭麻。並脫落風塵。高蹈其
事。兩韓之孝友純深。庾郭之形骸枯槁。或橡飯
菁羹。惟日不足。或葭墻艾席。樂在其中。昔伯武
貞堅。就仕河內。史雲孤邵。屈志陳畱。豈曰塲苗
實。惟攻玉可加。引辟。并遣喻意。既同魏侯。致禮

之請庶無辟疆三緘之歎。

[Faded bleed-through text from the reverse side of the page]

答移市教

庾信

昔張楷碩儒尚移弘農之市。宜官妙篆猶致酒
壚之客。況復德總郇周。聲高梁楚。希風慕義之
士。舉袂成帷。臥轍反車之流。摩肩相接。遂使王
充闕市之處。遠出荒郊。石苞販鐵之所。翻臨崖
岸。聖德謙虛。未忘誼湫。欲令吹簫舞鶴。還反舊
鄠。賣卜屠羊。請辭新闖。而交貿之黨。好畱幽岐
之衆。難遣。

永明九年策秀才五問 王融

問秀才高第明經朕聞神靈文思之君聰明聖德之后體道而不居見善如不及是以崆峒有順風之請華封致乘雲之拜或揚旌求士或設簾待賢用能敷化一時餘烈千古朕寅奉天命恭惟永圖審聽高居載懷祗懼雖言事必史而象闕未箴寤寐嘉猷延佇忠實子大夫選名升學利用賓王懋陳三道之要以光四科之首鹽梅之和屬有望焉

又問昔周宣情千畝之禮。號公納諫。漢文缺三。推之義。賈生置言。良以食惟民。天農爲政本。金湯非粟而不守。水旱有待而無遷。朕式照前經。實茲稼穡。祥正而青旗肅事。土膏而朱絃戒典。將使杏花。莒葉。耕穫不愆。清剛冷風。述遵無廢。而釋耒佩牛。相訟莫反。兼貧擅富。浸以爲俗。若爰井開制。懼驚擾愚民。馮鹵可腴。恐無史白。興廢之術。矢陳厥謀。

又問議獄緩死。大易深規。敬法恤刑。虞書茂典。自氓俗澆弛。法令滋彰。肺石少不寃之民。棘林多夜哭之鬼。朕所以明發動容。旻食典慮。傷秋荼之密網。惻夏日之嚴威。永念畫冠。緬追刑厝。徒以百鍰輕科。反行季葉。四支重罰。爰創前古。訪游禽於絕澗。作霸秦基。歌鷄鳴於闕下。稱仁漢牘。二途如爽。卽用兼通。昌言所安。朕將親覽。又問聚人曰財。次政曰貨。泉流表其不匱。貿遷通其有亡。旣龜貝積寢。緡繯專用。世代茲多。銷漏參倍。下貧無兼辰之業。中產闕游歲之貲。惟

瘼卹隱無捨矜歎上帝溥臨賜朕寶命叩斜之
谷開而出銅且有後命事茲鎔範充都內之金
紹園府之職但赤久深巧學之患榆莢難輕重
之權開塞所宜悉心以對
又問治曆明時昭遷革之運改憲勅法審刑德
之原分命顯於唐官文條炳於鄒說及囑夷廢
職昧谷虧方漢乘素祗之徵魏稱黃星之驗紛
爭空軫疑論無歸朕獲纂洪基思弘至道庶令
日月休徵風雨玉燭克明之旨弗遠欽若之義
復還於子大夫何如哉其驪翰改色寅丑殊建
別白書之

分司是以五正置於朱宣。下民不忒。九工開於黃序。庶績其凝。周官三百。漢位兼倍。歷茲以降。游惰寔繁。若閑冗畢。棄則橫議無已。冤笏不澄。則坐談彌積。何則可修善。詳其對。

又問。昔者賢牧分陝。良守其治。下邑必樹其風。一鄉可以爲績。至有旦撫鳴琴。日置醇酒。文而無害。嚴而不殘。故能出人於阡危之域。躋俗於仁壽之地。是以賈誼有言。下之有惡。吏之罪也。頃深汰珪符。妙簡銅墨。而春雉未馴。秋螟不散。

入在朕前。湊其智略。出連城守。闕爾無聞。豈新樞之道未弘。爲網羅之目尚簡。悉意正辭。無侵執事。

又問。朕聞上智利民。不述於禮。大賢疆國。罔圖惟舊。豈非療饑不期於鼎食。拯溺無待於規行。是以三王異道而共昌。五霸殊風而並烈。今農戰不修。文儒是競。棄本徇末。厥弊滋多。昔宋臣以禮樂爲殘賊。漢主比文章於鄭衛。豈欲非聖無法。將以旣道而權。今欲專士女於耕桑。習鄉

文德
卷之四
四
間以弓騎。五都復而事庠序。四民富而歸文學。其道奚若。爾無面從。

又問自晉氏不綱。關河蕩析。宋人失馭。淮汴崩離。朕思念舊民。永言攸濟。故選將開邊。勞來安集。加以納疑通和。布德修禮。歌皇華而遣使。賦膏雨而懷賓。所以關洛動南望之懷。獯夷遠北歸之念。夫危葉畏風。驚禽易落。無禱于戈。聊用辭辯。片言而求三輔。一說而定五州。斯路何階。人誰或可。進謀誦志。以沃朕心。

恩賜綾錦出關判

劉穆之

某就日輪琛。占風削袵。既踰葱嶺。便集藁街。頻承湛露之恩。幾荷油雲之施。至若綾開翥鶴。映睢浦以成文。錦縹翔鶯。艷江波而濯色。迺九重之厚錫。充萬里之輕齎。關司以寄重咽喉。任光襟帶。物皆違樣。既生非馬之疑。事乃出蕃。須計鳴鷄之失。既緣恩賜。有異當途。勘責不虛。固難留滯。

御史推屬吏判

張鷟

棲鳥之府。地凜冽而風生。避馬之臺。氣威稜而
 霜動。懲奸嫉惡。實藉嚴明。肅政彈非。誠宜允別。
 某位叅持斧。職在埋輪。履暴勝之清徽。乘葛豐
 之雅烈。冠施鐵柱。貴戚傷心。花發繡衣。奸豪歛
 手。近辭端右。遠屆衡陽。聯翩紫蓋之峰。迢遞蒼
 梧之野。但御史推覈。受委非輕。有罪必刑。無幽
 不察。神羊竦角。必觸邪人。隼鷲驚飛。先驅惡鳥。
 推鍾建之罪。特奉繇言。舉張泰之事。無虧格式。

正當直指豈是輒干。准犯量科宜從解退。

家僮視天判

員 傲

聖人體道雖旁行而不流。君子爲儒亦博覽而
多識。甲誠不敏嘗窺秘文傳妙術于青猿。得精
符于翠鳳。管公明之好事不寐。每踰于夜分。劉
子敬之多能。觀星或至于明發。固當率由古道。
仰止先賢。既非日御之官。當晦風占之跡。况門
庭之內。賓友相趨。乃別構青樓。迴披丹檻。當牖
異紅妝之女。寓宿乃蒼頭之僕。董舒災異。主人
猶且致尤。雕語怪神。秦帝尚令下獄。既私庭竊

候罪已良多。公憲正詞。刑其無捨。但以考陳生
之國志。嘗有其人。徵葛公之蜀科。未聞斯罪。古
今異政。夫何足疑。待更細推。方從公議。

曆主失度判

王冷然

律呂之本。今古攸尚。周行殷曆。孔子于是興嗟。
漢襲秦正。劉歆以之條奏。莫不考于經傳。稽之
氣象。惟彼曆生。稱明算法。理須銅壺曉唱。則聽
鷄鳴。玉斗夜廻。方看蟻轉。何得輕于抄忽。失以
毫釐。禪竈多言。豈知天道。羲和廢職。幾亂人時。
遂令太史罷占。疇人廢業。陸佐公之漏刻。莫見
新成。張平子之渾儀。但聞虛設。既失推莫之典。
何逃寘棘之刑。

故紙判

六合爲家萬方同。貫用人文以成化。藉鳥章而
理物。由是簿書嶽峙。文帳波流。酬荅極于稽康。
沉迷昏于公翰。按牘之理。義在隨時。曹局之資。
固宜適用。卽有年代浸遠。事跡淪沒。眞諸幽閣。
疑孔壁而生塵。納以嚴扃。同汲書而有蠹。桃花
之色。對春園而欲曉。魚網之彩。俯秋水而將沉。
羊續則不任補袍。揚雄乃纔堪蓋醬。令式旣標。
年歲州縣自有準繩。何事強申。方來取決。請以

狀下任依彞途

字詁判

張 巡

甲楷法有聞。頗齊刀筆之吏。象形自業。偏在寫書之官。不能殺竹。惟青臨池。盡黑當年。有立應已盈裾。計日不移。無慙尺牘。今乃字詁是事。日課有違。左氏門庭。雖多筆硯。稚川史籍。不滿巾箱。曾莫負于五車。徒見司于雙管。以是會意。雖則摩肱。不能中程。何爲當理。今之簿訴。將俟片言。欲遲單父之書。須辨洛陽之紙。然則類之大。小。猶或可問。刑之出入。于是乎在。

署書題閣判

張 巡

幹。蠱。馳。聲。惕。勵。終。吉。振。人。爲。義。何。難。之。有。顛。沛。
于。是。克。荷。良。存。甲。絕。翰。深。規。代。濟。其。美。精。逾。史。
籀。得。方。伏。之。宏。模。績。洞。張。芝。改。圓。池。之。波。態。晉。
廷。稱。妙。卽。擅。一。臺。越。市。推。珍。還。標。五。字。諒。無。殞。
于。前。構。偶。垂。裕。于。後。昆。孰。謂。象。賢。旋。聞。鮮。克。屬。
以。功。開。揆。日。翥。偃。蹇。之。雕。甍。號。起。凌。雲。結。瞳。矓。
之。畫。閣。式。題。飛。旆。方。呈。鵲。反。之。書。坐。陟。雲。梯。遂。
變。武。賁。之。髮。菱。花。鏡。裏。非。復。青。顏。薤。葉。風。前。俄。

隳素業垂堂取誠誠欲謹身良治遠捐其如棄
訓撫韋家之宿事徒想欽承語王氏之門風深
違祖述永言丘首難忘懷土之心浩意家聲宜
復懸針之藝

本正爲主判

嚴識賢

洪波振海終不到于蓬瀛流電促人詎有固于
金石無不魂遊北斗水闊東川咸促半夜之山
共盡明朝之露聞人不幸一去無歸洛川之風
雪共銷陽臺之雲兩俱霽泉門永閉但聞松柏
之聲總帳空懸無復綺羅之色惜乎丈夫獨立
親屬篋如秋蘭匪植于庭砌春花詎榮于棣萼
眷言爲主寂寞無人切哀痛于仁兄慟悲涼于
本正爭承卽禮兢兢執喪儀未終白鶴之榮詎盡

青蠅之哭。縣司直申情理。非究禮經。徒開弄法之門。未杜簿書之路。竊尋州斷實允。公途以隣主喪。雅叶春卿之禮。捨兄于罰。殊乖秋典之文。

主者不杖判

男。主。女。主。則。異。其。族。苴。杖。削。杖。而。別。于。儀。良。無。扈。扈。之。嫌。用。竭。親。親。之。道。承。家。有。託。亦。何。詢。于。異。門。繼。代。或。虧。乃。陳。攝。于。同。姓。甲。年。馳。石。火。光。陰。坐。沉。訓。絕。金。籬。胤。嗣。非。立。若。敖。之。餒。固。宜。理。而。方。嗟。鄧。攸。之。謠。諒。天。道。而。多。愴。桑。弧。靡。設。詎。憂。稽。紹。之。孤。葛。覃。在。辰。空。有。緹。縈。之。類。謝。庭。窺。雪。奏。歌。詠。于。當。時。蔡。氏。知。弦。輟。娛。歡。于。是。日。三。星。尚。阻。未。及。有。行。五。哭。斯。崇。奄。嗟。無。怙。喪。主。旣。

非。棧。萼。輯。杖。固。屬。標。梅。同。異。昊。天。寧。遺。英。位。撫。禮。深。達。將。譴。何。憑。則。予。一。人。諒。斯。取。而。不。謬。惟。刑。三。復。宜。伏。念。于。無。辜。

父在杖堂判

居。母。親。之。喪。茹。荼。嬰。痛。踊。既。無。節。哭。何。常。聲。悲。在。其。中。形。瘠。于。外。口。不。甘。味。身。不。安。美。潘。生。園。裏。無。復。版。輿。顧。氏。家。中。空。餘。畫。扇。仙。人。白。鶴。遙。投。士。行。之。前。孺。子。隻。鷄。遠。赴。林。宗。之。所。蔡。順。有。繞。墳。之。感。老。萊。無。衣。綵。之。由。喬。枝。未。摧。桂。樹。猶。茂。執。猗。桐。之。杖。上。芝。蘭。之。堂。循。禮。制。而。多。違。顧。刑。書。而。有。犯。請。歸。司。拜。任。便。科。推。

卷之四
五

還墳判

劉亨稱元是并州人因隋季而遷長安今請還就墳陵長不許去

對

頃者江濱鹿走道喪隋風晉水龍興祚開唐運干戈忽起自下都而入上都鷄犬亂馳辭舊國而入新國劉亨爾日正喜攀龍忽念此時旋悲去鶴顧惟舊浦偶咽水而分聲還念故鄉共行雲而動色秋林葉下遽失維桑春圃花飛俄傳

故梓以爲生。金翠石黃絹。仍存掛劍青松貞。枝尚鬱。四時節物。供薦無由。萬里蕭條。歸寧莫遂。冰狐夜聽。首丘之戀。不窮。翔鳥晨驚。懷土之悲。寧輟披肝上請。思切來歸。零淚下霑。悲深去國。雖越吟楚奏。幽顯頗殊。而移尊就卑。禮律通許。宜依所請。庶叶平反。冀南國之禽罷。思閩越東平之樹。不靡咸陽。

旄人判

甲爲旄人鬻髻墜薛暴之器於市人告違禁科之不伏

對

百族萬商會日中之市。範金合土利天下之人。是以陶器必良。誠其渝濫。用器乖度非所貿遷。甲畎畝偏甿。陶旄居業。郊泉歸壤。已復志于千秋。涇水非臨。自餘泥於數斗。不作無益。未見存誠。罔守爾典。旋彰矯迹。濫居闕門之地。豈成堦

文德... 卷之四... 五十一
直之功。鬻斯薛暴。眩乃邊鄙。臨財作偽。嗟日拙。
以成勞于義。且忘喻雲浮。而何取。遂使漆園傲。
夷。無任扣歌。頽陰逸人。難從抱汲。同射鮒于井。
谷。敞甕斯聞。疑飲馬于重丘。毀瓶攸在。守不假。
器。雖將智者之謀。灌若漏卮。終匪居人之用。不。
軌不物。既爲亂正之流。刑期無刑。難從緩刑之。
義。

縣令辭疾判

康庭芝

鄭冑蒙承。曳屣職綰。鳴絃將登。會玉之山。欲屆。
沉錢之浦。方冀騁牛刀于劒冶。舞鸞磬于鍾巖。
不孤王阜之能。方斷子游之躅。泊乎行窮楚塞。
路入吳江。遙山將遠。樹不分。極岸與長天共。合。
歸濤活活。全疑白鷺之飛。去舸遙遙。直似青鳧。
之逝。觀茲艱險。慮有漂沉。方懷魚腹之憂。豈顧。
龜腸之斃。情來歛轡。既有慕于王陽。典盡迴舟。
亦何患于戴道。行背浙流之右。坐歸漳水之濱。

從此掛冠。頗講高節。因茲弭棹。不犯彝章。輒被
告言。殊驚物聽。任其罷退。良謂合宜。

子姓承襲判

辨方經野。天子之疇庸。開國承家。諸侯之立社。
盟河誓嶽。藩屏之任攸歸。鏤鼎銘鍾。公侯之業
爲大門。驅駟馬。路擁旛旗。謀孫計于衆賢。嗣子
希于必復。伯宜大微。叅代。登上將之榮堦。黃土
白茅。踐通侯之貴族。千二百石。與羣后而俱朝。
二十八星。共功臣而並列。當陽侯之文武。空勒
高碑。孟嘗君之池臺。終同下淚。數奇興歎。殊李
廣之無封。天道何言。傷鄧攸之不嗣。陳氏鸞傷

玉鏡鶴怨。瑤徽分劔匣之沉浮。異倚梧之生死。
崩城一慟。非無杞婦之哀。染竹千行。自有湘妃
之泣。對霜閨而憫默。徒念平生。撫猶子而傷心。
空思繼絕。立嫡違法。自有全科。無後國除。宜從
甲令。

知謝判

敦陣塗旅。必務小師。正合奇勝。亦資制敵。苟取
強于技擊。豈見責于軍旅。惟甲推轂。總戎請纓。
爲將。仲升投筆。方期燕頷之封。馮緄發笥。且得
蚩文之兆。于是閃途旬敵。滅戍恤人。渠荅爰施。
踐更斯遣。賦晉臣之一鼓。俾困蒺藜。削漢卒之
伍。符竹歌杖。杜虜塵坐。清于芑野。公問寧候。于
瓜期。誠可論功。孰宜書罪。且如器械爲費用。不
假於平金。士卒復休。功乃逾于三捷。止戈若稱。

情職棄甲何所論刑。執簡是科失言斯甚。雖疾
惡爲事叔孫誠得于指楹而見善則遷。子夏自
宜于沒杖舍而勿問斯則爲然。

射牛判

三衣赫赫牛尾。祀於北方八極悠悠牛山。建於
東國錢塘水上。遠浮金鎖之輝。蜀郡江前。遙沉
石犀之影。豈止披蹄載角。玉鞅華鞞。南州聞果
下之名。西域表花津之異。固以禮標極敬。大祀
資於潔圭。易贊神明。引重憑於致遠。由是降茲
綸綍。著彼科條。姜牙絕其鼓刀。庖丁息其游刃。
侯明鄉閭賤品。稼穡庸夫。常傳甯戚之經。久習
高堂之法。西河資產。希十千而萬計。東州奔駁。

方一自而于里，供而野心興暴，縱目爲災，引辭
角之雕弓，控青筌之箭羽，異天弧之垂象，空法
血之星，殊封禪之舊章，便爲射牛之事，悞殺
不禁，著自彘章，罪疑從輕，聞諸古貫。

